

ሃዋራታ አሶ ጊዶ ቆፋ

ሃዋራታ አሶ ማፃፋዊ ሉቃስ ሚሺራች ቃላጥ ካሊዛይሳ። ሃ ማፃፋዊስ አይፌ ቆፋይ ኮይሮ ዩሱሳ ካሊዛይቲ ሂሎ አያናይ ካሌሲን ኢዛ ጊሽ ዮቲዛ ሚሺራች ቃላ “ዩሱሳላሚን፣ ዩሱሳ ዴሬ ኡባን፣ ሳማሪያኒኔ ቢታ ጋፃ ጋካናስ” 1:8 ሚሺራች ቃላ ኢስቲ ዎስቲ ዉርሲ ጋሲዳኮኔ ሄሳ ዮታናሳ። ማፃፋዊ አማኖይ አይሁዳታ ጋርሳን ዶሚዲ ኩሜሳ አላሜ አሳይ አማኖና ጋካናስ ኢዚ ዋኒ ዋኒ አኪ አኪ ቢዳኮኔ ዮቲዛይሳ። ሃይሳ ማፃፋ ፃፊዳይሲ አማኒዛይቲ ኦሮሜ ካዎራ ኤቄታናስ ጋርሳራ ዮዎ ቃቺዛይታ ጊዶንታይሳኔ አማኒዛይታ አማኖይ ሃንኮ አይሁዳታ አማኖ ፖሎኮ ጋሲዛዝ ጊዲዳይሳ ኤሪሳናስ ዳር ባዜቲዴስ።

ሃዋራታ አሶ ማፃፋይ ዩሱሳ ጊሽ ሚሺራች ቃላይ ጋኪዛሶይ ዎዴን ዎዴን አኪ አኪ ቢዛይሳኔ ዎሳ ኬሴይ ሚኒ ፃጲዳይሳ ቤሲዛ ሄዡ ጊታ ኪፊሌታን ሻኬታናስ ዳንዳዮስ።

1. አማኒዛይታ አማኖይ ዩሱሲ ዴንዲዲ ፑዴ ሳሎ ቢዳጥ ጉዩ ዩሱሳላሚን ዶሚዴስ።

2. ኢስራዔል ዴሬ ኩሜስ ጋኪዴስ።

3. ኦሮሜ ጉጂ ኤኪዲ ሜዲቴራኔ አባ ዩሾን ዲዛ ዴራ ጋካናስ አይኮይሳ ዮቲስ።

ሃዋራታ አሶ ማፃፋን ኬሂ ቆንጨ ቤቲዛይ ሂሎ አያና አሶ ጊዲሺን ጴንፃቆስቲ ባዓሌ ጋላስ ዩሱሳላሚን አማኒዛ አሳ ቦላ ዎልቃራ ዎዶይሳ፣ ሄሳሶካ ሄ ማፃፋዊን ዮቲቲዳ ዮታን ኡባን ቆንጨዳ ማላ ሂሎ አያናይ ዎሳ ኬሳኔ ዎሳ ኬሳ ካሌሲዛይታ ካሌሲዳይሳኔ ሚንሴሲዳይሳ ጉጂስ። ቤኒ ዎዴ ዮቲቲዛ አማኖ ቃላይ ዱማ ዱማ ኦጌራ ሳባኬቲዴስ። ሃዋራታ አሶ ማፃፋን ፖሎቲዳ አሶቲካ ኪታዚ አማኒዛይታ ዴዎኔ ኢስታ ኢሲፌቴሳን ዲዛ ዎልቃይ አይ ማላ ሚኖኮኔ ኤሪሴቲስ።

- ሃ ማፃፋይ አይኪዳ ኩሜሳ ቆፋ
- ማርካቴሳስ ጊጌቲስ 1:1-26
- ዩሱሳላሚን ዮቲቲዳ ማርካቴስ 2:1-8:3
- ዩሱሳኒኔ ሳማሪያን ዮቲቲዳ ማርካቴስ 8:4-12:25
- ጳውሎሳ ሃዋራቴሳ አሶ 13:1-28:31
- ሚሺራች ቃላ ዮታናስ ጳውሎሳስ ኮይሮ ቡስ 13:1-14:28
- ዩሱሳላሚ ሺቆ 15:1-35
- ሚሺራች ቃላ ዮታናስ ጳውሎሳስ ናምዓንሶ ቡስ 15:36-18:22

ሚሺራሾ ቃላ የታናስ ጳውሎሳስ ሄቫንሶ ቡስ 18:23-21:16
ጳውሎሲ ዩሩሳላሜን፣ ቂሳሬኒኔ ኦሮሜን ቃሼቲዴስ 21:17-
28:31

ሃዋራታ አሶ ጌሻ ማፃፋ

¹ ቶፊሎሳ፣ ዩሱሲ አሳናሲኔ ታማርሳናስ አይኪዳይሳ ወርሳ ታ ኔስ ኮይሮ ማፃፋን ፃፋዲስ። * ² ሄሲካ ኢዚ ፑዴ ዴንሳ ጋላስ ጋካናስ ባ ዶሪ ኪቲዳይታስ ሂሎ አያና ባጋራ ኢዚ ኢስታስ ኢሚዳ አዛዘኩ። ³ ኢዚ ዳሮ ዋዩ ቤዩዳፕ ጉዩ ኢስታኮ ሺቂዲ ሃይቆፕ ዴንዳናይሳ ኢስታስ ዳሮ ማርካራ ቆንጨሲሺ አይዱ ታሙ ጋላስ ጋካናስ ኢስታስ ጋላስ ጋላስ ቤቲሼ ያሳ ካዎቴሳ ጊሽ የቲዴስ። ⁴ ኢስታራ ኢሲፌ ማዳን ኡቲ ዲሼ ኢስታ “ዩሩሳላሜፕ ኬዞፒቴ፤ ጊዶ አቲን ታ ኢንቴስ የቲሺን ኢንቴ ሲዩዳይሳ ታ አዋይ ኢሚዳ ኡፋይሳ ናጊቴ።” * ⁵ የሃኒሲ ሃሳን ማቂዴስ ሺን ኢንቴ ቃስ ጉሳ ዎዴፕ ጉዩ ሂሎ አያናን ማቂታና” ጊዲ አዛዘዴስ። *

⁶ ኢስቲካ ኢሲ ቦላ ሺቂቲ ዲሼ “ጎዶ! ኔ ኢስራዌሌታ ካዎቴስ ዛራዳ ሃዲ ኤሳኔ?” ጊ አይቺዳ።

⁷ ኢዚካ ኢስታስ “አዋይ ባ ሺኔን ዎሲዳ ዎዴ ኤሮይ ኢንቴስ ኢሜቲቤና።” ⁸ ጊዶ አቲን ሂሎ አያናይ ኢንቴ ቦላ ዎዲዳ ዎዴ ኢንቴ ዎልቃ ኤካና። ዩሩሳላሜንካ፣ ዩሁዳኒካ፣ ሳማሪያንካ ኡባሶን ቤታ ጋፃ ጋካናስ ኢንቴ ታስ ማርካታ ጊዳና” ጊዴስ። *

⁹ ሃሳ ጊ የቲዳፕ ጉዩ ኢስቲ ዌሊሺን ፑዴ ሳሎ ዴንዲዴስ። ሳሎ ሻራይካ ኢስታ አይፌፕ ኢዛ ጌንሲዴስ። *

¹⁰ ኢዚ ቢሺን ኢስቲ ኢዛ ቲሺ ሂስቲ ፑዴ ሳሎ ዌሊሺን ቦላ ማይዎ ማይዲዳ ናምቡ አሳቲ ቆፖንታ ኢስታ አቻን ኤቂዲ፤

¹¹ “ኢንቴኖ ጋሊላ አሳቶ! ኢንቴ ፑዴ ሳሎ ዌሊሹ ሃይሳን አዛስ ኤቂዴቲ? ሃይሲ ኢንቴ ማታፕ ፑዴ ሳሎ ዴንዲሺን ኢንቴ ቤዩዛ ዩሱሲ ሳሎ ኬዚሺን ኢንቴ ቤዩዳ ማላ ሄሳሶካ ኢዚ ሃ ሲሚ ያና” ጊዳ።

የሁዳ ሶሆን ማቲያሲ ዶሬቲዴስ

¹² ሄሳፌ ጉዩ ዳብራዛይቴ ጌቴቲዛ ዙማ ቦላፌ ዎዲዲ ዩሩሳላሜ ሲሚዳ። ሄ ዙማይካ ዩሩሳላሜፕ ኢሲ ኪሎ ሜትሬ ማላ ሃኬስ። ¹³ ጌዴ ካታማዮ ጌሲዳ ዎዴ ካሴ ባ ዲዛ ኬላ ፖቄ ቦላ ኬዚዳ፤

* 1:1 ሉቃ 1:1-4 * 1:4 ሉቃ 24:49 * 1:5 ማቶ 3:11፤ ማር 1:8፤ ሉቃ 3:16፤ ዮሃ 1:33 * 1:8 ማቶ 28:19፤ ማር 16:15፤ ሉቃ 24:47-48 * 1:9 ማር 16:19፤ ሉቃ 24:50-51

ሄይቲካ ጳጳርሳ፣ የሃረሳ፣ ያቆቤ፣ ኢንዲራሳ፣ ፒሊጳሳ፣ ቶማሳ፣ ባርቴሌሞሳ፣ ማቶሳ፣ ኢልሬዮሳ ና ያቆቤ፣ ባ ባጋ ማዲዛዴ ጌቴቲዛ ሲሞናኔ ያቆቤ ና ዮሁዳ። * 14 ሄይቲ ወረካ ማጫሳታፕ ዮሱሳ አዮ ማራሚራ ሄሳሶካ ኢዛ ኢሻታራ ኢሲ ዎዝናን ኢሲ ቦላ ቃንዎንታ ሚኒ ዎሲዳ።

15 ሄ ጋላሳታን ጳጳርሲ ያታኔ ናምዑ ታሙ አማኒዛ አሳ ጊዶን ኤቂዲ፣ 16 “ታ ኢሻቶ! ዮሱሳ አይኪዳ አሳታ ካሌሲ ኤሂዳ። ዮሁዳ ጊሽ ሂሎ አያናይ ካሴቲዲ ዳወቱ ዱናን ሃሳዬዳ ጊሻ ማፃፋ ቃላይ ፖሌታና ኮሼስ። 17 ኢዚካ ኑፔ ኢሳዴ ማላ ታይቤቲዲ ሃይሳ ሃ አሶዛን ጌላናስ ቃዳ ዴሚዴስ” ጊዴስ።

18 ጊዲኮካ ሃይሳዴይ ባ ኢታ አሶን ዴሚዳ ሚሻን ጋዴ ሻሚዴስ፤ ሄንካ ባ ሊጴን ጉፋኒ ኩንዲን ኢዛ አሳቴሳይ ጊዶፊ ጳልቄቲ ዎዲዴስ፤ ኢዛ ማራጩይ ቢታ ቦላ ዛዜቲዴስ። * 19 ሄሲካ ዮሩሳላሜን ዲዛ አሳስ ኡባስ ሲዮቲዴስ። ቢታይካ ኢስታ ቃላራ “አኬልዳማ” ጌቴቲዴስ፤ ሄሳስ ቢርሼሳይካ ሱሳ ቢታ ጉሳ።

20 ጉጂዲካ ጳጳርሲ “ማዛሙራ ማፃፋን ‘ኢዛ ጋዴይ ሜላ አቶ፣ ኢዛን አይ አሲካ ዶፖ፤ ቃሴካ ኢዛ ዳናቴስ ሃራ አሲ ኤኮ’

ጌቴቲ ዓፌቲዴስ። *

21 “ሄሳ ጊሽ ጎዳ ዮሱሲ ኑናራ ዲዛ ዎዴ ኡባን ኑናራ ኢሲፊ ዲዛይታ ጊዶፊ ኑ ኢሳዴ ዶራናስ ኮሼስ። 22 ሄሲካ የሃረሳ ሂንቃቴፕ ሃ ሲሚን ዮሱሲ ኑፔ ሻኬቲ ዴንዲ ባና ጋካናስ ኑናራ ዲዛዴ ጊዳናስ ቤሴስ። ጋሶይካ ሃ አሳታፕ ኢሳዴይ ኑናራ ዮሱሳ ዴንሳስ ማርካ ጊዳና ኮሼስ” ጊዴስ። *

23 ሄሳ ጊሽ ባርሳባሳ ዎይኮ ዮስዎሳ ጌቴቲዛ ዮሴፊኔ ማቲያሳ ናምዓታ ሺሺዲ፣ 24 “ጎዶ! ኔ አሳ ኡባ ዎዝና ኤራሳ፤ ሃይታ ናምዓታ ጊዶፊ ኔ አና ዶሪዳኮ ኢሳዴ ኑና ቤሳ። 25 ዮሁዳይ ዮጊ ቢዳሶን ሃ አሳ አሳናዴኔ ሃዋሬ ጊዳናዴ ኔ ዶራ” ጊ ዎሲዳ። 26 ሄሳፊ ሳማ ዮጊን ሳማይ ማቲያሳስ ኬዚዴስ። ኢዚካ ታማኔ ኢሲ ሃዋሬታራ ኢሲፊ ታዩቤቲዴስ።

2

ዒሎ አያናይ አማኒዛ አሳ ቦላ ዎዲዴስ

* 1:13 ማቶ 10:2-4፤ ማር 3:16-19፤ ሉቃ 6:14-16 * 1:18 ማቶ 27:3-8
* 1:20 ማዛ 69:25፤ 109:8 * 1:22 ማቶ 3:16፤ ማር 1:9፤ 16:19፤ ሉቃ 3:21፤ 24:51

1 ጳጳሮች ጌቲዛ ባዓሌ ጋላሲ ጋኪዳ ዎዴ አሳይ ወራካ ኢሲ ሶን ሸቂ ዲሺን፤ 2 ቆፋይ ባይንዳ ዳሮ ሚኖ ጎቲ ጫርኮ ማላ ጊሪሲ ዩዴስ፤ አሳይ ዲዛ ኬሳካ ኩሚዴስ። 3 ታማ ላጮ ኢንግርሳ ማላይ አሳስ ቤቲዲ ሻኬቲ ሻኬቲ ኢሲ ኢሲ አሳ ቦላ ኡቲዴስ። 4 አማኒዛይቲ ወሪ ጊሎ አያናን ኩሚዲ አያናይ ኢስታስ ሃሳያናስ ኢሚዳይሳ ኬና ሃራ ቃላራ ሃሳያ ኦይኪዳ።

5 ሄ ዎዴ ሳሎ ጉፋንጾን ዲዛ ዴሬፔ ዩዳ ያሳስ ባቢዛ አይሁዳቲ ዩሩሳላሚን ዴቴስ። 6 ሄ ጊሪሳ ሲይዲ ዴሬይ ሸቂዴስ። ኢሲ ኢሲ አሳይ ባ ቃላራ ሃሳይዛይሳ ሲይዲ ማላሌቲዳ። 7 ማላሌቲዳኔ ጋናዚ ዳዩን “ሃይቲ ሃሳይዛይቲ ወራካ ጋሊሳ አስ ዴቴኔ? 8 ሂስቲን ኑኒ ኑ ዩሌቲዳ ኑ ዴሬ ቃላራ ኢስቲ ሃሳይሺን ዎስቲ ሲዩዞኒ? 9 ኑኒ ጳርቲና አሳይ፣ ሜዴ አሳይ፣ ኤላሜ አሳይ፣ ሜሶፖቶሚያን፣ ዩሁዳን፣ ቆጶዶቂያን፣ ጳንዮሳን፣ ኢሲያን፣ 10 ፊርጊያን፣ ጲንፊሊያን፣ ጊብዌን፣ ቃሬና አቻን ዲዛ ሊቢያፔኔ ኦሮሜፔ ዩዳይቲ 11 አይሁዳቲኔ ጌዴ አይሁዳቲሳን ጊሊዳ ቃርጌሴ አሳኔ አራቤ አሳታ ጊዲሺን ያሳ ዎልቃማ አሶዛ ሃይቲ ኑ ቃላራ ሃሳይሺን ኑ ሲዮስ” ጊዳ።

12 ወራካ ኬሂ ማላሌቲዳኔ ጋናዚ ዳዩን ባ ጊዶን “ሃይሲ አዜሻ?” ጌቲቲዳ። 13 ባጋ አሳይ “ሃይቲ ዳሮ ዎይኔ ጫጄ ኡዩዳ” ጊዲ ኢስታ ቂዲዳ።

14 ሄ ዎዴ ጳጳርሲ ታማኔ ኢሲኔታራ ኤቂዳኔ ባ ቃላ ጶቂ ሂስቲዳ ዴራስ ሂዝጊዴስ “ኢንቴኖ ዩሁዳ አሳቶ! ዩሩሳላሚን ዲዛይቶ! ኢንቴ ወራካ ሃይሳ ኢሲ ሚሽ ኤሪቴኔ ታ ጊዛይሳ ሲዩቴ። 15 ሃሚ ጋዴይ ዎንቲን ቡሮ ሄዡ ሳቲ ጊዲዳ ጊሽ ኢንቴ ቆፒዛ ማላ ሃይቲ አሳቲ ማሶቲቤቴና። 16 ጊዶ አቲን ሃይሲ ካሴ ናቤ ኢዩዔሌን ሂዝጊ ዮቲቲዳ ቃላይ ፖሌታናሳ።

17 ‘ዎሲ ወርሴሳ ጋላስ
 ታ አያና አሾ ማይዲዳ ኡባ ቦላ ታ ጉሳና፤
 ኢንቴ ማጫ ናይቲኔ ኢንቴ አቱማ ናይቲ ቲንቢቴ ሃሳያና፤
 ዩላጋ ናይቲ አጁታ ቤያና፤
 ጫማቲ አጉሞ አጉሜታና። *

18 ሄ ዎዴ ታ ማጫ አሽካራታ ቦላኔ ታ አቱማ አሽካራታ ቦላ ታ አያናፔ ታ ጉሳና።
 ኢስቲካ ቲንቢቴ ሃሳያና።

19 ቦላ ሳሎን ማላሊሲዛ ሃኖታ ታ ቤሳና፣
 ጋርሳ ሳዓን ማላታታ ታ ቤሳና፤
 ሱሲ፣ ታማይኔ ቱላላይ ሃናና።

20 ጊታኔ ቦንቾ ጊዲዳ

* 2:17 ኢዩ 2: 28-32

ጎዳ ጋላሲ ያናፔ ካሴቲዲ
አዋ አርሼይ ዱማና፤
አጊናይካ ሱሉ ሚሳታና።

21 ጎዳ ሱንሱ ያይጊዛይ ወሪ አታና፣ ጊዴስ።

22 “ኢስራዔል ናይቶ! ሃይሳ ቃላ ሲዩቴ፤ ኢንቴ ኢንቴ ባጋራ ኤሪዛይሳ ማላ ኢንቴ ጊዶን ማላታኔ አሲ ሲዩ ኤሮንታ ሚሻታ ኢዛ ኩሼን ኦሲዲ ያሲ ናዚሬቴ ዩሱሳስ ማርካቲዴስ። 23 ያሲ ካሴ ባ ቃቺዳይሳ ኢዛስ ቤኒ ኤራቴሳ ማላ ሃይሳዴ ኢንቴ ኩሼን ኦሲ ኢሚዴስ። ኢንቴካ ኢታ አሳታ ኩሼን ካቲቴ ሃይቃና ማላ ኦሲዴታ። * 24 ጊዶ አቲን ያሲ ኢዛ ቦላፌ ሃይቆ ዎልቃ ዲጊዲ ሃይቆፔ ዴንሲዴስ። ሃይቆይካ ኢዛ ኦይኪ አሻናስ ዳንዳይቤና። *

25 ዳወቴይካ ኢዛ ጊሽ

‘ታኒ ጎዳ ኡባ ዎዴ ታ ሲንሳን ቤያይስ፤

ኢዚ ታ ኡሻቻን ዴስ፤ ሙሌካ ሂርጊኬ።

26 ሄሳ ጊሽ ታ ዎዝናይ ኡፋዮቴስ፤

ታ ዱናይካ ጋላቴስ፤

ታ አሾይ ኡፋይሳን ዳና።

27 ኔ ታ ሼምፖዮ ዱፎን አጋካ፤

ኔ ና ጊሻዛ ዎቃና ማላ አጋጋካ፤

28 ኔ ዴዎ ኦጌ ታ ኤሪና ማላ አሳዳሳ።

ኔ ታናራ ዲዛ ጊሽ ታ ኡፋይሳይ ኩሜሳ’

29 “ታ ኢሻቶ! ቤኒ አዋታፔ ዳወቴይ ሃይቂ ሞጌቲዳይሳኒ ኢዛ ዱፎይ ሃሻ ጋካናስ ኑ አቻን ዲዛይሳ ባቦንታ ታ ኢንቴስ ዮታና ዳንዳይስ። 30 ኢዚ ናቤ ጊዲዳ ጊሽ ያሲ ኢዛ ዜሬሳፌ ኢሳዴ ኢዛ ካዎቴሳ አልጋ ቦላ ዎሳናይሳ ካሴ ጫቆ ቃላን ዮቲዳይሳ ኤሪዴስ። * 31 ሄሳ ካሴቲዲ ኤሪዳ ጊሺኔ ኢዛ አሾይ ዎቂ ዱፎን አቶንታ ዶሬቲዳ ኪርስቶሳ ዴንሳ ጊሽ ሃሳዩዴስ። 32 ሄ ዩሱሳ ያሲ ሃይቆፔ ዴንሲዴስ። ኑካ ወሪ ሃይሳስ ማርካታ። 33 ሄሳ ጊሽ ኢዚ ያሳ ኡሻቻን ጵቂ ጵቂ ጊዳፔ ጉዬ ዒሎ አያና ኡፋይሳ ባ አዋፔ ኤኪዲ ሃሲ ኢንቴ ቤዩዛይሳኒ ሲዩዛይሳ ዱጌ ጉሲዴስ።

34-35 ዳወቴይ ፑዴ ሳሎ ኪዚቤና፤ ኢዚ ባ ዱናን

‘ጎዳይ ታ ጎዳስ “ታ ኔ ሞርኬታ

ኔ ቶሆ ጋርሳን ዩዲሳና ጋካናስ

ታ ኡሻቻን ኡታ” ጊዴስ። *

* 2:23 ማቶ 27:35፤ ማር 15:24፤ ሉቃ 23:33፤ ዮሃ 19:18 * 2:24 ማቶ

28:5-6፤ ማር 16:6፤ ሉቃ 24:5 * 2:30 ማዛ 132:11፤ 2ሳሜ 7:12-13

* 2:34-35 ማዛ 110:1

36 “ሄሳ ጊሽ ያሲ ኢንቴ ካቂዳ ዮሱሳ ጎዳኔ ኪርስቶሳ ሂስቲዳይሳ ኢስራዔል አሳይ ወሪ ሎዔሲ ኤሮ” ጊዴስ።

37 ዴሬይ ሄሳ ሲዱዳ ማላ ዎዝናይ ቦሼቲዴስ። ጳፅሮሳኔ ሃንኮ ዮሱሲ ኪቲዳይታ “ኑ ኢሻቶ! ሂስቲን ኑ አይ አሲኖ?” ጊዳ።

38 ጳፅሮሲካ “ማሮቴሳን ገሊቴ፤ ኢንቴ ናጋራይ ማሬታና ማላ ኢንቴፊ ኢሲ ኢሲ አሲ ዮሱስ ኪርስቶሳ ሱንሳን ማቆቲቴ፤ ኢዚ ኢሚዛ ሂሎ አያና ኢንቴ ኤካና። 39 ኡፋይሳ ቃላይ ኢንቴሲኔ ኢንቴ ናይታሳ፤ ቃሴካ ጎዳ ያሲ ባኮ ዪይጊዛ ሃሆን ዲዛይታሳራ ኡባሳ” ጊዴስ።

40 ሃራ ዳሮ ቃላራ ኢስታስ ማርካቲሼ “ሃይሳ ገላ ዮሎቴሳፊ ኢንቴና አሺቴ” ጊዲ ኢስታ ቆፊሲዴስ። 41 ሄ ጋላስ ቃላ ኤኪዳይቲኔ ማቆቲዳይቲ ሄኹ ሺ ማላ አሳይ ካሴይታ ቦላ ጉጂቲዴስ። 42 ኢስቲካ ሃዋሬታ ቲሚርቴን፣ ኢሲፊ ቁማ ሙሳኒኔ ዎሳን ሚኒዳ።

43 ሃዋሬታ ኩሼን ዳሮ ማላታቲ አሴቲዳ ጊሽ አሲ ኡባይ ኢስታስ ባቢዴስ። 44 አማኒዳይቲ ወሪካ ኢሲፊ ዴዒዳ፤ ባስ ዲዛዚካ ኡባ ኢሲ ቦላ ጎዔቲዳ። * 45 ባስ ዲዛ ሚሼኔ ሜሄ ባይዚ ባይዚ ባ ጊዶን ኮሺዳ ማላ ጊሼቼዳ። 46 ጋላስ ጋላስ ያሳ ኬሳን ኢሲፊ ሺቆቴስ። ባ ኬሳንካ ቁማ ኢሲፊ ኡፋይሳኒኔ ሱሬ ዎዝናራ ሜቴስ። 47 ኢስቲ ያሳ ጋላቲሼ ዴሬ ሲንሳን ቦንቼቲዳ። ጎዳይካ ኢስታ ቦላ ጋላስ ጋላስ አራህ አማኒዳይታ ጉጂዴስ።

3

ጳፅሮሲ ኢሲ ቶሆይ ሲሊዳዴ ፓሲዴስ

1 ኢሲ ዎዴ ጋላሳፊ ኡዱፉን ሳቴ ቦላ ጳፅሮሲኔ ዮሃኒሲ ዎሳ ሳቴን ያሳ ኬሴ ባና ኬዚዳ። 2 ኢሲ ዮሎቶሳፔ ዶሚዲ ቶሆይ ሲሊዳዴ ያሳ ኬሴ ገሊዛ አሳፔ ሚሼ ዎሳና ማላ አሳይ ጋላስ ጋላስ ቶኪ ኤፊዲ ዎሲን ኢሲ “ሎዎ” ጌቲቲዛ ያሳ ኬሳ ፔንጌን ዎሲዛዴይ ዴስ።

3 ኢዚካ ጳፅሮሲኔ ዮሃኒሲ ያሳ ኬሴ ገሊሺን ቤዱዳ ኢስታፊ ሚሼ ዎሲዴስ። 4 ጳፅሮሲኔ ዮሃኒሲ ኢዛ ቲሺ ሂስቲ ዪሊዳ። ጳፅሮሲካ ኢዛ “አኔ ሃ ኑና ዪላ” ጊዴስ። 5 አዴዚካ ኢስታፊ አይኮ ዴማና ጊዲ ኢስታ ቲሺ ሂስቲ ዪሊዴስ። 6 ጊዶ አቲን ጳፅሮሲ ኢዛስ ዛሪዲ “ታስ ቢራይኔ ዎርቃይ ዴና፤ ጊዲኮካ ታስ ዲዛዝ ታ ኔስ ኢማይስ፤ ናዚሬቴ ዮሱስ ኪርስቶሳ ሱንሳን ዴንዳዳ ኔ ቶሆራ ሃሙታ” ጊዴስ። 7 ኢዛስ ኡሻቻ ኩሼ አይኪዲ ዴንሳዴስ። ሄራካ አዴዛ ቶሆይኔ ቶሆ ቂርጴይ ሚኒዴስ። 8 ጉፒ

* 2:44 ሃዋ 4:32-35

ዴንዲ ኤቁዲ ሃሙሳ አይኪዴስ። ያኔ ሃኔ ሃሙተሼኔ ጉፒሼ ያሳካ ጋላተሼ ኢስታራ ኢሲፌ ያሳ ኬሳ ጊቤ ጊሊዴስ።⁹ ኢዚ ያሳ ጋላተሼ ያኔ ሃኔ ሲሜሬተሺን አሳይ ቤዱዴስ።¹⁰ ሃይሳዴይ ሃኒፌ ካሴ “ሎዎ” ጌቱቲዛ ያሳ ኬሳ ፔንጌን ኡቲዲ ሚሼ ዎሲዛይ ኢዛ ጊዲዳይሳ ኤሪዴስ። ኢዛ ቦላ ሃኒዳይሳፌ ዴንዲዳይሳን አሳይ ኬሂ ማላሌቲዴስ።

ጴጥሮሳ ሃሳዎ

¹¹ ሃ ፓዲዳ ዎሳንቻይ ጴጥሮሳኮኔ ዮሃንሳኮ ሺጵ ጊዲ ኢስታራ አይኪቲ ዲሺን ዴሬይ ወሪ ማላሌቲዲ ኢስታኮ “ሶሎሞኔ ሲሜሬቱሳሶ” ጌቱቲዛሶ ዎሳን ዩዴስ።¹² ጴጥሮሲ ሄ አሳ ቤዱዲ “ኢንቴና ኢስራዔሌ ዴሬቶ! ሃይሳን አዛስ ማላሌቲቲ? ቃሴካ ሃይሳ አዴዛ ኑኒ ኑ ዎልቃን ዎይኮ ኑኒ ኑ ሂሎቱሳን ፓሲዲ ሃሙተሲዳ ማላ ቆዲዲ ኑና አዛስ ቲሺ ሂስቲ ዌሌቲ?”¹³ ኑ አዎንታ አብራሃሜንታ፥ ዩሳቃንታ፥ ያቆቤንታ ያሲ ባ ናዛ ዩሱሳ ቦንቺዴስ። ኢንቴ ቃስ ኢዛ ሃይቆስ አሲ ኢሚዴታ፤ ጴላዎሲ ኢዚ ቢርሻና ኮይንካ ኢንቴ ‘ኮዮኮ’ ጊዴታ።^{*} ¹⁴ ጌሻኔ ሂሎዛ ኢንቴ ካዲዲ ሽምፖ ዎዲዛይሲ ቢርሼታና ማላ ዎሲዴታ።^{*} ¹⁵ ዴዎ ኢሚዛዴ ኢንቴ ዎዲዴታ፤ ጊዶ አቲን ያሲ ኢዛ ሃይቆፔ ዴንሲዴስ፤ ሄሳስ ኑኒ ማርካ።¹⁶ ሃይሲ ኢንቴ ቤዩዛይሲኔ ኢንቴ ኤሪዛይሲ ሚኒ ኤቁዳይ ዩሱሳ ሱንሳን አማኒዳ ጊሻሳ። ኢንቴ ወሪካ ቤዩዛ ማላ ኢዚ ኩሜሳ ፓዓ ዴሚዳይ ዩሱሳ ሱንሳኒኔ ኢዛ ሱንሳን ቤቲዛ አማኖና።

¹⁷ “ሃዲካ ታ ኢሻቶ! ኢንቴ ሄሳ አሲዳይ ኢንቴ ሃላቃታ ማላ ኤሮንታ ጊዲዳይሳ ታ ኤራይስ።¹⁸ ጊዲኮካ ኪርስቶሲ ዋዩ ኤካናይሳ ያሲ ካሴ ናቤታ ዱናን ሃሳዩዳይሳ ፖሲዴስ።¹⁹ ሄሳ ጊሽ ኢንቴ ናጋራይ ቁጩቲ ጳያና ማላ ማሮቱሳን ጊሊቱ። ኢንቴ ቢዛ አጌፔ ሲሚቱ፤ ጎዳ ማታፔ ኢንቴ አራዓና ዎዴይ ኢንቴስ ያና።²⁰ ቃሴካ ያሲ ካሴ ኢንቴስ ዶሪ ዎሲዳ ዩሱስ ኪርስቶሳ ኢዚ ኢንቴስ ዩዳና።²¹ ያሲ ካሴ ጌሻ ናቤታ ዱናን ሃሳዩዳይሳ ማላ ሃኒዛይሳ ወርሲ አራዒሳና ዎዴይ ጋካናስ ኢዚ ሳሎን ጋምዓናስ ኮሼስ።²² ሙሴይኮ ‘ኢንቴ ጎዳ ያሳይ ኢንቴ ጊዶፌ ታ ማላ ናቤ ኢንቴስ ዴንሳና። ኢዚ ኢንቴስ ዮቲዛይሳ ሲዩቱ።^{*} ²³ ሄ ናቤዛ ሲዮንታ ኢዲዳይ ሽምፖይ ወሪ ዴሬ ጊዶፌ ሻኬቲ ጳዮ’

²⁴ “ቱማፔ ሳሜላፔ ሃ ሲሚን ዴንዲዳ ናቤቲ ወሪ ሃይታ ዎዴታ ጊሽ ሃሳዩዳ።²⁵ ኢንቴካ ናቤታ ናይታ። ቃሴካ ያሲ

* 3:13 ኬሳ 3:15 * 3:14 ማቶ 27:15-23፤ ማር 15:6-14፤ ሉቃ 23:13-23፤ ዮሃ 19:12-15 * 3:22 ዛሬ 18:15፤18

አብራሃሜስ ‘ኔ ዜሬላን ቢታ አሲ ወሪ አንጄታና’ ጊዲ ኢዚ ጫቂዳ ጫቆዛ ኢንቴ ላታና። * 26 ዖሲ ናዛ ዴንጎሊዳ ዎዴ ኢንቴና ኢሳ ኢሳ ኢንቴ ኢታቴሳሬ ዛሪዲ አንጃና ማላ ካሴቲዲ ኢንቴኮ ኪቲዴስ” ጊዴስ።

4

ጴጥሮስኔ የሃኒሲ አይሁዳ ዱላታሶ ሺቂዳ

1 ጴጥሮስኔ የሃኒሲ አሳስ ሃሳያን ዲሺን ቁሴታ ሃላቃቲኔ ዖሳ ኪሳ ናጊዛይታ ሃላቃይ ቃሴካ ሳዱቃዌቲ አኬኮንታ ኢስታኮ ዩዳ።

* 2 ዩዲኔ ሃዋሬቲ አሳ ታማርሲዛይሳሲኔ ዩሱሳ ባጋራ ቤቲዳ ሃይቂዳይታ ዴንሳ ጊሽ ሳባኪዛይሳስ ኬሂ ሃንቁቲዳ። 3 ጴጥሮሳኔ የሃኒሳ ጋዴይ ቃሚሺን አይኪዲ ዎንታና ጋካናስ ቃሾ ኪሳን አይሲዳ። 4 ጊዶ አቲን ቃላ ሲዩዳ አሳፔ ዳሪዛ ባጋይ አማኒዴስ። አማኒዛ አቲማ አሳታ ቆዳይ ጌዴ ኢቻሹ ሺ ጋካናስ ዶቁ ጊዴስ።

5 ዎንቴሳ ጋላስ ኢስታ ሃላቃቲኔ ጨማቲ ቃሴካ ሙሴ ዎጋ ታማርሲዛይቲ ዩሩሳላሜን ሺቂዳ። 6 ኢስታ ቁሴታ ሃላቃ ሃናይኔ ቃዎፋይ፣ የሃኒሲ፣ ኢስኪንዲሮሲኔ ቁሴታ ሃላቃሶ አሳይ ወሪ ሄ ጋዳን ቤቲዳ። 7 ኢስቲካ ጴጥሮሳኔ የሃኒሳ ባ ጊዶን አሲ ኤሲዲ “ሃይሳ ኢንቴ አሲዛይ አዛ ዎልቃኔ? ዎይኮ አና ሱንሳኔ?” ጊዲ አይቺዳ።

8 ሄ ዎዴ ጴጥሮሲ ዒሎ አያናን ኩሚዲ “ኢንቴና ዴሬ ሃላቃቶ! ዴሬ ጨማቶ! 9 ኢንቴ ሃች ሃ ቶሆ ሲላ አዴዛስ አሴቲዳ ሎዎ አሶይ ዋኒ ኢዚ ፓዒዳኮ ኢንቴ ኑና አይቺዛ ጊዲኮ፣ 10 ኢንቴ ካቂን ዖሲ ሃይቆፔ ዴንጎሊዳ ናዚሬቲ ዩሱስ ኪርስቶሳ ሱንሳን ኢዚ ፓዒዳይሳኔ ኢንቴ ሲንሳን ኢዚ ኤቂዳይሳ ኢንቴካ ኢስራዔሌ ዴሬ አሳይ ወሪ ሃይሳ ኤሪቴ። 11 ኢዚካ ኢንቴ ኪሳ ሂላቲ ሴቂ አጊዳ ሹቻይ ጊንቤ ኪሳስ ጉላ ቦላ ቦላራ ዎሲዛ ሹች ጊዲዴስ። †* 12 አቶቴሲ ሃራ አናንካ ባ፤ ሳሎፔ ጋርሳ ባጋራ ኑ አሳ ናይቲ አታና ማላ ኑስ ኢሜቲዳይ ሃይሳሬ ሃራ ሱንሲ ዴና” ጊዴስ።

13 አይሁዳታ ዱላታ አሳይካ ጴጥሮስኔ የሃኒሲ ሄሳሶ ዓሊ ሃሳዩዛይሳ ቤዩዲ ኢስቲ ታማሮንታ አስ ጊዲዳይሳ ኤሪዲ ማላሴቲዳኔ ኢስቲ ካሴ ዩሱሳራ ዲዛይታ ጊዲዳይሳ አኬኪዳ። 14 ሄ ፓዒዳ አዴዚ ኢስታራ ኤቂዲሺን ቤዩዳ ጊሽ ኢስታስ ሃራ አሳናስ ጋሶይ ዳዩዴስ። 15 ሄሳ ጊሽ ኢስታ ዱላታፔ ኪሳና ማላ

* 3:25 ሜዴ 22:18 * 4:1 ቁሴታ ኢሲ ኢሲ ገሻ ማፃፋቲ ቁሴታ ሃላቃ ጌቲስ።
† 4:11 ጉላ ጊዛይሳ ኢሲ ኢሲ ባጋ ጋሞ አሳይ ማጋላ ዎይኮ ሾቻ ሹች ጌስ።
* 4:11 ማዛ 118:22

አዛዚዳ። ሄሳፌ ቃሴካ ሸቁቲዲ ባ ጊዶን ዞሬቲዳ። 16 ባ ጊዶን “ሃይታ አሳታ ዎስቲኖ? ዩሩሳላሜን ዲዛ አሳይ ወሪ ኢስታ ኩሼን ሃኒዳ ጊታ ማላታ ኤሪዴስ። ሄሳ ጊሽ ኑ ሃ ዮዞዛ አሳ ባሌሳናስ ዳንዳዮኮ። 17 ጊዶ አቲን ሃይሲ ዮዞዚ ዴሬ ጊዶን ኬሂ አኮንታ ማላኔ ሃይቲ አሳቲ ናምዓንሶ ሃይሳ ሃ ሱንሳን ሃራ አናስካ ዮቶንታ ማላ ኢስታስ ሎዔሲ ዮታኖ” ጊዳ።

18 ኢስታ ዌይጊዲኔ ሙሌካ ዩሱሳ ሱንሳን ሃሳዮንታ ማላኔ ታማርሶንታ ማላ አዛዚዳ። 19 ጴጅሮሲኔ ዮሃኒሲ ቃሴ ዛሪዲ “ኑኒ ያሳፌ ቦላራ ኢንቴስ አዛዜታናስ ቤሲዛኮኔ አኔ ኢንቴ ያሳ ሲንሳን ፐርዲቴ። 20 ኑኒ ኑ ቤዩዳይሳኔ ኑ ሲዩዳይሳ ሃሳያናፕ ጉዩ ጎኮ” ጊዳ።

21 ቃሴካ ኢስታ ቦላ ማንዲዲ ዩዲዳ። ጋሶይካ ሃንኮ ዴሬይ ወሪ ሃኒዳ ዮዞዛ ጋሶን ወሪካ ያሴ ጋላቲዛ ጊሽ ኢስታ ቃዓያናስ ዳንዳይቤቴና። 22 ሄ ጊታ ማላታን ፓዊዳ አዴዛስ ላይሲ አይዱ ታማፌ ቦላ።

23 ጴጅሮሲኔ ዮሃኒሲ ቃሾፕ ቤርሼቲዲ ጊዴ ባ አሳታኮ ሲሚዲ ቁሴታ ሃላቃቲኔ ዴሬ ጨማቲ ኢስታ ጊዳይሳ ወርሲካ ዮቲዳ።

24 ኢስቲካ ሄሳ ሲዩዳ ማላ ባ ቃላ ጵቁ ሂስቲዲ ኢሲፌ ያሳኮ “ዎጋ ጎዳወ! ነኒ ሳሎኔ ሳዓ፣ አባኔ አባ ጊዶን ዲዛይታ ወርሳ ሜዳዳሳ። * 25 ኔ አሽካራ ኑስ አዎ ዳወቴ ዱናራ ዊሎ አያናን ‘ዴሬ አሳይ አዛስ ሃንቁቲ ዴንዲዴ?’

ዴሬይ አዛስ ሜላ ማቁቲዜ?

26 ቤታ ካዎቲ ኢሲፌ ጋጊዲ ቤታ ሃሪዛይቲ ኢሲ ቦላ ሸቁቲዲ ጎዳ ቦላን ኔ ዶሬቲ ቲዩቲዳይሳ ቦላ ዱላቲዳ’ ጊዲ ዋሲዳ።

27 “ቱማፕ ሄርዶሲኔ ጳንዮሳ ጳላዮሲ ኢስራዔላታራኔ ሃራ ዴሬ አሳራ ሃኖ ካታማይን ኔ ዶራ ቲዩዳ ጌሻ ናዛ ዩሱሳ ቦላ ዮዮ ቃቻናስ ሸቁቲዳ። * 28 ሃይሳንካ ኔ ዎልቃኒኔ ኔ ሼኔን ካሴ ኔ ቆፐዳይሳ ኢስቲ ፖሊዳ። 29 ጎዶ! ሃዒካ ኢስታ ማንዴዛ ኔ ቤያ፤ ኑኒ ኔ አይሌቲ ኔ ቃላ ባቦንታ ኩሜሳ ዓላቴሳራ ዮታኖ ማላ ዳንዳዮሳ። 30 ፓሳናስ ኔ ኩሼ ሚጫ። ኔ ና ጌሻዛ ሱንሳን ጊታ ማላታ አላ” ጊዳ።

31 ኢስቲ ዎሲዳፕ ጉዩ ኢስቲ ዲዛሶይ ቃዊዴስ። ወሪካ ዊሎ አያናን ኩሚዲ ያሳ ቃላ ዓላቴሳን ዮቲዳ።

አማኒዛይታ ኢሲፌቴሳ ዱስ

* 4:24 ኪሳ 20:11፤ ናሂ 9:6፤ ማዛ 146:6 * 4:27 ሉቃ 23:1፣7-11፤ ማቶ 27:1-2፤ ማር 15:1፤ ዮሃ 18:28-29

³² አማኒዛይቲ ወረካ ኢሲ ዎዝናኒኔ ኢሲ ቆፋን ጋጊ ዴቱስ። ኢስታስ ዲዛይ ወራ ኢሲ ቦላ ዴስ አቲን ባስ ዲዛዝ “ሃይሲ ታስ ቡዙ ሚሻ” ጊዛዴይ ዴና። * ³³ ሃዋራቲካ ጎዳ ዩሱሳ ዴንሳ ጊታ ዎልቃን ማርካቴስ አይኪዳ። ኡባ ቦላ ጊታ ያሳ ኪያቴሴ ዴስ። ³⁴ ኢስታ ጊዶን ሜቶታንቻይ ኢሳዴይካ ባዎ። ጋሶይካ ጋዴ ጊዲን ኬሴ ጊዲን ባስ ዲዛ ወርሲ ባይዚ ባይዚ ሺሺዳ ሚሽ ³⁵ ሃዋራታ ኩሼን ዎሲዲ ኢሲ ኢሳዴስ ኢዛስ ኮሺዛ ማላ ጊሼቱስ። ³⁶ ቆጲርሴ ጌቱቲዛሶን ዲዛ ዮሴፌ ጌቱቲዛዴይ ኢሲ ሌዌ ባጋ አሲ ዴስ። ኢዚካ ሃዋራታን “ባርናባሳ” ጌቱቲ ሱሚዴስ። ሄሳስ ቢርሼሳይ “ሚንሴሶ ና” ጉሳ። ³⁷ ኢዚካ ባ ጋዴ ባይዚዳ ሚሻ ኤሂዲ ሃዋራታ ኩሼን ዎሲዴስ።

5

ሃናኒያኔ ሳጲራ

¹ ኢሲ ሃናኒያ ጌቱቲዛ አሲ ሳጲራ ጌቱቲዛ ባ ማቼይራ ባ ጋዴ ባይዚዴስ። ² ማቼያ ሳጲራይ ሎዔሳ ኤሪሺን ጋዴዛ ባይዚዳ ሚሻፌ ባጋ ሻኪ አሺዲ ባጋ ኤሂዲ ሃዋራታ ኩሼን ኢሚዴስ። ³⁻⁴ ቃሴ ጴጥሮስ “ሃይሶ ሃናኒያ! ኔኒ ጊሎ አያና ቦላ ዎርዶታናሲኔ ጋዴ ሚሻፌ አሻና ማላ ሃላዔይ አይስ ኔ ዎዝናን ጌሊዴ? ባይዛናፕ ካሴ ጋዴዚ ኔይሳ ጊዴኔ? ኔ ባይዚዳፕ ጉዩ ቃሴ ሚሻይ ኔ ኩሼን ዴኔ? ሂስቲን ኔ ሃይሳ ማላ ዎስታ ኔ ዎዝናን ቆፓዲ? ኔ ያሳ ቦላ ዎርዶታዳሳ አቲን አሳ ቦላ ጊዴና” ጊዴስ። ⁵ ሄሳ ሲዩዳ ማላ ሃናኒያይ ኩንዲ ሃይቂዴስ። ሄሳ ሲዩዳ አሳይ ወራ ዳሮ ባቢዴስ። ⁶ አቱማሳይ ዴንዲዲ አሃ ሃላዲኔ ሄራካ ኤፊዲ ሞጊዴስ። ⁷ ሄሹ ሳቴፕ ጉዩ ማቼያ ኢዚ ዋኒዳኮኔ ኤሮንታ ዳሼ ያዱስ። ⁸ ጴጥሮስካ “አኔ ታስ ዮታ፤ ኢንቴ ጋዴዛ ባይዚዳ ዋጋይ ሃኖ ሃላ?” ጊዴስ። ኢዛካ “ኤ ሃኖ ሃ ዋጋይን ባይዚዶስ” ጋዱስ። ⁹ ጴጥሮስካ “ኢንቴ ያሳ አያና ፓጫናስ አይሲ ኢሲ ዱና ጊዲዴቲ? ሄኮ ኔ አዚና ሞጊዳ አሳቲ ሞጊ ሲሚዲ ካሬን ፕንጌ ቦላ ዴቱስ። ኢስቲ ኔናካ ኬሲ ኤኪ ኤፋና” ጊዴስ። ¹⁰ ኢዛ ሲዩዳ ማላ ሄራካ ኢዛ ቶሆ ቦላ ኩንዳዳ ሃይቃዱስ። አቱማሳይካ ሶ ጌሊዳ ማላ ሃይቂዳሮ ቤዩዲ ኬሲ ኤፊዲ ኢዚ አዚና አቻን ሞጊዳ። ¹¹ ኩሚሳ ዎሳ ኬሳ አሳይኔ ሄሳ ሲዩዳ አሳይ ወራ ዳሮ ባቢዴስ።

ሃዋራታ ኩሼን ዳሮ አሲ ፓጊዴስ

* 4:32 ሃዋ 2:44-45

12 ሃዋሬቲካ ደሬ ጊዶን ዳር ማላታኔ ማላሊሲዛ ሚሽ አሲዳ። አማኒዛይቲ ወሪ “ሶሎሞኔ ሲሜሬቴሳሶ” ጌቴቲዛ ፔንጌን ሺቁቴስ።
 13 ኢስታስ ባቢዳ ጊሽ አኒካ ኢስታራ ዋላኬታናስ ኮዩቤና። ጊዶ አቲን ደሬይ ኢስታ ኬሂ ቦንቼስ። 14 ዳር ማጫሳቲኔ አዴቲ ዎዴፔ ዎዴን ጎዳን አማኒ አማኒ ኢስታ ቦላ ጉጄቲዳ። 15 ሄሳ ጋሶን ጴፅሮሲ አዲሺን ሃራይ አቲን ኢዛ ኤቮይ ሃርጋንቻታፔ ባጋ ሃርጋንቻታ ቦላ ዎዳና ማላ ሃርጊዛይቲ ኢቺዛ አልጋ ቦላኔ ሃላ ቦላ ካሬን ኢሺሴቴስ። 16 ዩሩሳላሜ ዩቮን ዲዛ ካታማታፔ ሃርጊዛይታኔ ቴና አያናይ ዋይሲዛይታ ኤሂን ወሪ ፓዪዳ።

ሃዋሬታ ቦላ ጋኪዳ ጎዴቴሲኔ ዋዩ

17 ሄሳ ዎዴ ቁሴታ ሃላቃይኔ ኢዛራ ዲዛ ሳዱቃዌታ ባጋቲ ወሪካ ቃናቴ ቃናቲዛይታ ሃላ ጊዲዳ። 18 ሃዋሬታ አይኪዲ ቃሾ ኬሴ ጌልሲዳ። 19 ጊዶ አቲን ጎዳ ኪታንቻይ ቃማራ ቃሾ ኬሳ ካሬ ዶዩዲ ኢስታ ኬሲዲ፤ 20 “ቢዲ ያሳ ኬሳ ጊቤ ጊዶን ኤቂዲ ሃይሳ ዴዎ ቃላ ኡባ ዴሬስ ዮቲቴ” ጊዴስ።

21 ጋዴይ ዎንጉቲዳ ማላ ኢስታስ ዮቲዳይሳ ያሳ ኬሳ ጊቤ ጌሊዲ ዴሬዛ ታማርሶ አይኪዳ፤ ቁሴታ ሃላቃይኔ ኢዛራ ዲዛይቲ ዩዲ አይሁዳታ ዱላታኔ ኢስራዔሌ ደሬ ጪማታ ኩሜስ ኢሲ ቦላ ሺሺዳ። ሃዋሬታ ቃሾ ኬሳፌ ኤኪ ያና ማላ አስ ዩዲዳ። 22 ኪቴቲ ቢዳ አሳቲ ቢዲ ኢስታ ቃሾ ኬሳን ዴሚቤቴና፤ ሲሚዲኔ 23 “ቃሾ ኬሳይ ሎዔሲ ቁልፌቲ ዴስ፤ ናጊዛይቲካ ፔንጌ ቦላ ኤቂ ዲሺን ቤዩዶስ፤ ጊዶ አቲን ኑ ዶይ ጌሊሺን ቃስ ኬሳን አኒካ ባ” ጊዳ።

24 ያሳ ኬሳ ናጊዛይታ ሃላቃይኔ ቁሴታ ሃላቃቲካ ሄሳ ሲዩዳ ማላ ሃናዛን ዳር ማላሌቲዳኔ ኢስታስ ሃናይ ወሪ ቲኪ ጊዴስ።

25 ሄራካ ኢሲ አሲ ዩዲ “ሄኮ ኢንቴ ቃሾ ኬሴ ጌልሲዳ አሳቲ ያሳ ኬሳ ጊቤ ጊዶን ኤቂዲ ደሬ ታማርሶን ዴቴስ” ጊዴስ። 26 ያሳ ኬሴ ናጊዛይታ ሃላቃይ ባ አሳንቻታራ ቢዲ ኢስታ አይኪ ኤኪ ዩዴስ። አይኪ ኤሂዳይቲ አሳይ ባና ሹቻራ ጫዶንታ ማላ ባቢዲ ዎልቃሶንታ ሎዳራ ኤሂዳ።

27-28 ሃዋሬታ ኤሂዲ አይሁዳ ዱላታ ሲንሳን ኤሲዳ። ቁሴታ ሃላቃይካ ኢስታ “ሃይሳ ሃ ሱንሳን ኢንቴ ታማርሶንታ ማላ ኢንቴስ ሎዔሲ ዮቲዶስኮሺን ኢንቴ ኢንቴ ቲሚርቴዛ ዩሩሳላሜ ኡባን ኩንሴታ። ቃሴ ኑናካ ሃ አዴዛ ሱሳስ አይሼቲዛይታ ሂስታናስ ጊዲ ዴንዲዴታ” ጊዴስ። *

29 ጴፅሮሲኔ ሃንኮ ሃዋሬቲካ ዛራዲ “ኑኒ አሳፔ አሲዲ ያሳስ አዛዜታናስ ቤሴስ።

* 5:27-28 ማቶ 27:25

30 “ኢንቴ ኢዛ ሚሳ ቦላ ካቂ ዎዲዳ ዩሱሳ ኑ አዋንታ ያሳይ ኢዛ ሃይቆፔ ዴንፊዴስ። 31 ኢዚካ ኢስራዔል ናይታስ ናጋራፔ ሲሚዲ ማሬታና ማላ ያሲ ኢዛ ኡባሬ ቦላኔ አሺዛዴ ሂስቲዲ ባ ኡሻቻን ዶቁ ዶቁ ሂስቲዴስ። 32 ኑኒካ ሃይሳስ ማርካታ። ቃሴካ ያሲ ባስ አዛዜቲዛ አናስካ ኢሚዳ ጊሎ አያናይካ ማርካ” ጊዳ።

33 አሳቲ ሄሳ ሲይዲ ኢታ ሃንቆ ሃንቁቲዳ። ዎዳናካ ኮይዳ።

34 ጊዶ አቲን ዴሬ አቻን ኬሂ ቦንቼቲዳ ኢሲ ዎጋ አስታማሬ፣ ኢዚካ ጋማልያሌ ጌቲቲዛ ፋርሳቄታ ባጋይ ዴሬ ጨማታ ጊዶን ዴንዲ ኤቂዲ ሃዋሬቲ ጉሳ ዎዴ ካሬን ጋምዓና ማላ አዛዚዴስ።

35 ዴሬ ጨማታስ ሂዘጊዴስ “ኢስራዔል አሳቶ! ኢንቴ ሃይታ አሳታ ቦላ አሳናይሳ ዳሮ አኬካራ አሳናስ ቤሴስ። 36 ሃይሳሬ ካሴ ኢሲ ቴዎዳሳ ጌቲቲዛዴይ ባና ጊታ አስ ሂስቲ ቆዲ ዴንዲን አይዱ ዌቱ ዴሬይ ኢዛ ካሊዴስ። ጊዶ አቲን ኢዚ አሳ ኩሼን ሃይቂዴስ። ኢዛ ካሊዛይቲካ ጮ ላሌቲን ኢዛ ሃናይ ጮ ሜላ አቲዴስ። 37 ኢዛፔ ጉዩካ ዴሬይ ታይቤቲዛ ዎዴ ጋሊላ ዩሁዳይ ዴንዲዲ ዳሮ ዴሬ ባናራ ካሌሲዴስ። ባና ካሊዛይታካ ዴሚዴስ ሺን ኢዚካ ዳዩዴስ። ኢዛ ካሊዛይቲካ ዉሪ ዳዩዳ።

38 “ሄሳ ጊሽ ታ ሃሲ ኢንቴና ጊዛይ ሃይታ አሳታ አጊቱ፣ ቦቾፍቱ፣ ኢስታ ቆፋይ ዎይኮ ኢስታ አሶይ አሳፔ ጊዲኮ ዳያና።

39 ያሳሬ ጊዲኮ ቃስ ኢንቴ ኢስታ ቴቃናስ ዳንዳዩኬታ። አኔ ኤሪዛይ ኢንቴ ያሳራ አዩቲሼ ቤታናኮኔ” ጊዴስ።

40 ኢስቲካ ኢዛ ዞሬዛ ኤኪዲ ሃዋሬታ ያይጊዲ ጋራሬሲዳ። ናምዓንሉ ዩሱሳ ሱንሳን ሃሳዮንታ ማላ አዛዚዲ ዩዲዳ።

41 ሃዋሬቲካ ኢዛ ሱንሳ ጊሽ ካዉያናስ ቤሲዛ ጊሽ ዳሮ ኡፋዩቲሼ ዴሬ ጨማታ አቻሬ ኬዚ ቢዳ። 42 ጋላስ ጋላስ ያሳ ኬሳኒኔ ኢሳ ኢሳ ኬሳን ዩሱሲ ኢዚ ያሲ ዶሪዳዴ ጊዲዳይሳ ታማርሶሬኔ ሳባኮፔ ሙሌካ ጉዩ ጊቤቴና።

6

ላፑን ዳቆኔታ ዶራቴሰ

1 አማኒዛይታ ቆዳይ ዳሪ ዳሪ ቢዛ ዎዴ ጊሪኬ ቢታሬ ዩዳ አይሁዳ አሳቲ ዩሁዳን ዲዛ አይሁዳ አሳ ጉዩራ ዚጊሬቲዳ። ጋሶይካ ኡባ ዎዴ ሚዛ ካስ ጊሺሽ አምዔታ ዉዴቶንታ አጊዳ ጊሻሳ። 2 ሄሳ ጊሽ ኑ ታማኔ ናምዑ ሃዋሬቲ አማኒዛ ሃራታ ኢሲ ቦላ ሺሺዲ “ኑኒ ካሳ ጊሾን ጌሊዲ ያሳ ቃላ ታማርሶ አጋናስ ቤሴና። 3 ሄሳ ጊሽ ኑ ኢሻቶ! ኢንቴ ጊዶሬ ኤራንቻታ፣ ጊሎ አያናን ኩሚዳይታኔ ሎዎ ማርካቴሰ ዲዛ ላፑን አሳታ ዶሪቴ፤ ሃይሳ አላሬቴሰ ኑ ኢስታስ ኢማና። 4 ኑኒ ጊዲኮ ዎሳኒኔ ቃላ ዮቶን ሚናና” ጊዳ።

5 ኢስቲ ጊዳ የጋራ ሲዩዳይታ ኡፋይሲዴስ፤ አማኖኒኔ ጊሎ አያናን ኩሚዳይቲ ኢስቲፋኖሴ፥ ፒሊጶሳ፥ ጳርስቆሮሳ፥ ኒቃሮና፥ ጊሞና፥ ጳርሜናኔ የሁዳቴሳን ጌሊዳ አንጾኪያ ዴሬ አስ ኒቆሎሳ ዶሪዳ። 6 ሄይታ ኤሂዲ ሃዋሬታ ሲንህ ሺሺዳ። ኢስቲካ ባ ኩሼ ኢስታ ቦላ ዎሲዲ ኢስታስ ዎሲዳ።

7 ገሳ ቃላይ አኪ አኪ ቢዴስ። አማኒዛይታ ቆዳይ ዩሩሳላሜን ዳሪ ዳሪ ቢዴስ። ቄሴታፕ ዳሮቲ አማኒዳ።

ኢስቲፋኖሴ አይኬቴሰ

8 ሄ ዎዴ ኢስቲፋኖሴ ገሳ ኢሞቴሳኒኔ ዎልቃን ኩሚዲ ዴሬዛ ጊዶን ጊታ ማላሊሲዛ ማላታታ አሲዴስ። 9 ዎዜቲ ኬዚዳ ጌቲቲ ያይጌቲዛሶፕ አይሁዳታ ዎሳ ኬሳፌ ዩዳ አስ ጊዲዳ ቃሬናፔኔ ኢስኪንዲሪያፕ፤ ቃሴካ ኪልቂያፔኔ ኢሲያ አወራጃታፕ ዩዳ አሳቲካ ወሪ ኢስቲፋኖሴራ ማርሺቲዳ። 10 ጊዶ አቲን ኤራቴሳን ኢዚ ሃሳዩዛ ሃሳያኔ ኢዛን ዲዛ አያና ኤቂታናስ ዳንዳዩቤቴና። 11 ሄሳ ጊሽ “ኢስቲፋኖሴ ሙሴኔ ገሴ ጫዩሺን ኑ ሲዩዶስ” ጊዛ አሳታ ጉዩራ ጊጊሲዳ።

12 ሄ ዎዴ ዴሬዛ፥ ዴሬ ጨማታኔ ዎጋ ታማርሲዛይታ ዴንሴሲዲኔ ኢስቲፋኖሴ አይሲዲ ዴሬ ዱላታኮ ሺሺዳ። 13 ኢዛ ቦላ “ሃይሲ አደዚ ሃይሳ ገሳ ኬሳ ቦላኔ ዎጋ ቦላ ጫሻ ቃላ ሃሳያ ሙሌካ አጊቤና። 14 ጋሶይካ ሃይሲ አደዚ ‘ናዘሬቴ ዩሱሲ ሃይሳ ገሳ ኬሳ ዳይሳና’ ጊሺኒኔ ‘ኑ ሙሴፕ ኤኪዳ ዎጋ ላማና’ ጊ ሃሳዩሺን ኑ ሲዩዶስ” ጊ ዎርዶራ ማርካቲዛ አሳታ ሺሺዲ ማርካሲዳ።

15 ዱላታ ኡቲዳ አሳይ ወሪ ኢስቲፋኖሴ ቲሺ ሂስቲ ያሊሺን ኢዛ አይፌሶይ ኢስታስ ኪታንቻ አይፌሶ ሚሳቲ ቤቲዴስ።

7

1 ቄሴታ ሃላቃይ ኢስቲፋኖሴ “ሃይሲ ኔ ቦላ ሸቂዳ የጋዜ ቱሜ?” ጊ አይቺዴስ።

2 ኢስቲፋኖሴካ ሃዘጊዴስ “ታ ኢሻቶ! ታ አዋቶ! ታ ጊዛይሳ ሲዩቲ! ኑ አዋ አብራሃሜይ ካራኔ ጌቲቲዛሶ ያናፕ ካሴ ቡሮ ሜሶፖቶሚያን ዲሺን ቦንቾ ጎዳይ ኢዛስ ቆንጨዲ፥ 3 ‘ኔ ዴሬፔኔ ኔ ዳቦፌ ሻኬታዳ ታ ኔና ቤሲዛሶ ባ’ ጊዴስ። 4 ኢዚካ ካልዳዎታ ቤታፌ ኬዚዲ ካራኔ ጌቲቲዛ ቤታን ኡቲዴስ። ኢዛ አዋይ ሃይቂዳፕ ጉዩ ኢንቴ ሃሂ ዲዛሶ ሃ ዴሬ ኢዛ ኤሂዴስ። * 5 ሃራይ አቶሺን ኢሲ ቶሆይ ኤቂዛ ጋዴይ ኢዛስ ሃይሳፌ ኢሜቲቤና። ጊዶ አቲን ሄ ዎዴ ኢዛስ ኢሲ ናይካ ባይንዳ ዲሺን ኢዚኔ ኢዛፕ

* 7:4 ሜዴ 11:31፤ 12:4

ጉዩን ኢዛ ዜሬሲ ቢታዮ ላታና ማላ ያሲ ኢዛስ ጫቂደስ። *
 6 ቃሴካ ያሲ ኢዛስ ሂዘጊ ዮቲደስ 'ኔ ዜሬሲ አላጋ ቢታን ቤቴ አስ ጊዳና። አይዱ ዌቱ ላይስ አይሌቴላ ቃምባራ ጊዶን ዋዩታና።
 * 7 ጊዶ አቲን ኢስታ አይሌ ማላ ሃሪዛ ደሬ ታ ቃዓያና። ሄሳፌ ጉዩ ኢስቲ ሄ ቢታፌ ኬዚዲ ሃኖ ሃ ሶይን ታስ ጎይናና' ጊደስ።
 * 8 ሄሳፌ ጉዩ ቃዓራ ዎጋ ጫቆ ኢዛስ ኢሚደስ። አብራሃሜይካ ዩሳቃ ዩሊዲ ኢዛ አስፑንሳ ጋላስ ቃዓሪደስ። ዩሳቃይካ ያቆቤ ዩሊደስ። ያቆቤይካ ታማኔ ናምዑ ቆዋታ ዩሊደስ። *
 9 ሄ ቆዋታ አዋቲ ዮሴፌ ቦላ ቃናቲዲ ኢዛ አይሌቴላስ ዱጌ ጊብዌ ባይዚዳ። ጊዶ አቲን ያሲ ኢዛራ ደስ፤ * 10 ሜቶ ኡባፌ ኢዛ አሺደስ። ጊብዌ ካዎ ፓሮኔ ሲንሳን ቦንቾ ኢሚደስ። ፓሮኔይ ኢዛ ጊብዌ ቢታኒኔ ባ ኬላ አሳ ኡባ ቦላ አላፌቴላን ሹሚደስ። *

11 “ሄ ዎዴ ካናኔኒኔ ጊብዌን ዳሮ ሜቶ ኤሂዳ ጊታ ኮሻይ ዴንዲደስ። ኑ አዋታስካ ሚዛ ካሲ ጳዩደስ። * 12 ያቆቤይ ጊብዌ ደሬን ካሲ ዲዛይሳ ሲይዲ ኑ አዋታ ኮይሮ ጊብዌ ዩዲደስ። 13 ኢስቲ ናምዓንሉ ቢዛ ዎዴ ዮሴፌይ ኢዚ እናኮኔ ባና ባ ኢሻታስ ቆንጨሲደስ። ፓሮኔይካ ዮሴፌ ኢሻታ ኤሪደስ። * 14 ሄሳፌ ጉዩ ዮሴፌይ ኪቲዲ ባ አዋ ያቆቤኔ ላፑን ታማኔ ኢቻሹ ጊዲዛ ባ ዳቦታ ኩሜስ ኤሂሲደስ። * 15 ያቆቤይ ዱጌ ጊብዌ ዎዲደስ። ኢዚካ ኑ አዋቲካ ዉሪ ሄን ሃይቂዳ። * 16 ኢስታ አሃይካ ሴኬሜ ጌቴቲዛሶ ኤፊን አብራሃሜይ ኤዋሬ ናይታፔ ባ ሚሻን ሻሚዳ ዱሮን ሞጌቲደስ። *

17 “ያሲ አብራሃሜስ ጫቂዳ ቃላይ ፖሌቲዛ ዎዴይ ማቲሺን ጊብዌን ዲዛ ኑ አሳ ቆዳይ ዳሪ ዳሪ ቢደስ። 18 ሄሳፌ ጉዩ ጊብዌ ቢታን ዮሴፌ ኤሮንታ ሃራ ካዎይ ካዎቲደስ። 19 ኢዚካ ኑ አሳ ባ ጌኔ አሶን ሜቶሲደስ። ቡሮ ዩሌቲዳ ጉላ ናይቲ ሃይቃና ማላኔ ዩሊዳ ናይታ ካሬ ኬሲ ዎራ ዩጋና ማላ ዎልቃሲደስ። * 20 ሄ ዎዴ ሙሴይ ዩሌቲደስ። ኢዚካ ያሳ አቻን ዶሴቲዳ ማላ ሎዎ

* 7:5 ሜዴ 12:7፤ 13:15፤ 15:18፤ 17:8 * 7:6 ሜዴ 15:13-14 * 7:7 ኬላ 3:12 * 7:8 ሜዴ 17:10-14፤ 21:2-4፤ 25:26፤ 29:31-35:18 * 7:9 ሜዴ 37:11፤ 37:28፤ 39:2፤ 21 * 7:10 ሜዴ 41:39-41 * 7:11 ሜዴ 42:1-2 * 7:13 ሜዴ 45:1፤ 45:16 * 7:14 ሜዴ 45:9-10፤ 17-18፤ 46:27 * 7:15 ሜዴ 46:1-7፤ 49:33 * 7:16 ሜዴ 23:3-16፤ 33:19፤ 50:7-13፤ ኢዮ 24:32 * 7:19 ኬላ 1:10-11፤ 1:22

ና ጊዲዴስ። ባ አዋ ኬሳን ሄሹ አጊና አልጊሶን ዲጪዴስ። *
 21 ኢዚ ጌዴ ዎራ ዩጌቲዳ ዎዴ ካዎ ፓርኔ ማጫ ናዖ ዴማዳ ባስ
 ኤካዱስ። ባ ና ማላ አሳዳ ዲቻዱስ። * 22 ሙሴይካ ጊብዔታ አጾ
 ኤራቴሳ ዉርሲ ታማሪዴስ። ዮዖን ኤራ፤ አሶንካ ሚኖ ጊዲዴስ።
 23 “ሙሴ ላይሲ አይዱ ታሙ ጊዲዳ ዎዴ ሙሴይ ባ ኢሻታ
 ኢስራዔል ናይታ ቤያናስ ባ ዎዝናን ቆፒዴስ። * 24 ኢዚካ ኢሲ
 ጊብዔ አሲ ሙሴ ባጋ አሳፔ ኢሳዴ ባላ ቆሆ ጋሲሺን ቤዱዲ
 ባ ባጋ አዴዛ ማዲዴስ፤ ሄ ጊብዔ አዴዛ ዎዲዲ ሄ ቆሄቲዳይሳ
 ሃሎ ኬሲዴስ። 25 ሙሴስ ያሲ ኢዛ ኩሺን ኢስታ ዎዛናይሳ
 ኢዛ አሳይ አኬኪዛ ሚሳቲዴስ። ጊዶ አቲን ኢስቲ ሄሳ ዩሺ
 ቆፒቤቴና። 26 ዎንቴላ ጋላስ ቃሴካ ኢስራዔል ናይታፔ ናምዓቲ
 ባ ጊዶን አዩቲሺን ጋኪዲ አዩቲዛይታ ጊጊሳናስ ኮይዲ ‘ሃይቶ!
 አሳቶ ኢንቴ ኢንቴ ጊዶን ኢሻንታኮ፤ ኢንቴ ዋኒዲ ኢሶይ ኢሳ
 ቆሄቲ?’ ጊዴስ።

27-28 “ባ ላጌዛ ባላ ቆሆ ጋሲዳይሲ ሙሴ ሱጊ ዩጊዲ ‘ኔና ኑ
 ባላ ኑና ሃሪዛዴኔ ኑ ባላ ፒርዲዛዴ አሲ ሹሚዳይ አኔ? ዎይኮ ቃማ
 ጊብዔ አዴዛ ዎዲይሳሶ ታናካ ዎዳና ኮያይ?’ ጊዴስ። 29 ሙሴይ ሄሳ
 ሲዩዳ ማላ ሚዲያሜ ቤታ ቤቲዲ ሄን ቤቴ አስ ጊዲ ዴዲዴስ፤
 ያንካ ናምዑ አቱማ ና ዩሊዴስ። *

30 “ሄሳፌ አይዱ ታሙ ላይሳፌ ጉዩ ሲና ዙማ አቻን ዲዛ
 ባዞ ቤታን ቁሪ ዎራ ጊዶን ኤዪዛ ታማ ላጮን ኪታንቻይ ኢዛስ
 ቤቲዴስ። 31-32 ሙሴይካ ኢዛ ቤዩዳ ማላ ማላሌቲዴስ። አዛኮኔ
 ሻኪ ኤራናስ ኢዚ ሄን ኢዛኮ ሸቁሺን ጎዳ ቃላይ ‘ታኒ ኔ አዋንታ
 ያሳ አብራሃሜ፣ ዩሳቃኔ ያቆቤ ያሳ’ ጊሺን ሲይዴስ። ሙሴይካ
 ዳር ዳጋሚዴስ፤ ዩላናስካ ዓሊቤና።

33-34 “ጎዳይካ ኢዛስ ‘ሃይሲ ኔ ኤቁዳሶይ ጌሻሶ ጊዲዳ ጊሽ ኔ
 ቶሆፔ ጫማ ሾዳ። ጊብዔን ዲዛ ታ ዴሬታ ዋዩ ታ ቱማፔ
 ቤያዲስ፤ ኢስቲ ዋሲዛ ዋዩ ዋሶዛ ታ ሲያዳ ኢስታ አሻናስ
 ዎዳዲስ። ኔ ሃዲካ ሃያ፤ ታ ኔና ዱጌ ጊብዔ ዛራዳ ኪታና’ ጊዴስ።

35 “ሂስቲን ሄይቲ ኑ ባላ ኔና ሃሪዛዴኔ ፒርዲዛዴ ሂስቲ አኒ
 ሹሚዴ?’ ጊዲ አሳይ ካሴ ካዲዳ ሙሴ ያሲ ቁሪ ዎራ ጊዶን ኢዛስ
 ቤቲዳ ኪታንቻ ባጋራ ኢስታ ሃሪዛዴኔ አሺዛዴ ሂስቲዲ ኢስታኮ
 ዛሪ ዩዲዴስ። 36 ኢዚካ ኢስታ ካሌሲዲ ጊብዔፔ ኬሲዴስ።
 ጊብዔን፣ ዞዖ አባኒኔ ባዞ ቤታን አይዱ ታሙ ላይሲ ዳር ማላሊሲዛ
 ሚሻታኔ ጊታ ማላታታ ኢስታስ አሲዴስ። * 37 “ኢስራዔል

* 7:20 ኬሳ 2:2 * 7:21 ኬሳ 2:3-10 * 7:23 ኬሳ 2:11-15 * 7:29
 ኬሳ 18:3-4 * 7:36 ኬሳ 7:3፤ 14:21፤ ታይ 14:33

ናይታስ ‘ታ ማላ ናቤ ያሲ ኢንቴ ጊዶፌ ዴንጎላና’ ጊዳይሲ ሃይሳ ሙሴኮ! * 38 ኢዚካ ሲና ዙማ ቦላ ሃሳዬዳ ኪታንቻራኔ ባዞ ቢታን ኑ አዋታራ ዴሬ ዱላታ ጊዶን ዴስ። ዴዎ ቃላካ ሃ ኑስ አሳናስ ኤኪዴስ። *

39 “ኑ አዋቲ ጊዲኮ ኢዛራ ኤቁቲዳ አቲን ኢዛስ አዛዜታናስ ኮዮንታ ጊሽ ባ ዎዝናራ ጉዬ ጊብዔ ሲሚዳ። 40 አርኔስካ ‘ኑ ሲንጎራ ቢዛ ኤቃ ኑስ ጊጊሳ! ኑና ጊብዔፕ ካሌሲ ኬሲዳ ሙሴይ ዋኒዳኮ ኑ ኤርኮ’ ጊዳ። * 41 ሄ ዎዴ ማራ ሚሲሌ ሜዲዲ ኤቃስ ያርሾ ሺሺዳ። ባርካ ሜዲዳ ባ ኩሼ አሶን ኡፋዬቲዲ ጉፐዳ። *

42 “ጊዶ አቲን ያሲ ኢስታስ ዞኮ ዛሪዴስ። ኢስቲ ሳሎ ያሊንቴታስ ጎይናና ማላ አሲ ኢሚዴስ። ሄሲካ ናቤታ ማፃፋን ‘ኢንቴኖ ኢስራዔሌ ናይቶ!

ኢንቴ ባዞ ቢታን አይዱ ታሙ ላይስ ዲዛ ዎዴ ኢንቴፌ ያርሾኔ ሙፁዋታ ታስ ሺሺ ኤሬቲ?

43 ሃራፔካ ኢንቴ ጎይናናሶ አሲዳ ኤቃ ሞሎኬ ዱንካናኔ

ኢንቴ ኤቃ ራፋኔ ያሊንቴ ሚሲሌዛ ዶቁ ዶቁ ሂስቲ አይኪዴታ።

ሄሳ ጊሽ ታ ኢንቴና ኢንቴ ዲዛሶፕ ዴንጎላዳ ባቢሎኔራ አሳ ዬዳና’ ጌቴቲዲ ፃፌቲዴስ።

44 “ያሲ ሙሴ ቤሲዳ ሌሚሶዛ ማላኔ አዛዚዳይሳ ማላ አሴቲዳ ያሲ አሳራ ጋጊዛ ዱንካኔያ ኑ አዋታራ ባዞ ቢታን ዴዓዱስ። *

45 ኑ አዋቲ ዱንካኔዮ ኤኪዳይሳፌ ጉዬ ያሲ ኢያሶ ካሌሲን ካሴ ኢስታ ጎዲዳ ዴሬታ ላቲዳ ዎዴ ዱንካኔዮ ኤኪ ጌሊዳ። ዳዉቴ ዎዴ ጋካናስ ዱንካኔያ ሄ ቢታን ዴዓዱስ። * 46 ዳዉቴይካ ያሳ ሲንጎን ቦንቾ ዴሚዲ ያቆቤ ጎዳስ አቆሶ ጊጊሳናስ ዎሲዴስ። *

47 ጊዶ አቲን ሶሎሞኔይ ኢዛስ አቆሶ ኬፂዴስ።

48-50 “ጊዶ አቲን ዎጋ ጎዳይ አሳ ኩሼይ ኬፂዳ ኬላን ዴና። ሄሲካ ናቤይ

ካሴ ጌሻ ማፃፋን ፃፌቲዳ ማላ

‘ሳሎይ ታ ኡቲዛ አልጋ፤

ቢታይካ ታ ቶሆን ዬዲዛሶ፤

ሂስቲን ኢንቴ ታስ አይ ማላ ኬሴ ኬፂቲ?

ዎይኮ ታ ሺምፓናሶይ አዋይሴ? *

* 7:37 ዛሬ 18:15፥18 * 7:38 ኬሳ 19:1-20:17፤ ዛሬ 5:1-33 * 7:40 ኬሳ 32:1 * 7:41 ኬሳ 32:2-6 * 7:44 ኬሳ 25:9፥40 * 7:45 ኢያ 3:14-17 * 7:46 2ሳሜ 7:1-16፤ 1ታር 17:1-14 * 7:48-50 ኢሳ 66:1-2

ሃይሳ ወርሲ ታ ኩሼይ አሲቤኔ?
ጌስ ጎዳይ ያሳይ።”

51 “ኢንቴኖ ዎዝና ሙሜቶ! ሃይሳ ቱሌቶ! ኢንቴካ ኢንቴ አዋታ ማላ ኡባ ዎዴ ዒሎ አያናራ ኤቁቴታ። * 52 ናቤታፔ ኢንቴ አዋቲ ጎዶንታ ናቤይ አኔ? ዒሎዛ ዮሃንሳ ካሴቲ ዮቲዳ ናቤታካ ዎዲዳ፤ ኢንቴካ ሃዒ ኢዛ አሲ ኢሚዴታኔ ዎዲዴታ። 53 ኪታንቻ ባጋራ ኢንቴስ ኢሜቲዳ ዎጋ ኤኪዴታ አቲን ናጊቤኬታ” ጊዴስ።

ኢስቲፋኖሲ ሹቻን ጫዴቲ ሃይቂዴስ

54 ዱላታን ዲዛ አሳይ ሄሳ ሲዬዳ ማላ ዳሮ ሃንቁቲዲ፥ ኢዛ ቦላ ባ አቺ ጋርጨዴስ። 55-56 ጊዲንካ ኢስቲፋኖሲ ዒሎ አያናን ኩሚዲኔ ፑዴ ሳሎ ቲሺ ሂስቲ ዒሊሺን ያሳ ቦንቾን ዩሱሲ ያሳ ኡቫቻን ኤቁዳይሳ ቤዶዲ “ሄኮ ታ ሳሎይ ዶዩቲዳይሳኔ አሳ ናይ ያሳ ኡቫቻን ኤቁዳይሳ ቤያይስ” ጊዴስ።

57 ሄሳ ዎዴ አሳይ ቃላ ዶቁ ሂስቲ ዋሲሼ ባ ሃይሴ ቱጨ አይኪዲ ኢዛኮ ኢሲፌ ዎዲዴስ። 58 ኢስቲፋኖሴ አይኪዲ ካታማፔ ጌዴ ካሬ አሊዳ። ሹቻን ጫኛ አይኪዳ። ሄሲ ወሪ ሃኒሺን ማርካቲካ ባ ማይዎ ሳወሌ ጌቴቲዛ ፓንሳ አቻን ዎሲዳ። 59 ኢስቲ ሹቻራ ኢዛ ጫዲሺን ኢስቲፋኖሲ “ታ ጎዳ ዩሱሳ ታ ሼዎፖዮ ኔኮ ኤካ” ጊዲ ዎሲዴስ። 60 ቃሴካ ጉልባቲዲ ዶቃ ቃላን “ጎዶ! ሃይታንታ ናጋራ ቆዶፓ” ጊዲ ዋሲዴስ። ሄሳ ጊዳፔ ጉዩ ሃይቂዴስ።

8

1 ሳወሌይካ ኢስቲፋኖሴ ሃይቆን ኢስታራ ቆፋን ጋጊዴስ። ሄ ዎዴ ዩፋሳላሜን ዲዛ አማኒዛይታ ቦላ ጊታ ጎዴቴሲ ዴንዲዴስ። ሃዋሬቲ አታፌ አማኒዛይቲ ወሪ ዩሁዳ አወራጃኒኔ ሳማሪያ አወራጃን ኡባን ላሌቲዳ። 2 አያና አሶን ሚኒ ኤቁዳ አሳቲ ኢስቲፋኖሴ ሞጊዲ፥ ኢዛስ ዳሮ ዩኪዳ። 3 ሳወሌይ ቃሴ ዎሳ ኬሳ ዳይሳናስ ጊዲ ዴንዲዴስ። አማኒዛ አሳ ኢሳ ኢሳ ኬሴ ጌሊዲ ማጫታኔ አዴታ ጎቺ ጎቺ ኬሲዲ ቃሾ ኬሳን ጌልሲዴስ። *

ፒሊጶሲ ሳማሪያ ዴሬን ሚሺራኛ ቃላ ማርካቲዴስ

4 ላሌቲዳይቲ ወሪ ባ ቢዳሶን ቢዳሶን ያሳ ቃላ ዮቲዳ። 5 ፒሊጶሲካ ሳማሪያ ጌቴቲዛ ካታማ ዎዲዲ አሳስ ኪርስቶሳ ሳባኪዴስ። 6 ዳሮ ዴሬይ ፒሊጶሲ አሲዛ ማላታ ቤዬዲ ኢዚ ዮቲዛ ቃላ ዎዝናፔ ሎኔሲ ሲይዴስ። 7 ቱና አያናቲካ ዳሮ አሳፔ

* 7:51 ኢሳ 63:10 * 8:3 ሃዋ 22:4-5፤ 26:9-11

ዋሲ ዋሲ ኬዚዳ። ዳሮ ቶሆ ሲላቲኔ ዎቤቲካ ፓጊዳ። 8 ሄሳ ጊሽ ሄ ካታማ አሳይ ዳሮ ኡፋዮቲዴስ።

9 ጊዶ አቲን ሄሳፌ ካሴ ሄ ካታማዪን ማሮ ማሮቲዲ ሳማሪያ አሳ ዳሮ ማላሊሲዛዝ አሲዛ ኢሲ ሲሞና ጌቲቲዛ ማሮይ ዴስ። ኢዚካ ባና ጊታ አሳ ማላ ቆዲዛዴ። 10 አሳይ ወሪ ጉሳታፔ ጊታታ ጋካናስ ወሪካ “ሃይሲ አዴዚ ጊታ ዎልቃማ ጌቲቲዛ ያሳ ዎልቃ” ጊሽ ኢዚ ጊዛይሳ ወርሲ ዎዝናፔ ሲዮስ። 11 ዳሮ ዎዴ ባ ማሮቴሳ አሶን አሳ ማላሊሲዳ ጊሽ አሳይ ኢዛ ዎዝናፔ ካሊሼ ጋምዲዴስ። 12 ጊዶ አቲን ፒሊጶሲ ያሳ ካዎቴሳ ጊሽኔ ዮሱስ ኪርስቶሳ ጊሽ ሳባኪዳይሳ ሲይዲ አማኒዳ ማጫሳይኔ አቲማሳይ ማግቁቲዴስ። 13 ሲሞኒካ አማኒዲ ማግቁቲዴስ። ፒሊጶሳካ ካሊ ቢዲ ሃኒዛ ጊታ ማላታ ቤዩዲ ማላሌቲዴስ።

14 ዮሩሳላሜን ዲዛ ሃዋሬቲ ሳማሪያ አሳይ ያሳ ቃላ ኤኪዲ አማኒዳይሳ ሲይዲ ጳፅሮሳኔ ዮሃኒሳ ኢስታኮ ኪቲዳ። 15 ኢስቲካ ሳማሪያ ጋኪዲ አማኒዳ አሳይ ጊሎ አያና ኤካና ማላ አሳስ ዎሲዳ። 16 ጋሶይካ ሄ ዎዴ ኢስቲ ጮ ዮሱሳ ሱንሳን ማግቁቲዳ አቲን ቡሮ ጊሎ አያናይ ኢስታፌ ኢሳዴ ቦላካ ዎዲቤና። 17 ሄሳ ጊሽ ጳፅሮሲኔ ዮሃኒሲ ባ ኩሼ አሳ ቦላ ዎሲን አሳይ ጊሎ አያና ኤኪዴስ።

18 ሲሞኒካ ሃዋሬቲ ኩሼ ዎሲ ዎሲን ጊሎ አያናይ ኢሜቲዛይሳ ቤዩዲ ጳፅሮሳሲኔ ዮሃኒሳስ ሚሼ ኤኪ ዩዲ። 19 “ታ ኢዛ ቦላ ታ ኩሼ ዎሲዛዴይ ወሪ ጊሎ አያና ኤካና ማላ ሃይሳ ማላ ኅዳቴስ ታስካ ኢሚቲ” ጊን።

20 ጳፅሮሲ ኢዛስ ዛሪዲ “ያሳ ኢሞታ ኔ ሚሻን ሻማና ቆፒዳ ጊሽ ኔኔ ኔ ሚሻራ ኢሲፌ ዳያ። 21 ኔ ዎዝናይ ያሳ ሲንሳን ሱሬ ጊዶንታ ጊሽ ኔስ ሃይሳ ሃ አሶዛን ጊሻይ ዎይኮ ቃዳይ ዴና። 22 ሃይሳ ኔ ኢታቴሳ ጊሽ ሃዲ ኤሌ ማሮቴሳን ጊላ፤ ኔ ዎዝና ቆፋ ኔስ አቶ ጋናኮኔ ኔስ ኅዳ ዎሳ። 23 ጋሶይካ ኔኔ ኢታቴሳን ኩሚዳይሲኔ ማካላን ቃሼታ ኡቲዳይሲ ታስ ቤቴስ” ጊዴስ።

24 ሲሞኒካ ዛሪዲ “ኢንቴ ጊዳ ዮዎታፔ አይኮይካ ታ ቦላ ጋኮንታ ማላ ታስ ኅዳ ዎሲቲ” ጊዴስ።

25 ጳፅሮሲኔ ዮሃኒሲ ኅዳ ቃላ ማርካቲዳይሳፌኔ ቆንጨሲ ዮቲዳይሳፌ ጉዬ ዳሮ ሳማሪያ ጉታታን ሚሼራቶ ቃላ ሳባኪሼ ዮሩሳላሜ ሲሚዳ።

ቶጲያ ካዎ ሚሻ ቦላ ሹሜቲዳ ጉንዱላዛ ፒሊጶሲ ማግቁዴስ
26 ኅዳ ኪታንቻይ ፒሊጶሳ “ዴንዳ! ዮሩሳላሜፔ ዱጌ ባጋራ ጌዴ ጋዛ ኤፊዛ ባዞ አጋራ ባ” ጊዴስ። 27 ኢዚካ ዴንዲ ቤዴስ። ሂንዴኮ ጌቲቲዛ ቶጲያፔ ጊዲዳ ካዎያ ባ ኬሳኒኔ ባ ካዎቴሳን ዲዛ ኡባ ሚሻ ቦላ አሳፌቴሳን ዎሲዳ ኢሲ ቶጲያ ጉንዱላ አሲ ኢዛራ

ጋጊደስ። ሄ አደዜ ያሳስ ጎይናና ዩሩሳላሜ ቢደስ። ²⁸ ኢዚ ሄፔ ሲሚሽ ፓራ-ጋሬን ኡቲዲ ናቤ ኢሳያሳ ማፃፋ ናባቤስ። ²⁹ አያናይ ፒሊጶሳ “ባ! ጌዴ ፓራ-ጋሬዛኮ ሺቃ” ጊደስ።

³⁰ ፒሊጶሲካ ኤሶቲዲ ፓራ-ጋሬዛኮ ቢዲ አደዜ ናቤ ኢሳያሳ ማፃፋ ናባቤሺን ሲይዲ “ሄሲ ኔ ናባቤዛይሲ ኔስ ጌሊዜ?” ጊደስ።

³¹ ጉንዱላ አደዜካ “ታና ኤሪሲዛ አሲ ባይንዳ ታ ዎስታ ኤሮ?” ጊደስ። ኢዚካ ጌዴ ኢዛ ጋሬዛን ጌልዲ ኢዛ አቻን ኡታና ማላ ዎሲደስ። ³² ኢዚ ናባቤዛ ማፃፋይ

“ኢዚ ዶርሳ ማላ ሹኬታና ላጌቲደስ፤ ዶርሳ ላቃይ ኢሲኬ ቃንጊዛይሳ ሲንላን ጮው ጊዛ ማላ ሄሳሶካ ኢዚ ባ ዱና ፖጊቤና።

³³ ባና ካዉሸዲ ፐርዳይ ባይንዳዴ ጊዲደስ። ኢዛ ሽምፖይ ቢታ ቦላፌ ዲጌቲደስ። ኢዛ ዩሌቴሳ ጊሽ ሃሳያና ዳንዳዩዛይ ኦኔ?” ጌስ።

³⁴ ጉንዱላ አደዜካ ዛሪዲ ፒሊጶሳ “ናቤዚ ሃይሳ ኦና ጊሽ ጊዜ? ባ ጊሽ ጊዜዬ? ዎይኮ ሃራ አሳ ጊሽ ጊዜ? ሃያና፥ ታስ ዮታርኪ!” ጊደስ። ³⁵ ፒሊጶሲካ ባ ዱና ዶይዲ ሄ ማፃፋፔ ዶሚዲ ዩሱሳ ሚሺራቾ ቃላ ጊሽ ማርካቲደስ።

³⁶ ኢስቲ ኢሲፌ ቢሽ ሃሲ ዲዛሶ ጋኪዳ። አደዜካ “ሄኮ ሃሲ ሃይሳን ደስ፤ ሂስቲን ታ ማጭቶንታ ማላ ዲጊዛይ አዜ?” ጊደስ።

³⁷ ፒሊጶሲካ “ኔ ኩሜሳ ዎዝናፔ አማኒኮ ማጭታና ዳንዳያሳ” ጊደስ። አደዜካ “ዩሱስ ኪርስቶሲ ያሳ ና ጊዲዳይሳ አማናይስ” ጊደስ። *

³⁸ አደዜ ፓራ ጋሬዚ ኤቃና ማላ አዛዚን ናምዓይ ኢሲፌ ሃላን ዎዲን ፒሊጶሲ አደዛ ማጭደስ። ³⁹ ኢስቲ ሃላፌ ኬዚሺን ያሳ አያናይ ፒሊጶሳ ዴንሲ ኤፊደስ። አደዜ ሄሳፌ ጉዩ ኢዛ ቤይቤና። ጊዶ አቲን ኡፋይሳን ባ ኦጌ ቢደስ። ⁴⁰ ሄሳፌ ጉዩ ፒሊጶሲ አዛዎኔ ጌቲቲዛሶን ቤቲደስ። ቂሳሪያ ጌቲቲዛሶ ጋካናስ ኢዚ ቢዛ ኦጌ ቦላ ካታማን ኡባን ሚሺራቾ ቃላ ሳባኪደስ።

9

ሳዉሌይ አማኒደስ
(ሃዋ 22: 6-16፤ 26: 12-18)

¹ ሳዉሌይ ጎዳ አማኒዛ አሳ ዎዳናስ ጩቄቲሽ ቄሴታ ሃላቃኮ ቢደስ። ² ጎዳ ኦጌ ካሊዛይታ ማጫሳታኔ አደታ ደሚ ቃቺዲ

* 8:37 ኢሲ ኢሲ ጌሻ ማፃፋቲ ፓይዶ 37 ቦላ ዲዛ ቆፋ ጉጂቴስ፤ ኢሲ ኢሶቲ ቃሴካ ቆፋ አይኪቤቴና።

ዮሩሳሌም ኤኪ ያናስ ዳማስቆ ጌቴቲዛሶን ዲዛ አይሁዳታ ዎሳ ኪሳስ ባብዳቤ ፃፋና ማላ ቁሴታ ሃላቃ ዎሲዴስ።

3 ዳማስቆ ጋካና ማቲሺን ቆፖንታ ሳሎፔ ፖያይ ኢዛ ዩሾን ፖልዑ ጊዴስ። 4 ኢዚካ ሄራካ ቢታ ቦላ ኩንዲዲ ሳሎፔ “ሳዉሌ፥ ሳዉሌ፥ ታና አዛስ ጎዳይ?” ጊዛ ቃላ ሲይዴስ።

5 ሳዉሌይካ “ጎዶ! ኔ አኔ?” ጊዴስ። ኢዚካ ኢዛስ “ታኒ ኔ ጎዴሲዛ ዮሱሳኮ!” *† 6 ኔ ሃዲ ዴንዳዳ ጌዴ ካታማ ጌላ፤ ኔ አሳናስ ቤሲዛዝ ኔስ ታ ዮታና” ጊዴስ።

7 ሳዉሌራ ኢሲፌ ቢዛ አሳቲ ቃላ ጊሪስ ሲሳፌ አቲን አናካ ቤዮንታ ጊሽ ባ ዱና አይኪ ኤቁዳ። 8 ሳዉሌይ ባ ኩንዲዳሶፔ ዴንዲዲ አይፌ ዶዩ ዌሊዛ ዎዴ አይኮካ ዴማናስ ዳንዳይቤና። ሄሳ ጊሽ ኢዛራ ዲዛ አሳቲ ኢዛ ኩሼ አይኪዲ ካሌሲ ኤኪዲ ዳማስቆ ኤፊዳ። 9 ሄሹ ጋላስ ጋካናስ ቆቁዲኔ ካስ ሃሴ ቤይቤና።

10 ዳማስቆን ኢሲ ሃናኒያ ጌቴቲዛ አማኒዛዴይ ዴስ። ኢዛስ ጎዳይ አጁታን “ሃናኒያ” ጊዲ ዌይጊዴስ፤ ኢዚካ “ዮ ጎዶ!” ጊዴስ።

11 ጎዳይካ ኢዛ “ዴንዳ! ሱሬ ጌቴቲዛ አጌይራ ዮሁዳ ጌቴቲዛሶ ባ። ሄን ሳዉሌ ጌቴቲዛ ኢሲ ፃርሴሴ አሲ ዎሲሼ ዴስ፤ ኔ ኢዛ ኮያ ዴማ። 12 ጋሶይካ ሃናኒያ ጌቴቲዛይሲ ሳዉሌይ ዲዛሶ ዩዲ ኢዚ ዌላና ማላ ኢዛ ቦላ ባ ኩሼ ዎሲሺን አጁታን ቤዩዴስ።”

13 ሃናኒያይካ ዛሪዲ “ጎዶ! ሃይሳዴይ ዮሩሳሌምን ዲዛ ጌሻታ ቦላ አይ ማላ ኢታ ሜቶ ጋሲዳኮኔ ታ ዳሮ አሳፔ ሲያዲስ። 14 ኢዚ ሃ ዩዳይ ኔ ሱንሳ ዌይጊዛይታ ዉርሲ ቃቻናስ ቁሴታ ሃላቃታፔ ጎዳቴስ ኤኪዲኮ” ጊዴስ።

15 ጎዳይካ ኢዛስ “ኔ ባ! ሃይሲ አዴዚ አይዛቤታ ሲንሳኒኔ ካዎታ ሲንሳን ሄሳሶካ ኢስራዔሌ ዴሬ ሲንሳን ታ ሱንስ ቶካና ማላ ኢዚ ታስ ዶሬቲዳይሳ። 16 ኢዚ ታ ሱንሳ ጊሽ አይ ማላ ዋዩ ቤያናኮ ታ ኢዛ ቤሳና” ጊዴስ።

17 ሃናኒያይ ቢዲ ኢዛስ ዮቴቲዳሶ ጌሊዴስ። ሳዉሌ ቦላ ባ ኩሼ ዎሲዲ “ታ ኢሻ ሳዉሌ ኔ ሃ ዩሺን ኔስ አጌ ቦላ ቆንጨዳ ጎዳ ዮሱሲ ኔ አይፌይ ዌላና ማላኔ ኔኒ ዌሎ አያናን ኩማና ማላ ታና ኔኮ ኪቲዴስ” ጊዴስ። 18 ሄራካ ሳዉሌ አይፌፔ ፖቆ ማላይ ፖቁቲ ዎዲን ኢዚ ዌላና ዳንዳዩዴሲኔ ዴንዲዲ ፃማቁቲዴስ። 19 ካሲካ ሚዲ ሚኒዴስ። ኡንዴና ዎዴ አማኒዛይታራ ዳማስቆን ጋምዲዴስ።

* 9:5 ኢሲ ኢሲ ጌሻ ማፃታ ቢርሼሳይ “ቃራ ማሻ ቦላ ኔ ኤቁኮ ቆሄታና” ጊሺን ሃራይቲ ቃስ “ጫዲዛ ቢራታራ ኔ ኤቁቲኮ ኔስ ሃ ዳራና” ጌቴስ። † 9:5 ሳዉሊ ከኮርዲኔ ያሻቴሳን ማላሌቲዲ “ጎዶ! ታ ኔስ አይ አሳና ማላ ዶሳይ?” ጊዴስ ጊዛ ቆፋ ጉጂቴስ። ሃይሳካ ሺምፖ 22: 10 ኔ 26: 14 ቦላ ፃፌቲ ቤቴስ።

ሳዉሌይ ዳማስቆኒኔ ዮሩሳላሜን ታማርሲዴስ

20 ሄራካ ዮሱሲ ያሳ ና ጊዲዳይሳ አይሁዳታ ዎሳ ኬሳታን ታማርሶ አይኪዴስ።

21 ሲዩዳ አሳይ ዉሪ “ሃይሲ ዮሩሳላሜን ሃ ሱንሳ ዪይጊዛይታ ዳዩሲዛ አዴዛ ጊዴኔ? ቃሴ ኢዚ ሃ ዩዳይ ሄ አሳታ ቃቺ ኤኪ ቄሴታ ሃላቃታኮ ኤፋናስ ዴኔ?” ጊሼ ማላሌቲዳ።

22 ሳዉሌይ ካሴፔ ሚኒ ሚኒ ቢዴስ። ዳማስቆን ዲዛ አይሁዳታስ ዮሱሲ ኢዚ ያሲ ኪቲዳዴ ጊዲዳይሳ አማንሲሼ አሳ ዱና አይሲዴስ።

23 ዳሮ ጋላሳታፔ ጉዩ አይሁዳቲ ሳዉሌ ዎዳናስ ዱላቲዳ። *

24 ኢዚካ ኢስታ ቆፋ ኤሪዴስ። ኢስቲካ ኢዛ ዎዳናስ ካታማ ጌልሲዛ አጌን ጋላሲኔ ቃማ ናጊዳ። 25 አማኒዛይቲ ጊዲኮ ኢዛ ጊዶስ ካታማ ዩሾን ዲዛ ማስኮቴዛራ ኬሼን ዱጌ ዎሲዳ።

26 ሳዉሌይ ዮሩሳላሜ ዩዲ አማኒዛይታራ ዋላኬታና ኮዩን ኢዚ ቱሙ አማኒዛዴ ጊዲዳይሳ ኢስቲ አማኔቶንታ ጊሽ ኢዛስ ባቢዳ።

27 ጊዶ አቲን ባርናባሲ ኢዛ ሃዋሬታኮ ኤፊን ሳዉሌይ ኢዚ ዳማስቆ አጌ ቦላ ጎዳ ዎስቲ ቤዩዳኮ፣ ጎዳይካ ኢዛስ አይ ዮቲዳኮኔ ቃሴካ ዳማስቆን ዲሼ ኢዚ አይ ማላ ዓላቴሳራ ዮሱሳ ሱንሳን ሳባኪዳኮ ኢስታስ ዮቲዴስ።

28 ሄሳ ጊሽ ሳዉሌይ ኢስታራ ዲዴስ። ዮሩሳላሜን ዩዩ ዩዩ አስ ባቦንታ ጎዳ ሱንሳን ታማርሲዴስ። 29 ጊሪኬ ዴሬፔ ዩዳ አይሁዳታራ ሃሳይሼ ፓላሜቲዴስ፤ ጊዶ አቲን አሳይካ ኢዛ ዎዳናስ ኮዩዴስ። 30 አማኒዛይቲ ሄሳ ኤሪዲ ዱጌ ቂሳሪያ ጌቲቲዛሶ ዎሲዲ ዓርሴሴ ዮዲዳ።

31 ሄሳ ዎዴ ዮሁዳኒኔ ጋሊላን፣ ሳማሪያንካ ዲዛ አማኒዛይቲ ሳሮን ዲዲ ካሴፔ ሚኒዳ። ቃሴካ ያሳ ያሻቴሳን ሲሜሬቲሼ ዪሎ አያናን ሚኔቲዳኔ ካሴፔ ቆዳን ዳሪ ዳሪ ቢዳ።

ኤኒያኔ ዶርቃ

32 ጴጅሮሲ ዴሬፔ ዴሬን ዩዩሼ ሊዳ ካታማን ዲዛ አማኒዛይታ ቢያናስ ዱጌ ዎዲዴስ። 33 ሄን ኤኒያ ጌቲቲዛይሳ አሱፑን ሳይስ ሂፃን ቃሼቲ ኡቲዳ ኢሲ ጉንዳ አስ ዴሚዴስ። 34 ጴጅሮሲካ “ሃይሶ ኤኒያ! ዮሱስ ኪርስቶሲ ኔና ፓሳና፤ ዴንዳ ኔ ሂፃ ዴንሳ!” ጊዴስ። ኤኒያይ ሄራካ ፑሱኩ ጊ ዴንዲዴስ። 35 ሊዳኒኔ ሳሮናን ዲዛ አሳይ ዉሪ ኢዛ ቤዩዲ ጎዳን አማኒዴስ።

36 ኢዮጴ ጌቲቲዛሶን ዓቢታ ጌቲቲዛ ኢሲ አማኒዛራ ዳዉስ። ኢዚ ሱንሳ ቢርሼሲ ጊሪኬ ቃላራ “ዶርቃ” ጌቲቲስ። ኢዛ ኡባ

* 9:23 2ቆሮ 11:32-33

ዎዴ ሎዎ አሶ ሚና አሳሼኔ ማንቆታ ማዳሽ ዳወስ። † 37 ሄ ዎዴ ኢዛ ሃርጋዳ ሃይቂን አሳይ አሃ ሜጪ ፑዴ ፖቂን ኬሲ ዎሲዴስ።
 38 ሊዳይ ኢዮጲስ ማታ ጊዲዳ ጊሽ አማኒዛይቲ ጴፀርሲ ሊዳን ዲዛይሳ ሲይዲ ናምዑ አሳታ ኪቲዲ “ኤሌ ሃ ያርኪ!” ጊ ዎሲዳ።
 39 ጴፀርሲካ ዴንዲዲ ኪቲቲዳ አሳታራ ጋኪዳ ዎዴ ኢዛ ፑዴ ሄ ፖቂ ቦላ ኬሲዳ። አምጫቲካ ዉሪ ኢዛ ዩዩ አዲ ኤቂዲ ዶርቃይ ፓፃ ዳሼ ኢስታራ አሲዳ ቃሚሴታኔ ማይዎታ ቤሲሼ ዩኪዳ።
 40 ጴፀርሲካ አሳ ዉርሲ ኪፍሌዛፔ ኬሲዲ ጉልባቲ ዎሲዴስ። አሃኮ ሲሚዲ “ሃኔ ፃቢታ ዴንዳ!” ጊዴስ። ኢዛካ ባ አይፌ ዶያዳ ሃላዱስ። ጴፀርሳካ ቤያዳ ዴንዳ ኡታዱስ። 41 ኢዚካ ኢዚ ኩሼ አይኪ ዴንሳዴስ። አማኒዛይታኔ አምጫታ ሄይጊዲ ኢዞ ኢስታስ ፓሲዲ ኢሚዴስ። 42 ሄ ሃኖይ ኩሜላ ኢዮጲን ኤሬቲዴሲኔ ዳር አሳይካ ጎዳ አማኒዴስ። 43 ጴፀርሲካ ኢሲ ሲሞና ጌቲቲዛ ጋልባ ቃጪዛዴራ ኢዮጲን ዳር ዎዴ ዴጊዴስ።

10

ቆርኖሎሲ ጴፀርሳ ሄይጊሲዴስ

1 ቂሳሪያ ጌቲቲዛ ዴሬን “ፃላኔ ዎታዳራታ” ኢሲ ቡቲ ጊዶን ማቶ ሃላቃ ጊዲዳ ኢሲ ቆርኖሎሳ ጌቲቲዛይሲ ዴስ። 2 ኢዚካ ባ ኬላ አሳ ኩሜላራ አያና ሃኖን ሚኖኔ ያሴ ባቢዛዴ፤ ማንቆታስካ ዳር ሙፁዋታ ኢሚዛዴኔ ዳር ዎዴ ያሴ ዎሲዛ አሳ። 3 ኢሲ ጋላስ ጋላሳፌ ኡዱፉን ሳቲ ቦላ ያሳ ኪታንቻይ ኢዛስ አጁታን ቤቲዲ ኢዛኮ ዩዲ “ቆርኖሎሳ” ጊ ሄይጊሺን ቆንጩን ቤዩዴስ።
 4 ቆርኖሎሲካ ዳጋማራ ቲሺ ሂስቲ ሄሊሼ “ጎዶ ሃይሲ አዜ?” ጊዴስ። ኪታንቻይካ ዛሪዲ “ኔ ዎሳይኔ ኔ ሙፁዋታይ ቆፌታናስ ፑዴ ያሳ ሲንሳ ጋኪዴስ። 5 ኔ ሃጊ አስ ኢዮጲ ዩዳዳ ጴፀርሳ ጌቲቲዛ ሲሞና ሄይጊሳ። 6 ኢዚካ አባ ማታን ዲዛ ጋልባ ቃጪዛ ሲሞና ሶን ኢማላቴስ ዴስ” ጊዴስ።
 7 ቆርኖሎሳ ሃሳይሲዳ ኪታንቻይ ኢዛፔ ሻኬቲዲ ቤዳፔ ጉዩ ባ አሽካራታፔ ናምዳታ ቃሴ አያና ዮዎስ ሚኖኔ ኢዛስ ዳር አማኔቲዛ ዎታዳራታፔ ኢሳ ሄይጊሲዲ፤ 8 ኢዚ ቤዩዳይሳ ዉርሲ ኢስታስ ዮቲዲ ኢዮጲ ኪቲዴስ።

ጴፀርሲ ቤዩዳ አጁታ

9 ኪቲቲዳ አሳቲ ዎንቴላ ጋላስ ጌዴ ካታማይኮ ማቲሺን ጴፀርሲ ኡሱፑን ሳቲ ቦላ ዎሳና ፑዴ ፖቂ ቦላ ኬዚዴስ። 10-11 ሄሳ ዎዴ ኢዚ ጋሬዳ ጊሽ ቁማይ ቡሮ ካሂሺን ዲስኮ ማላ ሊጲጲ ሂስቲን

† 9:36 ዶርቃ ሄሳ ጉሲ ጊሪኬ ቃላራ “ጌላ ጉሳ”

አጁታራ ሳሎይ ደቶቲን ኢሲ ጊታ ሃይቲዳ ማይያ ማላይ አይዱ ባጋራ አይኬቲዲ ዱጌ ቢታን ዎዲሺን ቤዩዴስ።¹² ሄ ማይያዛ ቦላ አይዱ ቶሆይ ዲዛ ዱማ ዱማ ደዓቲ ቢታራ ጎሼቲዛ ሜዴቴሳቲኔ ሳሎ ቦላ ፒራዲዛ ካፎቲ ዴቴስ።¹³ ሄሳ ዎዴ “ጴጥሮሳ ዴንዳ ሃይታ ሹካዳ ማ” ጊዛ ቃላይ ኢዛስ ሲዮቲዴስ።

¹⁴ ጴጥሮሲ ቃሴ “ጎዶ ሃይሲ ሃኔና! ጌሽ ጊዶንታይሳ ዎይኮ ቱና ሚሻ ታ ሙሌራካ ማ ኤሪኬ” ጊዴስ።

¹⁵ ሄ ካሴ ቃላይ ቃሴካ ናምዓንቶ ኢዛኮ ዩዲ “ዶሲ ጌሺዳይሳ ኔ ቱና ማላ ቆዶፓ” ጊዴስ።¹⁶ ሄሲካ ሄሹቶ ሸሬቲ ሸሬቲ ኢዛኮ ዩዳፔ ጉዩ ማይያ ሚሳቲዛይሲ ሄራካ ፑዴ ሳሎ ቢዴስ።

¹⁷ ጴጥሮሲካ ባ ቤዩዳ አጁታዛ ቢርሸሳ ኤራናስ ዳሮ ሜቶቲዲ ኬሂ ቆፎ ቦላ ዲሺን ቆርኖሎሲ ኪቲዳ አሳቲ ሲሞና ኬሴ ኮዩሼ ዴሚዲ ፔንጌን ኤቂዳ።¹⁸ ቃላ ዶቁ ሂስቲዲ “ጴጥሮሳ ጌቲቲዛ ሲሞን ዲዛሶይ ሃይሳን አዎኔ?” ጊ አይቺዳ።

¹⁹⁻²⁰ ጴጥሮሲ ባ ቤዩዳይሳ ኬሂ ቆፒሺን ዲሎ አያናይ ኢዛ “ሄኮ ሄሹ አሳቲ ኔና ኮዩቴስ። ዴንዳ! ዱጌ ዎዳዳ ኢስታ ዩዲዳይ ታና ጊዲዳ ጊሽ ሲዴይ ባይንዳ ኢስታራ ባ” ጊዴስ።

²¹ ጴጥሮሲካ ዱጌ ዎዲዲ “ሄኮ ኢንቴ ኮዩዛይይ ታናኮ! ኢንቴ ዩዳይ አዛሴ?” ጊዴስ።²² ኢስቲካ ኢዛስ “ኑኒ ማቶ ሃላቃ ቆርኖሎሳ ማታፔ ዩዶስ። ኢዚካ ዶሳስ ባቢዛ ዲሎ አሳኔ አይሁዳ አሳ ኡባ ማታን ዳሮ ቦንፔቲዳ አሳ። ኔካ ኢዛ ኬሴ ባና ማላኔ ኔ ጊዛይሳ ኢዚ ሲያና ማላ ጊሻ ኪታንቻይ ኢዛስ ዮቲዴስ” ጊዳ።

²³ ጴጥሮሲካ አሳታ ባ ዲዛሶን ሞኪ ኤኪዲ አይሲዴስ።

ጴጥሮሲ ቆርኖሎሳ ኬሳን

ጴጥሮሲካ ዎንቴሳ ጋላስ ዴንዲዲ ኢስታራ ቢዴስ። ኢዮጴፌ ዩዳ ኢሲ ኢሲ አማኒዛ አሳቲ ኢዛራ ኢሲፌ ቢዳ።²⁴ ቆርኖሎሲካ ባ ዳቦታኔ ማታ ላጌታ ባ ሶን ሸሸዲ ናን ቦላ ዲሺን ኢዚ ናምዓንቶ ጋላስ ቂሳሪያ ጋኪዴስ።²⁵ ጴጥሮሲካ ጌዴ ቆርኖሎሳ ኬሴ ጌሊን ቆርኖሎሲ ኢዛ ሞኪ ኤኪዲ ኢዛ ቶሆ ቦላ ሆኪ ጎይኒዴስ።²⁶ ጊዶ አቲን ጴጥሮሲ “ታካ ኔ ማላ አሳኮ! ዴንዳ” ጊዲ ዴንፊዴስ።

²⁷ ጴጥሮሲካ ኢዛ ሃሳይሲሼ ኢዛራ ሶ ጌሊሺን ዳሮ ዴሬይ ሸቂ ኡቲዳይሳ ቤዩዴስ።²⁸ ኢዚካ ኢስታስ “አይሁዳ አሲ ሃራ ዴሬ አሳራ ጋጎንታ ማላ ዎይኮ ሃራ ዴሬ አስ ጊዲዳይታ ማታ ሸቆንታ ማላ ኑ ዎጋይ ዲጊዛይሳ ኢንቴ ኤሬታ። ጊዶ አቲን ታ አናካ ቱና ዎይኮ ኢዚ ጌሽ ዴና ጎንታ ማላ ዶሲ ታስ ቆንጫሲዴስ።²⁹ ሄሳ ጊሽ ታ ሄይጌቲዳ ዎዴ ሄኮ ሲዶንታ ያዲስ። ሂስቲን ኢንቴ ታና አዛስ ሄይጊዳኮኔ ኤራና ኮያይስ” ጊዴስ።

³⁰ ቆርኖሎሲካ “አይዱ ጋላሳፌ ካሴ ሲኬ ሃኒ ዎዴ ጋላሳፌ ኡዱፉን ሳቴን ታኒ ታ ሶን ዎሲሺን ቆፖንታ ቦላ ማይያ

ማይዲዳ አሲ ዩዲ ታ ሲንላን ኤቂዲ 31 ታና ‘ቆርናሎሳ! ኔ ዎሳይ ሲዮቲዴስ፤ ኔ ማንቆታስ ኢሚዛ ሙጭዎታይ ዎሳ ሲንላ ጋኪዴስ። 32 ሄሳ ጊሽ ኢዮጴ ካታማ አስ ኪታዳ ጴጥሮሳ ጌቴቲዛ ሲሞና ኤሂሳ። ኢዚ አባ አቻን ጋልባ ቃጪዛ ሲሞና ኬላን ኢማላቴሌ ዴስ’ ጊዴስ። 33 ታካ ሄራካ ኔኮ አስ ኪታዲስ። ኔ ዩሳይካ ሎዎ። ሂስቲኮ ጎዳይ ኔና አዛዚዳይሳ ኔ ኑስ ዮቲኮ ዎሲ ዮቲዳይሳ ኔፔ ሲያናስ ኑ ወራካ ሃይሳን ዎሳ ሲንላን ዶስ” ጊዴስ።

34 ጴጥሮሲካ “ዎሲ አናካ ሻኪ ማዶንታይሳ ታ ቱማፔ ኤራዲስ። * 35 ጊዶ አቲን ዎሳስ ባቢዛይታኔ ዒሎ አሲዛይታ ወርሲ አና ባጋፌ ጊዲንካ ኢዚ ኤኬስ። 36 ዎሲ ኡባስ ጎዳ ጊዲዳ ዮሱስ ኪርስቶሳ ባጋራ ኢስራዔል አሳስ ኪቲዳ ሳሮቴሳ ሚሺራቾ ኪታይ ሃይሳ። 37 ዮሃንሲ ዒንቃታ ጊሽ ሳባኪዳፔ ጉዬን ጋሊላፔ ዶሚዲ ኩሜሳ ዮሁዳን ሃኒዳይሳ ኢንቴ ኤሬታ። 38 ዎሲ ናዚሬቴ ዮሱሳ ዒሎ አያናኒኔ ዎልቃን ቲዩዴስ። ኢዚካ ዎሲ ኢዛራ ዲዛ ጊሽ ባ ጋኪዳሶን ኡባን ሎዎ አሲሼ ዓላዔ ጎዳቴሳ ጊዶን ዲዛይታ ወርሲ ፓሲዴስ።

39 “ኢዚ አይሁዳታ ዴሬኒኔ ዮሩሳላሜ ካታማን አሲዳይሳ ኡባስ ኑ ማርካ። ቃሴካ አሳይ ኢዛ ሚሳ ቦላ ካቂ ዎዲዴስ። 40 ጊዶ አቲን ዎሲ ኢዛ ሄቫንሶ ጋላስ ሄይቆፔ ዴንላዴሲኔ አሲ ኢዛ ቤያና ማላ አሲዴስ። 41 ኢዚ ቆንጪዳይ አሳ ኡባስ ጊዶንታ ሃይቆፔ ዴንዲን ኢዛራ ሚዳይታሲኔ ኢዛራ ኡዩዳይታስ ዎሲ ኮይሮ ዶሪዳ ኑስ ኢዛ ማርካታሳ። 42 ኢዚ ኑ ዴሬዛስ ሳባካና ማላኔ ሃይቂዳይታ ቦላኔ ፓዓ ዲዛይታ ቦላ ፐርዳናስ ዎሲ ሹሚዳይ ኢዛ ጊዲዳይሳ ኑ ማርካታና ማላ ኑና አዛዚዴስ። 43 ኢዛ አማኒዳዴይ ወራ ኢዛ ሱንላን ናጋራ ማሬቲዲ ጌያናይሳ ናቤቲ ኢዛስ ማርካቴቲስ” ጊ ዮቶ ዶሚዴስ።

44 ጴጥሮሲ ሄሳ ሃሳዩሺን ቃላ ሲዩዛይታ ኡባ ቦላ ዒሎ አያናይ ዎዲዴስ። 45 ቃዓሬቲዳይታ ባጋፌ ጴጥሮሳራ ዩዳ አማኒዛይቲ ዒሎ አያና ኢሞቴሲ አይዛቤታ ቦላ ዎዲሺን ቤዩዲ ማላሌቲዳ። 46 ሄሲካ ኢስቲ ዱማ ቃላን ሃሳዩሺኒኔ ዎሳ ጋላቲሺን ሲዩዳ ጊሻሳ። ሄ ዎዴ ጴጥሮሲ።

47 “ሃይቲ አሳቲ ኑ ማላ ዒሎ አያና ኤኪዳ ጊሽ ኢስቲ ሃላን ዓማቁቶንታ ማላ ኢስታ ዲጋናይ አኔ?” ጊዴስ። 48 ሄሳ ጊሽ ዮሱስ ኪርስቶሳ ሱንላን ዓማቁታና ማላ አዛዚዴስ። ሄሳፌ ጉዬ ጴጥሮሲ ጉሳ ዎዴ ኢስታራ ዳና ማላ ዎሲዳ።

* 10:34 ዛሬ 10:17

11

ጴጥሮስ አይዛቤታ ኬሴ አይሲ ጌሊዳኮኔ ዋላሲዳ

1 ሃዋሬቲኔ ዩሁዳን ዲዛ አማኒዛይቲ አይዛቤቲ ያሳ ቃላ ኤኪዳይሳ ሲዩዳ። 2 ሄሳ ጊሽ ጴጥሮስ ፑዴ ዩሩሳላሜ ኬዚን ቃዓሬቲዳ አይሁዳፕ አማኒዛይቲ ጴጥሮሳ። 3 “ኔ ቃዓሬቶንታ አሳታ ኬሴ ጌላዳ ኢስታራ ካስ ማዳሳ” ጊዲ ዋላሲዳ።

4 ጴጥሮስ ቃሴ ኢስታስ ጌላና ማላ ማራራ ሂዘጊ ዮቲዴስ። 5 “ታኒ ኢዮጴ ካታማን ዎሲሺን ዲሲኮ ማላ ታና ሊጲጲ ሂስቲዲ አጽታን ጌታ ማይዎ ሚሳቲዛ ሚሺ አይዱ ባጋራ አይኬቲዲ ሳሎፕ ታ ዲዛሶ ዎዲሺን ቤያዲስ። 6 ታ ቲሺ ሂስታ ዌሊሺን አይዱ ቶሆራ ዲዛ ሜሄታ፣ ዎራ ዶዓታ፣ ቢታ ቦላ ጎሼቲዛ ሜዴጠላታኔ ሳሎ ቦላ ፒራዲዛ ካፎታ ቤያዲስ። 7 ሄራካ ታና ‘ጴጥሮሳ ዴንዳ! ሃይሳ ሹካዳ ማ’ ጊዛ ቃላ ሲያዲስ።

8 “ታካ ጎዶ ሄሲ ሃኔና፣ ታኒ ቱና ዎይኮ ጌሽ ጊዶንታይሳ ሙሌካ ታ ዱናኮ ሸሻ ኤሪኬ’ ጋዲስ።

9 “ሄ ካሴ ቃላይ ቃሴካ ‘ዎሲ ጌሺዳይሳ ኔ ቱኒሶፓ’ ጊዲ ሳሎፕ ታስ ዮቲዴስ። 10 ሄሲካ ሄሹቶ ሺሬቲ ሺሬቲ ዮቴቲዳፕ ጉዩ ዉራካ ሲሚዲ ፑዴ ሳሎ ቢዴስ።

11 “ቁሳሪፑፕ ታኮ ኪቴቲዳ ሄሹ አሳቲ ሄራካ ሄ ሳቴይን ዩ ጋኪዲ ታ ዲዛ ኬሳ ካሬን ኤቂዳ። 12 ታ አይኔ ሲዶንታ ኢስታራ ባና ማላ ዊሎ አያናይ ታስ ዮቲዴስ። ሄ ኡሱፑን ኢሻቲ ታናራ ኢሲፌ ቢዲ አዴዛ ኬሴ ጌልዶስ። 13 ኢዚካ ያሳ ኪታንቻይ ኢዛ ኬሳን ኤቂዲ ኢዛስ ቤቲዳይሳኔ ‘ኢዮጴ ጌቴቲዛሶ አስ ዩዳዳ ጴጥሮሳ ጌቴቲዛ ሲሞና ዊይጊሳ። 14 ኢዚ ዩዲ ኔናኔ ኔሶ አሳ ዉራሲ አሻና ቃላ ቡታና’ ጊዳይሳ ኑስ ዮቲዴስ።

15 “ታካ ባዳ ቡሮ ዮቶ አይኪሺን ኮይሮ ዊሎ አያናይ ካሴ ኑ ቦላ ዎዶይሳሶ ኢስታ ቦላካ ዎዲዴስ። 16 ካሴ ጎዳይ ኑስ ዮቲሺ ‘ዮሃኒሲ ሃላን ግማቂዴስ ሺን ኢንቴ ዊሎ አያናን ግማቂታና’ ጊዳ ቃላይ ሄራካ ታስ ቆሬቲዴስ። * 17 ሄሳ ጊሽ ኑኒ ጎዳ ዩሱስ ኪርስቶሳ አማኒሺን ኑስ ኢሚዳ ዊሎ አያና ዎሲ ኢስታስ ኢሚኮ ሂስቲን ያሳራ ኤቂታናስ ታኒ ኦኔ?” ጊዴስ።

18 ኢስቲ ሄሳ ሲዩዳ ዎዴ ኢስታስ ጊዛዚ ዳዩን ጮሁ ጊ ሲሚዲ “ሃይሳ ማላ ጊዲኮ አይዛቤቲካ ሃ ኦራሳ ዴዎኮ ያና ማላ ዎሲ አሳስ ማሮቴስ ኢሚዴስ ጉሳ” ጊዲ ያሳ ጋላቲዳ።

አንዎኪያን ዲዛ ዎሳ ኬሳዮ

19 ኢስቲፋኖሴ ቦላ ዴንዲዳ ጎዴቴላ ጋሶን ላሌቲዳ አማኒዛ አሳይ ቃላ አይሁዳታስ ግላላ ዮቲሺ ፒንቁ፣ ቆጲሮሴኔ አንዎኪያ

* 11:16 ሃዋ 1:5

ጌቴቴዛሶ ጋካናስ ካንሲ ቢዳ። * 20 ቆጶርቤፔኔ ቃሬናፔ ዩዳ ኢሲ ኢሲ አሳቲ አንዎኪያ ቢዳ ጊሪኬታሲካ ጎዳ ዩሱሳ ሚሺራቾ ቃላ ዮቲዳ። 21 ጎዳ ማዶይካ ኢስታራ ዴስ፤ ቆዳን ኬሂ ዳሮ አሳይ አማኒዲ ጎዳኮ ሲሚዴስ።

22 ሄሳ ዎሬይካ ዩሩሳላሜን ዲዛ ዎሳ ኬሳ አሳ ሃይሳን ዎዲን ዎሳ ኬሳያ ባርናባሳ አንዎኪያ ዩዳዱስ። 23 ኢዚካ ሄ ቢ ጋኪዲ ያሲ ባ አዶ ኪያቴስ ዴራስ ኢሚዳይሳ ቤዩዲ ኡፋዮቲዴሲኔ አሳይ ዉሪካ ኩሜሳ ዎዝናፔ ጎዳ አማኖን ሚናና ማላ ዞሪዴስ። 24 ኢዚካ ዒሎ አያናኒኔ አማኖን ኩሚዳ ሎዎ አሳ። ዳሮ ዴሬይ ጎዳ አማኖን ጉጄቲዴስ።

25 ሄሳሬ ካሊዲ ባርናባሲ ሳዉሌ ኮያና ሃርሴሴ ቢዴስ። 26 ኢዛ ዴሚዲ አንዎኪያ ኤኪ ዩዴስ። ናምዓይካ ሄን ዲዛ ዎሳ ኬሳ አሳራ ጊዲዲ ላይስ ኩሜስ ዳሮ ዴሬ ታማርሲዳ። ሄን አንዎኪያን አማኒዛይቲ ኮይሮ “ኪርሳኔ” ጌቴቲ ዪይጌቲዳ።

27 ሄ ዎዴ ኢሲ ኢሲ ናቤቲ ዩሩሳላሜፔ ዱጌ አንዎኪያ ዎዲዳ። 28 ኢስታ ጊዶሬ ኢሶይ አጋቦሳ ጌቴቴዛይሲ ዴንዲ ኤቂዲ ዒሎ አያናይ ኢዛ ቤሲን አላሜ ኡባን ጊታ ኮሻይ ዴንዳናይሳ ዮቲዴስ። ሄሲካ አሮሜ ካዎ ቃላዎዶሳ ቄሳሬ ጌቴቴዛይሳ ካዎቴሳ ዎዴ ፖሴቲዴስ። * 29 አማኒዛይቲ ዉሪ ኢሶይ ኢሶይ ባ ዎልቃ ኬና ሚሼ ኬሴቲዲ ዩሁዳን ዲዛ አማኒዛ ኢሻታ ማዳናስ ቃቺዳ። 30 ማዶ ሚሻ ኬሴቲዲ ባርናባሳኔ ሳዉሌ ኩሼን ጩማታስ ጋላና ማላ ዩዲዳ።

12

አማኒዛይታ ቦላ ጋኪዳ ጊታ ሜቶኔ ጎዴቴስ

1 ሄ ዎዴ ካዎ ሄርዶሲ ኢሲ ኢሲ አማኒዛ አሳ ጎዲ ጎዲ ሜቶሊዴስ። 2 ዮሃንሳ ኢሻ ያቆቤ ማሻን ዎዲሲዴስ። 3 ኢዚካ ሄሳ አሲዳይ አይሁዳታ ኡፋይሲዳይሳ ቤዩዲ ጴፅሮሳካ አይሲዴስ። ሄሲካ ሃኒዳይ አይሁዳታስ ኡኬሳ ባዓሌ ጌቴቴዛ ባዓሌ ጋላሳ። 4 ጴፅሮሳካ ቃሾ ኬሴ ጌልሲዳፔ ጉዩ አይዱ አይዱ ዎታዳራቲ ታራን ታራን ናጋና ማላ ጊጌቲዳ ዎታዳራታስ ኢሚዴስ። ኢዚ ሄሳሶ አሲዳይ ናዙጋ ባዓሌይ አዲዳ ማላ ኬሲዲ ዴሬይ ፒርዳና ማላ ሺሻናሳ። * 5 ሄሳ ጊሽ ጴፅሮሳ ቃሾ ኬሴ ጌልሲዲ ናጌቴስ። ጊዶ አቲን ዎሳ ኬሳ አሳይ ኢዛስ ኬሂ ሚኖ ዎሳ ዎሲዴስ። 6 ሄርዶሲ ጴፅሮሳ ዴሬዛ ሲንስ ሺሻና ቆፒ ኡቲ ዲሺን ሄ ቃማ ጊዶስ ናምዑ ሳንሳላታን ቃሼቲዲ ናምዑ ዎታዳራታ ጊዶን

* 11:19 ሃዋ 8:1-4 * 11:28 ሃዋ 21:10 * 12:4 ኬሳ 12:1-27

ኢፔዴስ። ቃሾ ኬላ ናጊዛይቲ ኬላ ፔንጌ ቦላ ኤቂ ናጊሺን፥
7 ጎዳ ኪታንቻይ ኤዚጎንታ ኢስታስ ቤቲዴስ። ኢስቲ ዲዛ ኪሬሌን ፖይይ ፖዲዴስ። ኪታንቻዚካ ጳፅሮሳ ሚሌ ቦቹ ቤጎሲዲ “ኤሌ ዴንዳ!” ጊዴስ። ሄራካ ሳንሳላታይ ኢዛ ኩሼፔ ጋዴን ዎዲዴስ።

8 ኪታንቻዚ ኢዛ “ኔ ማይዎ ማይዳ! ጫማካ አላ!” ጊን ጳፅሮሲካ አዛዜቲዳ ማላ አሲዴስ፤ ቃሴካ ኪታንቻይ “ኔ ጋቤ ማይዳዳ ታና ካላ” ጊዴስ። 9 ጳፅሮሲካ ቃሾ ኬላፊ ኢዛ ካሊ ኬዚዴስ። ጊዶ አቲን ኢዛስ አጉሞ ቤዩዛ ሚሳቲዴስ አቲን ኪታንቻዚ አሲዛይሲ ቱሙ ጊዲዳይሳ ኤሪቤና። 10 ኮይሮ ዛቤታፔኔ ናምዓንሶ ዛቤታፔ አዲዲ ጌዴ ካታማ ኬሲዛ አጌ ቦላ ዲዛ ቢራታ ፔንጋኮ ጋኪዳ። ፔንጌይካ ባርካ ዶዩቲ ዎዲዴስ። ኢስቲ ኬዚ ቤዳ። ኢስቲ ቁሪ አጌ ዲዛሮ አዲዳ ማላ ኪታንቻዚ ኢዛፔ ቫኬቲዴስ።

11 ጳፅሮሳስ ካሃይ ሲሚሺን “ጎዳይ ባ ኪታንቻ ኪቲዲ ኢዛ ሄርዶሳ ኩሼፔኔ አይሁዳቲ ታ ቦላ ቆፒዳ ኡባፊ ታና ኬሲዳይሳ ታ ሃዲ ቱማፔ ኤራዲስ” ጊዴስ።

12 ሄሳ አኪኪ ኤሪዳፔ ጉዩ ዳሮ አሳይ ኢሲ ቦላ ሺቂቲዲ ዎሲዛ ማርቆሳ ጌቲቲዛ ዮሃንሳ አዮ ማራሚሶ ቢዴስ። 13 ኢዚ ሄ ቢዲ ካሬ ፔንጌ ቆዪን ኢሲ ሮዶ ጌቲቲዛ ጋራዴያ ካሬ አኒ ቆዪዛኮኔ ኤራናስ ካሬ ማታ ባዱስ። 14 ቃላይ ጳፅሮሳይሳ ጊዲዳይሳ ኤራዳ ኬሃ ኡፋዮቲዳ ጊሽ ካሬ ዶዮንታ ዎላን ጉዩ ሲማዳ “ጳፅሮሲ ካሬን ፔንጌ ቦላ ኤቂዴስ” ጋዱስ።

15 አሳይካ ኢዞ “ሃኔ ጎያይ!” ጊዳ። ኢዛ ቃስ ዛራ ዛራ ኢስታስ ዮቲን “ሂስቲኮ ሄሲ ኢዛ ናጊዛ ኪታንቻ ጊዶንታ አጌና” ጊዳ።

16 ጳፅሮሲ ቃስ ፔንጌ ቆሳ ጉጂዴስ። ኢስቲካ ፔንጋ ዶይዲ ኢዛ ቤዩዳ ማላ ማላሌቲዳ። 17 ኢዚካ ኢስቲ ጮዑ ጋና ማላ ባ ኩሼን ማላቲ ቤሲዲ ጎዳይ ኢዛ ቃሾሶፔ ዎስቲ ኬሲዳኮኔ ሎዔሲ ዮቲዴስ። “ሃይሳ ዉርሲ ያቆቤሲኔ ሃንኮ አማንዛይታስ ዮቲቲ” ጊዴስ። ሄሳፊካ ጌዴ ሃራሶ ቢዴስ።

18 ዎንቴላ ጋላስ ዎንታራ ዎታዳራቲ “ጳፅሮሲ ዋንዴ?” ጊሺ ባ ጊዶን ቡልዓኬቲዳ። 19 ሄርዶሲ ጳፅሮሳ አስ ዩዲ ኮይሲዲ ኢዚ ዳዩዳ ጊሽ ናጊዛይታ ሎዔሲ አይቺዳፔ ጉዩ ኢስታ ዎዳና ማላ አዛዚዴስ። ሄሳፊ ጉዩ ሄርዶሲ ዩሁዳፔ ዱጌ ቂሳሪያ ዎዲዲ ሄን ኡቲዴስ።

ሄርዶሳ ሃይቆ

20 ሄርዶሲካ ሂሮሴ አሳራኔ ሲዶና አሳራ አሻ። ሄ ዴሬ አሳይ ካስ ዴሚዛይ ሄርዶሳ ዴሬፔ ጊዲዳ ጊሽ ሄ ዴሬ ካዎ ዩሊዛዴ ቢላስዎሳፔ ማይ ቃላ ዴሚዳ ማላ ኢሲ ቦላ ጊዲዲ ሄርዶሳራ ማቃይንሳናስ አይቺዳ።

21 ጊጋና ባሬቲዳ ጋላስ ሄርዶሲ ካዎቴላ ማይዎ ማይዲዲ ካዎቴላ አልጋን ኡቲዲ ዴራስ ሃሳዬዴስ። 22 ዴሬዚካ “ሃይሲ ዶሳ ቃላፔ አቲን አሳ ቃላ ዴና!” ጊ ዋሲዴስ። 23 ሄርዶሲካ ዶሳስ ቦንቾ ኢሞንታ አጊዳ ጊሽ ጎዳ ኪታንቻይ ሄራካ ሄርዶሳ ሾጪ ዩጊን ጉፁኒ ሃይቂዴስ።

24 ዶሳ ቃላይ ጊዲኮ ዲጪዲ አኪ አኪ ቢዴስ። 25 ባርናባሲኔ ሳዉሌይ ባ ኤኪ ቢዳ ኪታ ፖሊዲ ዩሩሳላሜ ሲሚዲ ማርቆሳ ጌቴቲዛ ዮሃኒሳካ ባናራ ኤኪ ሲሚዳ።

13

ባርናባሲኔ ሳዉሌይ ኪቴቲዳ

1 አንዮኪያን ዲዛ ዎሳ ኬላን ናቤቲኔ አስታማሬቲ ዴቴስ። ሄይቲካ ባርናባሲኔ ኔጌሬ ጌቴቲዛ ሲሞናራ፣ ቃሬና ዴሬ አስ ሉቂዮሳራ፣ ሄርዶሳራ ኢሲፌ ዲጪዳ ሚናሄራኔ ሳዉሌራ ዉሪ ኢሲፌ ዴቴስ። * 2 ሄይቲ ዉሪ ጎዳስ ጎይኒሼኔ ምሺሼ ዲሺን ጊሎ አያናይ “ባርናባሲኔ ሳዉሌ ታ ኢስታ ዪይጊዳ አሶስ ታስ ሻኪ ኬሲቴ” ጊዴስ። 3 ኢስቲካ ምሺ ዎሲዲ ባ ኩሼ ኢስታ ቦላ ዎሲዳፔ ጉዬ ሞይዚዳ።

ባርናባሲኔ ሳዉሌይ ቆጲሮሴ ጌቴቲዛሶን

4 ባርናባሲኔ ሳዉሌይ ጊሎ አያና ኪታን ዱጌ ሴላዉቂያ ዎዲዳ፤ ሄፔካ ማርካቤን ጌሊዲ ቆጲሮሴ ቢዳ። 5 ሳልሜና ጌቴቲዛሶ ጋኪዲ አይሁዳታ ዎሳ ኬላታን ዶሳ ቃላ ሳባኪዳ፤ ማርቆሳ ጌቴቲዛ ዮሃኒሲካ ኢስታራ ቢዲ ኢስታ ማዲዴስ።

6 አባ ጊዶን ዲዛ ቢታ ቆጲሮሴ ጌቴቲዛ ዴሬዮ ሃ ጋፃፔ ሄ ጋፃ ጋካናስ ካንሉ ኬዚዲ ጳፋ ጌቴቲዛሶ ጋኪሺን ኢሲ አይሁዳ አሳ ሺን ማሮኔ ዎርዶ ናቤ ባር-ዩሱሳ ጌቴቲዛ አስ ዴሚዳ። 7 ኢዚካ ኢሲ ሳርጎሳ ጳዉሎሳ ጌቴቲዛ ዎዝናማ ዴሬ አይሲዛይሳራ ኢሲፌ ዴስ። ሃ ዴሬ አይሲዛ አዴዚ ዶሳ ቃላ ሲያና ኮይዲ ባርናባሲኔ ሳዉሌ ዪይጊሲዴስ። 8 ማርዚ ኤሲማሲ ባ ሱንሳ ቢርሼላ ማላ ዴሬ አይሲዛይሲ አማናንታ ማላ ዱጳናስ ኮይዲ ኢስታራ ኤቁቲዴስ። 9 ጳዉሎሳ ጌቴቲዳ ሳዉሌይ ጊሎ አያናይ ኢዛን ኩሚን ማርካ ቲሺ ሂስቲ ዪሊዲ፣ 10 “ኔዮ ጊሎቴላ ኡባስ ሞርኬዞ! ጌኔይኔ ኢታቴሉ ኔናን ኩሚዳይሶ ሃይሶ ዳቡሎሳ ናዉ! ጎዳ ሱሬ አጌ ጌላሴሳፌ ሼምፒኪ? 11 ሄኮ ሃዲ ጎዳ ኩሼይ ኔ ቦላ ዴስ። ኔ ቆቃና፤ ሃኒፌ ጉዬ አዋ አርሼ ፖዎ ኢሲኖካ ቤያካ” ጊዴስ።

* 13:1 ኔጌሬይ ላቲኔ ቃላ ጊዲሺን ቢርሼላይ ካሬሳ ጉሳ።

ሄራካ ሻሩማይን ዱማይ ኢዛ ቦላ ዎዲዴስ። ኩሼ አይኪ ባና ካሌሳናዴ ኮሺ ያኔ ሃኔ ጊዴስ። ¹² ዴሬ አይሲዛይሲ ሃ ሃኒዳ ዮዎዛ ቤዱዲ ጎዳ ጊሽ ሲዮዳ ቲሚርቴን ማላሌቲዲ አማኒዴስ።

ባርናባሲኔ ሳዉሌይ ጲሲዲያ ጌቴቲዛ ዴሬን

¹³ ጳውሎሲኔ ኢዛራ ዲዛይቲ ጳፋፔ ዴንዲዲ ጲንሬሊያ ጌቴቲዛሶን ዲዛ ጲርጌኔ ጌቴቲዛሶ ማርካቤን ጌሊ ቢዳ፤ ዮሃኒሲ ኢስታሬ ሻኬቲዲ ጉዬ ዮሩሳላሜ ሲሚዴስ። ¹⁴ ኢስቲ ጊዲኮ ጲርጌኔፔ ዴንዲዲ ጲሲዲያ ጊዶን ዲዛ ጌዴ አንዎኪያ ቢዳ፤ ሳምባታ ጋላስ አይሁዳታ ዎሳ ኬስ ጌሊ ኡቲዳ። ¹⁵ ሙሴ ዎጋ ማፃፋቲኔ ናቤታ ማፃፋቲ ናባቤቲዳፔ ጉዬ አይሁዳታ ዎሳ ኬሳ ሃላቃቲ “ኑ ኢሻቶ! ኢንቴስ ሃይሳ አሳ ዞራና ቃላይ ዲኮ ሃሳይቴ” ጊዲ ኢስታኮ አሴ ዮዲዳ።

¹⁶ ጳውሎሲካ ዴንዲ ኤቂዲ ባ ኩሼራ ማላቲዲ “ኢንቴኖ ኢስራዴሌ አሳቶ! ቃሴካ ኢንቴኖ ዎሳስ ያዩዛ አይዛቤቶ! ሲዬቴ። ¹⁷ ሃ ኢስራዴሌ ዴሬ ዎሳይ ካሴ ኑ አዋታ ዶሪዴስ፤ ኢስቲ ጊብዜ ዴሬን ዲሺን ኢስታ ጶቁ ጶቁ ሂስቲዴስ። ባ ዎልቃማ ቁሴራ ሄቴ ኢስታ ኬሲዴስ። * ¹⁸ አይዱ ታሙ ላይስ ኩሜስ ኢስታ ባዞ ቢታን ዳንዳዩዴስ። †* ¹⁹ ካናኔ ቢታን ዲዛይታ ላፑን ካዎታ ዳይሲዲ ኢስታ ቢታ ባ ዴሬታስ ጋዴ ሂስቲ ላቲሲዴስ። * ²⁰ ሄሲ ዉሪ ፖሌቲዳይ አይዱ ዪታኔ ኢቻሹ ታሙ ላይሳታ ጊዶና። ሄሳሬ ጉዬ ናቤ ሳሜላ ዎዴ ጋካናስ ኢስታ ፐርዲዛ ዳናታ ኢሚዴስ። *

²¹ “ሄሳሬ ጉዬ ዴሬይ ባ ቦላ ካዎ ካዎሳና ማላ ሳሜላ ዎሲዴስ፤ ዎሳይካ ቢኒያሜ ባጋሬ ቂሴ ና ሳዎሌ ኢስታስ ኢሚዴስ። ኢዚካ ኢስታ አይዱ ታሙ ላይስ ሃሪዴስ። * ²² ሳዎሌ ሻሪዳፔ ጉዬ ዳዉቴ ካዎሲዴስ፤ ኢዛ ጊሽ ‘ታ ዎዝና ማላ ሃኒዛይሳኔ ታ ኮዩዳይሳ ዉርሲ አሉዛ ኢሴዬ ና ዳዉቴ ታ ዴማዲስ’ ጊዲ ዳዉቴ ጊሽ ዎሲ ማርካቲዴስ። * ²³ ዎሲካ ባ ጫቆ ቃላሶ ሃ አይዛ ዜሬሳሬ አስ አሺዛይሳ ዮሱሳ ኢስራዴሌስ ኤሂዴስ። ²⁴ ዮሱሲ ያናፔ ካሴ ዮሃኒሲ ኢስራዴሌ ዴሬይ ዉሪ ማሮቴሳን ጌሊዲ ማጭታና ማላ ሳባኪዴስ። * ²⁵ ዮሃኒሲ ባ ኪቴቲዳይሳ ፖሎ ቦላ ዲሺ ‘ታ ኢንቴስ አና ሚሳታዚና? ታ ኪቴቲዳይሳ ጊዲኬ ሃራይ አቶሺን ታ ኢዛስ

* 13:17 ኬሳ 1:7፤ 12:51 † 13:18 ዳንዳዩዴስ ኢሲ ኢሲ ጌሻ ማፃፋቲ ኢስታ ሉዴሲ አይኪዴስ ጌቴስ። * 13:18 ታይ 14:34፤ ዛሬ 1:31 * 13:19 ዛሬ 7:1፤ ኢያ 14:1 * 13:20 ዳኔ 2:16፤ 1ሳሜ 3:20 * 13:21 1ሳሜ 8:5፤ 10:21 * 13:22 1ሳሜ 13:14፤ 16:12፤ ማዛ 89:20 * 13:24 ማር 1:4፤ ሉቃ 3:3

ቶሆ ጫማ ኪሬ ቢርሻናስ ቤሶንታይሲ ታፔ ጉዩራ ያና’ ጊዴስ።
*

26 “ኢንቴኖ አብራሃሜ ዜሬላፌ ዩሌቲዳ ኑ ኢሻቶ! ቃሴካ ኢንቴ ጊዶንካ ያሳስ ያዩዛይቲ ወሪ ሃይሲ አቶቴላ ኪታይ ኪቴቲዳይ ኑስ ኡባታሳ! 27 ዩሩሳላሜ አሳቲኔ ኢስታ ሃላቃቲ ዩሱሳ ኤሪቤቴና፤ ጊዶ አቲን ኢስቲ ኢዛ ቦላ ፐርዲዳ፤ ሄሳንካ ሳምባታን ሳምባታን ናባቤቲዛ ካሴ ናቤታ ቃላይ ኢዛ ቦላ ፖሌቲዴስ። 28 ኢዛ ሃይቆስ ጋሲዛ ኢሲ ጋሶካ ኢስቲ ዴሞንታ አጊኮካ ጲላዮሲ ኢዛ ቦላ ሃይቆ ፐርዳ ፐርዳና ማላ ዎሲዳ። * 29 ኢዛ ጊሽ ሃፌቲዳይሳ ኢስቲ ወርሲ ፖሊዳፔ ጉዩ ኢዛ ካቱቲዳ ሚላ ቦላፌ ጋዴን ዎሲዲ ዱፎን ሞጊዳ። * 30 ጊዶ አቲን ዮሲ ኢዛ ሃይቆፔ ዴንሲዴስ። 31 ጋሊላፔ ዩሩሳላሜ ጋካናስ ባናራ ዲዛይታስ ዳሮ ዎዴ ቤቲዴስ፤ ሄይቲካ ሃራ ኢዛ ጊሽ ዴሬታስ ማርካታ። *

32 “ኑካ ካሴ ዮሲ ኑ አዋታስ ጫቂዳ ሚሺራቾ ቃላ ኢንቴስ ሳባኮስ። 33 ዩሱሳ ኪቲዲ ኢስታስ ጫቂዳ ቃላ ኑስ ኢስታ ናይታስ ፖሊዴስ፤ ሄሲካ ማዛሙሬ ማፃፋን ናምፃንሶ ሹምፖን ‘ኔ ታ ናዛ፤ ታ ኔና ሃቾ ዩላዲስ’ ጌቲቲ ሃፌቲዴስ። * 34 ቃሴካ ኢዚ ዎቆንታይሳኔ ዮሲ ኢዛ ሃይቆፔ ዴንሲዳይሳ ሻኪ ኤራና ማላ ‘አንጄቲዳይሳኔ አማኔቲዳ

ዳወቴ አንጄ ታ ኢንቴስ ኢማና’ ጊዴስ። *

35 ሄሳ ጊሽ ሃራሶንካ

‘ኔ ጊሻይ ሃይቂ ዎቃና ማላ ኔ ኮያካ’ ጌስ። *

36 “ዳወቴይ ባ ዎዴን ያሳ ሹኔ ማላ አሲዳፔ ጉዩ ሃይቂዴስ፤ ካሴ ባ አዋታራ ሞጌቲን ኢዛ አሾይ ዎቂዴስ። 37 ዮሲ ኢዛ ሃይቆፔ ዴንሲዳይሲ ኢዚ ጊዲኮ ዎቂቤና። 38 ሄሳ ጊሽ ታ ኢሻቶ! ናጋራስ ማርቴሲ ቤቲዛይ ዩሱሳ ባጋራ ጊዲዳይሲ ኢንቴስ ሳባኬቲዳይሳ ኤሪቴ። 39 ኢዛ አማኒዛዴይ ወሪ ካሴ ሙሴ ዎጋ ባጋራ ዴሞንታ ዒሎቴስ ዴማና። 40-41 ሄሳ ጊሽ ካሴ ናቤቲ ‘ኢንቴኖ ቂዲዛይቶ ዒሊቴ፥ ማላሌቲቴኔ፥ ዳዩቴ፥ ኢንቴስ አኒካ ዮቲን አማናናስ ኢንቴና ሜቲዛ ሚሽ ታ ኢንቴ ዎዴን አላና’ ጊዳ ቃላይ ኢንቴ ቦላ ጋኮንታ ማላ ናጌቲቴ” ጊዴስ።

* 13:25 ዮሃ 1:20፤ ማቶ 3:11፤ ማር 1:7፤ ሉቃ 3:16፤ ዮሃ 1:27 * 13:28 ማቶ 27:22-23፤ ማር 15:13-14፤ ሉቃ 23:21-23፤ ዮሃ 19:15 * 13:29 ማቶ 27:57-61፤ ማር 15:42-47፤ ሉቃ 23:50-56፤ ዮሃ 19:38-42 * 13:31 ሃዋ 1:3 * 13:33 ማዛ 2:7 * 13:34 ኢሳ 55:3 * 13:35 ማዛ 16:10

42 ጳውሎስን ባርናባሲ አይሁዳታ ዎሳ ኬሳፌ ከዚህን አሳይ ኢስታ ሄሳ ኢስቲ ዮቲዳ ቃላ ካሊዛ ሳምባታ ጋላስ ዛሪ ዮታና ማላ ዎሲዴስ። 43 ሺቆይ ላሌቲዳፔ ጉዬ ዳሮ አይሁዳቲኔ አይሁዳታ አማኖን ጌሊዲ ዎሴ ጎይኒዛ አሳቲ ጳውሎሳኔ ባርናባሲ ካሊዳ። ጳውሎሳንቲካ ኢስታ ቆፍሲሼ ኢስቲ ዎሳ ኪያቴላን ሚኒ ዳና ማላ ዞሪዳ።

44 ካሊዛ ሳምባታ ጋላስ ካታማ አሳፔ ጉሳቲ ዓላላ አቲን ዳሪዛ ባጋይ ወሪ ጎዳ ቃላ ሲያና ሺቂዴስ። 45 አይሁዳቲካ ዳሮ ዴሬ ቤዬዲ ቃናቴቴላን ኩሚዳ። ጳውሎሳ ሃሳያ ኤቁቲሼ ኢዛ ጫዬዳ።

46-47 ጳውሎስን ባርናባሲ ባቦንታ ዓላቴላን “ዎሳ ቃላይ ኮይሮ ኢንቴስ ዮቴታናስ ቤሴስ። ጊዶ አቲን ኢንቴ ቃላ ሌቂዴታ። ኢንቴስ ሜርና ዴዎይ ቤሶንታይሳ ኢንቴርካ ኢንቴ ቦላ ፐርዲዳ ጊሽ ሃዲ ኑኒ ጌዴ አይዛቤታኮ ባና ኮዮስ። ቃሴካ ጎዳይ ኑና ‘አሳስ አቶቴላ ቃላ ቢታ ጋዓ ጋሳና ማላ ታ ኔና አይዛቤታስ ፖዎ ሂስታ ኪታዲስ’ ጊ አዛዚዴስ” ጊዳ።

48 አይዛቤቲ ሄሳ ሲይዲ ዳሮ ኡፋዬቲዳ። ጎዳ ቃላሲካ ቦንቾ ኢሚዳ። ሜርና ዴዎስ ጊጌቲዳ ዴሬይ ወሪ አማኒዴስ። 49 ጎዳ ቃላይ ሄራን ዲዛ ዴሬ ኡባሶ ጋኪዴስ። 50 አይሁዳቲ ቃስ አያና ሃኖን ካሴፔ ሚኒዛይታኔ ዱሳን ቦንቼቲዳ ማጫሳታ ሄሳሶካ ካታማን ዲዛ ጊታ አሳታ ዴንፊሲዲ ጳውሎሳ ቦላኔ ባርናባሲ ቦላ ጎዴቴሲ ዴንፊሲዲ ባ ዴሬፔ ኬሲ ጎዲዳ። 51 ጳውሎስን ባርናባሲ አሳይ ኢስታ ኢዲዳይሳ ቤሳናስ ባ ቶሆ ቦላ ዲዛ ጉዱላ ፐቲዲ ኢቆኒዮኔ ጌቴቲዛሶ ቢዳ። * 52 አማኒዛይቲ ኡፋይሳኒኔ ዲሎ አያናን ኩሚዳ።

14

ጳውሎስን ባርናባሲ ኢቆኒዮኔን

1 ኢቆኒዮኔን ጳውሎስን ባርናባሲ ኢሲፌ አይሁዳታ ዎሳ ኬሴ ጌሊዳ። ሄንካ ኢስቲ አሳ ሎዔስ ታማርሲዳ ጊሽ ጊሪኬ አሳፔኔ አይሁዳ አሳፔ ዳሮይ አማኒዴስ። 2 ሂንኮ አማኖንታ አይሁዳ አሳይ አይዛቤታ ኢስታ ቦላ ዴንፊሲዲ አሳይ አማኒዛይታ ኢዓና ማላ አሲዴስ። 3 ጳውሎስን ባርናባሲ ጎዳ ጊሽ ዓላቴላራ አሳስ ዮቲሼ ሄን ዳሮ ዎዴ ጋምዲዳ። ጎዳይካ ኢስቲ ዮቲዛ ኢዛ ቃላ ጊታ ማላታራኔ ዎልቃማ አሶን ቆንጨሲ ማርካቲዴስ። 4 ካታማ አሳይ ባ ጊዶን ናምዑ ኬዚ ሻኬቲዲ ባጋይ አይሁዳታ ባጋ ባጋይ ጳውሎሳንታ ባጋ ጊዲዴስ።

5 ሄ ዎዴ አይሁዳቲኔ አይዛቤቲ ባና ካሌሲዛይታራ ኢሲፌ ጊዲዲ ኢስታ ዎይሳናሲኔ ሹቻን ጫዳናስ ኮይዳ። 6 ኢስቲካ ሄሳ

* 13:51 ማቶ 10:14፤ ማር 6:11፤ ሉቃ 9:5፤ 10:11

ኤሪዳ ማላ ሊስቲራኔ ዴርቤኔ ጌቴቲዛሶ ጌዴ ሊቃዎኒያ ካታማታኔ ሄ ሄራን ዲዛ ዴሬ ባቃቲዳ። 7 ሄንካ ሚሺራሾ ቃላ ሳባኮ ዶሚዳ።

ጳውሎሲኔ ባርናባሲ ሊስቲራኔኔ ዴርቤኔን

8 ሊስቲራን ዮሴቶሳፕ ባ ቶሆራ ሃሙቲ ኤሮንታ ኢሲ ቶሆ ሲላ አዴይ ዴስ። 9-10 ሄሳዴይ ጳውሎሲ ሳባኪሺን ኡቲ ሲዮስ፤ ጳውሎሲካ ኢዛኮ ቲሺ ሂስቲ ያሊዲ አዴዛ ፓሳና አማኖይ ኢዛ ቦላ ዲዛይሳ ቤዩዲኔ ቃላ ጵቁ ሂስቲዲ “ሲቲ ጋዳ ኔ ቶሆን ኤቃ!” ጊዴስ። አዴዚ ሄራካ ጉፒ ዴንዲዲ ሃሙስ አይኪዴስ።

11 አሳይ ጳውሎሲ አሲዳይሳ ቤዩዲ ሊቃዎኒያ ቃላራ “ኤቃ ያሳቲ አስ ሚሳቲዲ ሃ ኑኮ ዎዲዳ” ጊዲ ዋሲዴስ። 12 ባርናባሳ “ዲያ” ጊዳ ጳውሎሳካ ሃሳዩዛ ዋናይ ኢዛ ጊዲዳ ጊሽ “ሄርሜኔ” ጊዳ። 13 ካታማፕ ኢሲ ባይንዳሶን ዲዛ ዲያ ጌቴቲዛ ኤቃ ኬላ ቁሴይ ኮርማታኔ ያፀቲ ጊጊዳ ጩሽ ጌዴ ካታማ ጌሊዛ ኦጌ ቦላ ኤሬዲ ዴሬዛራ ኢሲሬ ጊዲዲ ጳውሎሳሲኔ ባርናባሳስ ያርሻና ኮዩዴስ።

14 ሃዋራቲ ባርናባሲኔ ጳውሎሲ ሄሳ ሲዩዳ ማላ ባ ማይያ ዳኪዲ ጌዴ ዴሬዛ ጊዶ ዎዲዳ፤ ባ ቃላ ጵቁ ሂስቲዲ ሂዝጊዳ፤ 15 “ሃይቶ አሳቶ! ሃይሳ አዛስ አሴቲ? ኑካ ኢንቴ ማላ አሳቶ! ኢንቴካ ቃሴ ሃይሳ ሜላ ሃዳ ዮፖፕ ሃኪዲ ሳሎኔ ሳዓ፤ አባካ፤ አባታ ጊዶን ዲዛይታ ወርሲ ሜዲዳ ዴያ ያሳኮ ኢንቴ ሲማና ማላ ኢንቴስ ሚሺራሾ ቃላ ሳባኮስ። * 16 ኢዚ ካሴ አዲዳ ዮሴቴሳይኔ ዴሬይ ወራካ ባ ኮይዳ ማላ ሃናናስ ዮዲ ቤሲዴስ። 17 ጊዶ አቲን ያሲ ሳሎፕ ኢራኔ ሄሳሶካ ካሲ ካፂዛ ዎዴታ ኢሚዲ ኢንቴ ዎዝና ካሳኔኔ ኡፋይሳ ኩንሲዴስ፤ ኡፋይሳካ ኢንቴና ካልሲዲ ሎዎ አሶን ባና ማርካይ ባይንዳ አጊቤና” ጊዳ። 18 ሄሳ ወርሲ ሃሳዩዲ አሳይ ኢስታስ ያርሾንታ ማላ ዋይዲ ዲጊዳ።

19 አይሁዳቲ ቃስ አንዎኪያፕኔ ኢቆኒዮኔፕ ዩዳ አሳይ አሳ ዞሪዲ ጳውሎሳ ሹቻን ጫዳና ማላ አማንሲዳ። ጳውሎሳካ ሹቻን ጫዲዲኔ ሃይቂዴስ ጊ ጎቺዲ ካታማፕ ጌዴ ካሬ ኬሲዳ። 20 ጊዶ አቲን አማኒዛይቲ ኢዛ ዩዩ አዲ ናጊሺን ጳውሎሲ ዴንዲዲ ጌዴ ካታማ ጌሊዴስ። ዎንቴላ ጋላስ ባርናባሳራ ኢሲሬ ዴርቤኔ ጌቴቲዛሶ ቢዳ።

ጳውሎሲኔ ባርናባሲ ሶሪያን ዲዛ አንዎኪያ ሲሚዳ

21 ጳውሎሲኔ ባርናባሲ ዳርቤን ሚሺራሾ ቃላ ሳባኪዳ ዳር አሳ አማንሲዳፕ ጉዩ ጌዴ ሊስቲራ፤ ኢቆኒዮኔኔ አንዎኪያ ሲሚዳ። 22 አማንዛይታ ዎዝና ሚንሴሲሽ ኢስቲ አማኖን ሚኒ ዳና ማላ

* 14:15 ኬሳ 20:11፤ ማዛ 146:6

ዞሪሽ “ኑ ያሳ ካዎቱስ ጌላናስ ዳሮ ሜቶ ጊዶራ አዳናስ ኮሼስ” ጊዳ። ²³ ሄሳፌ ጉዬ ዱማ ዱማ ዎሳ ኬሳታን ጨማታ ዶሪዳፕ ጉዬ ዎማኒኔ ዎሳን አማኔቲዳ ጎዳስ ሃዳራ አሲ ኢሚዳ።

²⁴ ጲሲዲያራ አዲዲ ጲንፊሊያ ሲሚዳ። ²⁵ ጴርጌኔን ቃላ ሳባኪዲ ዱጊ አፃሊያ ጌቱቲዛሶ ዎዲዳ። ²⁶ አፃሊያፕካ ሃሲ ጋካናስ ኢስቲ አሲዳ አሶዛ ሃዳራ ኢስታስ ኢሜቲዳ ካታማ ሶሪያን ዲዛ አንዎኪያ ማርካቤን ጌሊዲ ሲሚዳ።

²⁷ ሄ ጋኪዳ ማላ ዎሳ ኬሳ አሳ ዉርሲ ሺሺዲ ያሲ ኢስታራ አሲዳይሳ ቃሴካ አይዛቤታስ አማኖ ፔንጌይ ዋኒ ዶዬቲዳኮኔ ዉርሲ ዮቲዳ። ²⁸ ሄን አማኒዛይታራ ዳሮ ዎዴ ጋምዲዳ።

15

ዮሩሳላሜ ዱላታ

¹ ኢሲ ኢሲ አሳቲ ዮሁዳፕ ዱጊ አንዎኪያ ዎዲዲ “ኢንቱ ሙሴ ዎጋ ማላ ቃፃሬቶንታ አጊኮ አኒካ አታናስ ዳንዳዬኬታ” ጊዲ አማኒዛይታ ታማርሶ ዶሚዳ። * ² ሄሲካ ጳዉሎሳኔ ባርናባሳ ጊታ ፓላማኒኔ አሻ ጊዶ ጌልሲዴስ፤ ሄሳ ጊሽ ጳዉሎሳኔ ባርናባሲ ሃራ ኢሲ ኢሲ አማኒዛ አሳታራ ዮሩሳላሜ ኬዚዲ ሃ ዮዎዛ ጊሽ ጨማታኔ ሃዋሬታ አይቻና ማላ ጌቱቲዴስ።

³ ሄሳ ጊሽ ዎሳ ኬሳያ ኢስታ ዮሩሳላሜ ባና ማላ ኪቲን ኢስቲ ፒንቁራኔ ሳማሪያራ አዲ ቢሽ ሄን ዲዛ አሳ አይዛቤቲ አማኖን ሲሚዳይሳ ዮቲዳ፤ ሄ ዎዴ አማኒዛይቲ ሄሳ ሲይዲ ኬሂ ኡፋዬቲዳ። ⁴ ኢስቲ ዮሩሳላሜ ጋኪን ዎሳ ኬሳ አሳይ ሃዋሬቲኔ ጨማቲ ኢስታ ሞኪ ኤኪዳ፤ ኪቱቲ ቢዳይቲካ ያሲ ኢስታራ ጊዲዲ አሲዳይሳ ዉርሲ ኢስታስ ዮቲዳ። ⁵ ፋርሳዌታ ባጋ አሳታፕ አማኒዳ ኢሲ ኢሲ አሳቲ ዴንዲዲ “አይዛቤቲ ቃፃሬታናሲኔ ሙሴ ዎጋ ናጋና ማላ ኢስታስ ዮታናስ ቤሴስ” ጊዳ።

⁶ ሃዋሬቲኔ ጨማቲ ሄ ዮዎዛ ጊዶ ሎዔስ ፃላናስ ሸቂዳ። ⁷ ዳሮ ፓላማፕ ጉዬ ጴፀርሲ ዴንዲ ኤቂዳ፤ “ታ ኢሻቶ! ጉሳ ዎዴፕ ካሴ ያሲ ታና ኢንቱ ጊዶፌ ዶሪዲ አይዛቤቲ ታ ዱናፕ ሚሺራቾ ቃላ ሲይዲ አማናና ማላ አሲዳይሳ ኢንቱ ኤሬታ።” ⁸ አሳ ዎዝና ኤሪዛ ያሲ ኑስ ኢሚዳይሳ ማላ ኢስታስካ ፂሎ አያና ኢሚዲ ኢስታ ባስ ኤኪዳይሳ ማርካቲዴስ። * ⁹ ኢስታ ዎዝናካ አማኖን ጌሺዲ ኑ ጊዶኒኔ ኢስታ ጊዶን አይኮ ሻኮካ አሲቤና። ¹⁰ ሄሳ ጊሽ ኑ አዋቲኔ ኑካ ቶካናስ ዳንዳዮንታ ቃምባራ አማኒዛይታ ቶሳናስ ኢንቱ አዛስ ያሴ ፓጩቲ? ¹¹ ኑ አቲዳይ ሊኬ ኢስታሶካ ጎዳ ዮሱሳ አዶ ኪያቱሳን ጊዲዳይሳ አማኖስ” ጊዴስ።

* 15:1 ሌዌ 12:3 * 15:8 ሃዋ 10:44

12 ሺቂዳ አሳይ ወራካ ጮው ጊን ባርናባሲኔ ጳውሎሲ ያሲ ኢስታ ባጋራ አይዛቤታ ጊዶን አሲዳ ጊታ ማላታታ ጊሽ ዮቲሺን ማላቤቲዲ ሎዔሲ ሲዩዴስ። 13 ኢስቲ ዮቲ ወርሲሺን ያቆቤይ ዴንዲ ኤቂዲ ሂዝጊዴስ “ታ ኢሻቶ! ታ ጊዛይሳ ሲዩቲ፤ 14 ያሲ አይዛቤታ፤ ባስ ጊዳና ዴሬ ካሴቲዲ አ.ዚ ዎስቲ ዪይጊ ዎሲዳኮ ሲሞኒ ኑስ ሎዔሲ ዮቲዴስ። 15 ካሴ ናቤታን ሂዝጊ ዓፌቲዳ ቃላይ ሃይሳራ ጋጌስ።

16 ‘ሃይሳፌ ጉዩ ታ ሲማዳ ላሌቲዳ ዳወቲ ኬሴ ኬዓና፤ ላሌቲዳይሳ ዛራ ኤሳና፤ ዛራዳካ ኬዓና። 17 ሄሲካ አቲዳ አሳይ ኃዳ ኮያና ማላኔ ታ ሱንሳን ዪይጌቲዳ አይዛቤቲ ታና ኮያና ማላ ጌስ ወርሲ አሲዳ ያሲ፤ 18 ሃይሳ ኮይሮፔካ ኤርሲዳ ያሲ ታና’ ጊዴስ።

19 “ሄሳ ጊሽ ሃ ያሳኮ ሲሚዳ አይዛቤታ ኑ ሜቶሶንታ ማላ ሃይሲ ታ ባጋራ ታስ ቃሾ። 20 ጊዶ አቲን ኤቃስ ያርሺቲዲ ቱኒዳ ካስ ሞፐቲ፤ ላይማፔ ሃኪቲ፤ ባወቲ ሃይቂዳ ሜሄ አሾ ሞፐቲ፤ ሱስ አቶፐቲ ጊዲ ኑ ኢስታስ ዓፋና ቤሴስ። * 21 ሙሴ ዎጋይ ጊዲኮ ቤኒሶፌ ሳምባታ ሳምባታ ጋላስ አይሁዳታ ዎሳ ኬሳን ናቤቤቲሼኔ ካታማይ ዲዛሶን ሳባኬቲሼ ዴስ” ጊዴስ።

ሃዋራታፔ አማኒዛ አይዛቤታስ ዓፌቲዳ ዳብዳቤ

22 ሄ ዎዴ ሃዋራቲኔ ጨማቲ ኩሜሳ ዎሳ ኬሳ አሳራ ጊዲዲ ባ ጊዶፌ ኢሲ ኢሲ አሳታ ዶሪዲ ጳውሎሳራኔ ባርናባሳራ ጋሲ አንዎኪያ ዮዳናስ ቃቺዳ። አማኒዛ አሳ ጊዶፌ ዋናቲዛይታ ባርሳባሳ ጌቲቲዛ ዮሁዳኔ ሲላሴ ዶሪዳ። 23 ኢስታ ኩሺን ኢሚ ዮዲዳ ዳብዳቤዚ “ኢንቲ ኢሻታፔ፣ ሃዋራታፔ፣ ጨማታፔ፣ አይዛቤታፔ አማኒዳ አንዎኪያኒኔ ሶሪያን፣ ኪልቂያንካ ዲዛ አማኒዛይታስ ኑ ሳሮካይ ኢንቲና ጋኮ።

24 “ኢሲ ኢሲ አሳቲ ኑፔ ጊዶንታ ባ ባጋራ ኑ አቻፌ ቢዲ ባ ሃሳያን ኢንቲ ዎዝና ያኔ ሃኔ ቃሲዳይሳኔ ኢንቲና ቡልዓኪዳይሳ ኑ ሲዩዴስ። 25 ሄሳ ጊሽ ጉሳ አሳታ ዶሪዲ ዶሴቲዳ ባርናባሳራኔ ጳውሎሳራ ኢንቲኮ ዮዳናስ ኑ ወራካ ቃላ ጋጊዴስ። 26 ኢስቲ ኃዳ ዮሱስ ኪርስቶሳ ጊሽ ባ ሽምፖ አሲ ኢሚዳይታ። 27 ሄሳ ጊሽ ኑ ኢንቲስ ዓፌዳይሳ ኢስቲ ኢንቲስ ባ ዱናራ ሎዔሲ ዮታና ማላ ዮሁዳኔ ሲላሴ ኢንቲኮ ዮዲዴስ። 28 ሃይታ ኢንቲስ ኮሺዛ ዮታፔ ሃራ ዴዎ ቶሆ ኑ ኢንቲ ቦላ ዎሶንታ ማላ ኑሲኔ ዪሎ አያናስ ሎዎ ሚሳቲ ቤቲዴስ። 29 ሄሲካ ኢንቲ ኤቃስ ሹኬቲዳ

* 15:20 ኬሳ 34:15-17፤ ሌዌ 18:6-23

አሾፕ፥ ሱላሬ፥ ባዉቲ ሃይቂዳ ሜሄ አሾፕኔ ላይማፕ ኢንቴ ሃካና ማላ፤ ኢንቴ ሃይታ ሚሳቲዛይታፕ ሃኪኮ ኢንቴስ ሎዎ፤ ሳርን ዲቴ” ጌስ።

³⁰ ኪቴቲዳ አሳቲ ሞይዜቲዲ ዱጌ አንዎኪያ ዎዲዳ፤ ሄን አማኒዛይታ ዉርሲ ሺሺዲ ኤሂዳ ዳብዳቤዛ ኢስታስ ኢሚዳ።

³¹ ዴሬይካ ናባቢዲ ሚንጮሲዛ ቃላን ኡፋዮቲዴስ። ³² ዩሁዳይኔ ሲላሲ ናቤታ ጊዲዳ ጊሽ ዳሮ ዞሪዲ አማኒዛይታ ሚንጮሲዳ።

³³ ሄን ጉላ ዎዴ ጋምዲዲ አማኒዛ አሳይ ሞይዚን ጉዬ ባና ኪቴዳይታኮ ሲሚዳ። ³⁴ ሲላሲ ቃስ ሄን አታናስ ኮዩዴስ።

* ³⁵ ጳዉሎሲኔ ባርናባሲ ሃራ ዳሮ አሳታራ ጊዲዲ ጎዳ ቃላ ታማርሲጄኔ ሳባኪጄ አንዎኪያን ጋምዲዳ።

ጳዉሎሳኔ ባርናባሳ ሻኬቴስ

³⁶ ጳዉሎሲ ጉላ ዎዴ ጋምዲዲ ባርናባሳ “ኑ ካሴ ጎዳ ቃላ ዮቲዳ ኡባ ካታማታ ቢዲ አማንዛይቲ አይ ማላ ዲዛኮኔ አኔ ዩዩ ቤዮስ፥ ዴንዳ” ጊዴስ። ³⁷ ባርናባሲካ ማርቆሳ ጌቴቲዛ ዮሃንሲ ኢስታራ ባና ማላ ኮዩዴስ። ³⁸ ጳዉሎሲ ቃስ ኢዛ ኤኪ ባናስ ኮይቤና፤ ጋሶይካ ካሴ ማርቆሲ ኢስታሬ ሻኬቲዲ ጲንሬሲያ ጊዛሶን ጉዬ አቲዲ

ኢስታራ አሶስ ሲንስ ኬዞንታ አጊዳ ጊሻሳ። * ³⁹ ሂስቲን ዳሮ ፓላማይ ኢስታ ጊዶን ሜዴቲዳ ጊሽ ባ ጊዶን ሻኬቲ ዎዲዳ፤ ሄሳ ጊሽ ባርናባሲ ማርቆሳ ኤኪዲ ማርካቤን ጊሊዲ ቆጲርሮ ቢዴስ።

⁴⁰ ጳዉሎሲ ቃስ ሲላሴ ዶሪዴስ። አማንዛይቲካ ጳዉሎሳ ጎዳ አዶ ኪያቴላስ ሃዳራ ኢሚዳፕ ጉዬ ኢዚ ኢስታሬ ሻኬቲዲ ቢዴስ።

⁴¹ አማኒዛይታ ሚንጮሲጄ ሶሪያራኔ ኪልቂያራ አዲ ቢዴስ።

16

ጊምቶሲ ጳዉሎሳራኔ ሲላሴራ ኢሲሬ ጊዲዴስ

¹ ጳዉሎሲ ዴርቤኔ ጌቴቲዛሶኔ ሊስቲራ ጋኪዲ ኢዛ አዎይ ጊሪኬ አስ፥ አዩያ ቃስ አይሁዳ አስ ጊዲዳ ጊምቶሳ ጌቴቲዛ ኢሲ አማኒዛዴ ሄን ዴሚዴስ። ² ኢዚካ ሊስቲራኔኔ ኢቆኒዮን አማኒዛ አሳ አቻን ሎዎ ማርካቴስ ዲዛዴ። ³ ጳዉሎሲካ ጊምቶሳ ባናራ ኤኪ ባናስ ኮዩዴስ። ሄሳ ጊሽ ሄ ሄራን አይሁዳታ ጊሽ ጊዲ ጊምቶሳ ቃፃሪዴስ። ጋሶይካ አይሁዳቲ ጊምቶሳ አዎይ ጊሪኬ አስ ጊዲዳይሳ ኤሪዛ ጊሻሳ።

⁴ ኢስቲ ኢሲ ካታማፕ ሃራ ካታማ አዲ አዲ ቢጄ ሃዋሬቲኔ ዩሩሳላሜ ዎሳ ኬላ ጪማቲ ዩዲዳ ኪታ አሳይ ኤኪዲ ናጋና ማላ

* 15:34 ኢሲ ኢሲ ጌሻ ማፃፋቲ ፓይዶ 34 ቦላ ዲዛ ቆፋ ጉጂቴና። * 15:38

አማኒዛ አሳስ ኢሚ ኢሚ አዲዳ። 5 ዎሳ ኬሳ አሳይ አማኖን ሚኒ ሚኒ ቢዴስ፤ ቃሴ አሳይካ ቆዳን ጋላስ ጋላስ ጉጂቲ ጉጂቲ ቢዴስ።

ጳውሎሲ ማቀድኒያ ጊሽ ቤዱዳ አጁታ

6 ጳውሎሲኔ ኢዛራ ዲዛ ዛታቲ ቃላ ኢሲያን ሳባኮንታ ማላ ሂሎ አያናይ ዲጊዳ ጊሽ ፐርጊያራኔ ጋላቲያ ዴሬራ አዲ ቢዳ። 7 ኢስቲ ሚሲያ ጌቴቲዛሶ ጋካና ማቲሼ ቢቲኒያ ጌቴቲዛሶ ጌላና ቆፐን ዩሱሳ አያናይ ኢስታ ዲጊዴስ። 8 ሄሳ ጊሽ ሚሲያራ አዲዲ ሂሮዓዳ ጌቴቲዛሶ ዎዲዳ። 9 ኢሲ ማቀድኒያ አሲ ኤቂዲ ጳውሎሳ ሃ ማቀድኒያ ፐናዳ ኑና ማዳ ጊሺን ጳውሎሲ አማርስ አጁታን ቤዱዴስ። 10 ኢዚካ ሄ አጁታ ቤዱዲ ዎሲ ኑ ኢስታስ ሚሺራቾ ቃላ ዮታና ማላ ዪይጊዴስ ጊ ቃቺዲ ኑ ሄራካ ጌዴ ማቀድኒያ ባና ኮዩዶስ።

ፒሊጲሴን ሊዲያይ ጎዳ አማናዱስ

11 ማርካቤራ ሂሮዓዳ ጌቴቲዛሶፔ ዴንዲዲ ሲቲ ጊዲ ሳሞቲራቆ ጌቴቲዛሶ ቢዶስ። ዎንቴሳ ጋላስ ናጵሴ ጊዛሶ ሲንስ ሃሙስ ጉጂዶስ። 12 ሄፔካ ኦሮሜ አሳይ ቶራን ሃሪዳ ዴሬ ጊዲዳ ማቀድኒያ ዴሬ ዋና ካታማ ጊዲዳ ፒሊጲሲዮሴ ጌቴቲዛሶ ጌሊዶስ። ሄንካ ኡንዴና ዎዴ ኡቲዶስ።

13 ሳምባታ ጋላስ ዎሳ ዎሲዛሶ ኮዩሼ ካታማ ጌሊዛሶ ፔንጌ ኬዚዲ ዱጌ ሻፋ ዎዶስ፤ ኑ ሄን ኡቲዲ ሺቂ ዲዛ ማጫሳስ ቃላ ዮቲዶስ። 14 ቃላ ሎዔሳ ሲዩዛ ማጫሳታፔ ኢሲ ሊዲያ ጌቴቲዛራ ኢዛካ ዎሴ ጎይንዛሮኔ ቲያሂሮኔ ካታማፔ ያዳ ዘዎ ሃራ ማይዎ ዛልዒዛሮ ጳውሎሲ ዮቲዛ ቃላ ኢዛ ዎዝናን ዎሳ ሲያና ማላ ጎዳይ ኢዚ ዎዝና ዶዩዴስ። 15 ኢዛኔ ኢዚሶ አሳይካ ማቆቲዳፔ ጉዩ ኢዛ ኢስታ ታ ዎሴ አማኒዲ ኢንቴ ቱሙ ኤሪዳ ጊዲኮ ሃ ታሶ ዩዲ ጉሳ ዎዴ ዲሺቴ ጋዳ ኢስታ ሚንሳ ዎሳዱስ።

ጳውሎሲኔ ሲላሲ ቃሾ ኬሳን

16 ኢሲ ጋላስ ኑ ዎሳሶ ቢሺን ካዮ ካዮታ ማሮትዛ ኢሲ ጋራዴ ና ዲዛራ ኑና ዴማዱስ። ኢዛካ ባ ማሮቴላን ባና አይሲዛይታስ ዳሮ ሚሽ ጌልሳዉስ። 17 ሃና ጋራዴ ናያ ጳውሎሳኔ ኑና ካላ ካላ “ሃይቲ አሳቲ ኢንቴስ ኢንቴ አታና አጌ ዮቲዛይቲ ዎጋ ዎሳ አሳንቻታ” ጋ ጋ ዎሳዱስ። 18 ሄሳካ ዳሮ ጋላስ ሺራ ሺራ ጋዱስ። ጊዶ አቲን ጳውሎሲ ሃ ኢዚ ቃላን ዳሮ ሜቶቲዳ ጊሽ ኢዚኮ ሲሚዲ ኢዚ ዱናራ ሃሳዩዛ ቱና አያናዛ “ኔ ኢዚፔ ኬዛና ማላ ታ ኔና ጎዳ ዩሱስ ኪርስቶሳ ሱንሳን አዛዛይስ” ጊዴስ። ሄ አያናይ ሄራካ ዩጊ ኢዚፔ ኬዚዴስ።

19 ኢዞ አይሲዛ አሳቲ ኢስታስ ሚሼ ዴሚዛ ኦጌይ ዱጊን ኢስታ ኡፋይሲ ቃንጌቲዳይሲ ኢስታስ ጌሊን ጳውሎሳኔ ሲላሴ አይኪዲ ቢታራ ጎቺዲ ዋናቲ ዲዛሶ ጊያ ጊዶ ኤፊዳ። 20 ዴሬ አይሲዛ ዋናታኮ ሺሺዲ “ሃይቲ አሳቲ ባስ አይሁዳ አስ ጊዲ ኡቲዲ ኑ ካታማ ቡላኬቴስ፤ 21 ቃሴ ኑ አሮሜ አሳቲ ኤካናስ ዎይኮ አሳናስ ኑስ ቤሶንታ ዎጋ ኑ አሳ ጊዶን ላሌቴስ” ጊዳ።

22 ዴሬይካ ኢሲ ቦላ ጊዲዲ ጳውሎሳ ቦላኔ ሲላሴ ቦላ ዴንዲዴስ። ዴራ አይሲዛይቲ ጳውሎሳንታ ማይዎ ቃሪ ኤኪዲ ዱርቃራ ቆፃና ማላ አዛዚዳ። 23 ኢታ ቡካ ቡኪዲ ጌዴ ቃሾ ኬሳን ዩጊዳ። ቃሾ ኬሳ ናጊዛይሲካ ኢስታ ሎዔሲ ናጋና ማላ አዛዚዳ። 24 ኢዚካ ሄሳ ማላ ሚኖ አዛዞ ኤኪዲ ቃሾ ኬሳስ ዋና ጊዶ ኪፊሌ ጌልሲዲ ኢስታ ቶሆ ጊታ ዱፋማራ ሺሺ ቃቺዴስ።

25 ጊዲ ጊዶስ ጊዲሺን ጳውሎሲኔ ሲላሴ ዎሳኒኔ ማዛሙሬን ያሳ ጋላቲሺን ቃሾ አሳይ ኢስታ ዩላኔ ጋሳታ ኤዝጊ ሲዩዴስ።

26 ሃሳዓይ ባይንዳ ዲንጋቴ ቃሾ ኬሳ ፃጵፔ ቃሲዛ ሚኖ ቢታ ቃሲ ሃኒዴስ፤ ሄራካ ቃሾ ኬሳ ፔንጌቲ ዶዩቲዳ። ቃሾቲዳ ኡባ አሳ ቃሾይ ቢርሼቲዴስ። 27 ቃሾ ኬሳ ናጊዛይሲ ዲስኮሬ ቤጊዲ ቃሾ ኬሳ ፔንጌቲ ዶያ ዲዛይሳ ቤዩዲ ቃሾ አሳይ ዉሪ ኬሲ ኤኪዳ ሚሳቲን ባና ዎጳና ማሻ ሾዲዴስ። 28 ጳውሎሲ ቃስ ባ ቃላ ጶቁ ሂስቲዲ “ኑ ዉሪ ሃን ዶስ! ኔ ቦላ አይኔ ኢታ አሶፋ” ጊ ዋሲዴስ።

29 ቃሾ ኬሳ ናጊዛይሲ ያምፔ ዎሲ ኤኪዲ ጌዴ ጊዶ ጉፐ ጌሊዴስ፤ ኮኮርሼ ጳውሎሳ ቶሆ ቦላኔ ሲላሴ ቶሆ ቦላ ኩንዲዴስ።

30 ኢስታታ ኤኪ ካሬ ኬዚዲ “ሃ አሳቶ! ታ አታና ማላ አይ አሶ?” ጊዴስ።

31 ኢስቲካ ኢዛስ “ጎዳ ዩሱሳ አማና፤ ኔካ ኔሶ አሳይካ ኢንቴ ዉሪ አታና” ጊዳ። 32 ሄሳሬ ጉዩ ኢዛሲኔ ኢዛሶን ዲዛ አሳስ ኡባስ ጎዳ ቃላ ዮቲዳ። 33 ቃሾ ኬሳ ናጊዛይሲ ሄራካ ሄ ጋላስ ቃማራ ኤፊዲ ኢስታ ማዱንሳ ሜጨዴስ። ሄራካ ኢዚኔ ኢዛሶ አሳይ ዉሪ ፃማቁቲዳ። 34 ቃሾ ኬሳ ናጊዛይሲካ ኢስታ ባ ኬሴ ኤፊዲ ኢስታስ ካሕ አሲዴስ። ባሶ አሳ ኡባራ ያሳ አማኒዳ ጊሽ አይዚ ዳሮ ኡፋዩዴስ።

35 ጋዴይ ዎንቲሺን ዴሬ አይሲዛይቲ “ሄይታ አሳታ ቢርሻ ዩዳ” ጊዲ ባ ሹሚታ ቃሾ ኬሳ ናጊዛይሳኮ ዩዲዳ። 36 ቃሾ ኬሳ ናጊዛይሲካ ኢስታስ “ዴሬ አይሲዛይቲ ኢንቴ ቢርሼታና ማላ አዛዚዳ፤ ሄሳ ጊሽ ሃሂ ሳሮን ኬዚ ቢቴ” ጊዲ ጳውሎሳስ ዮቲዴስ። 37 ጳውሎሲ ቃስ “ኑ አሮሜ ዩሌቴስ ጊዲሺን ፐርዳይ ባይንዳ ዴሬ ሲንሳን ዱርቃራ ቡኪዲኔ ቃሾ ኬሳን ዩጊዳ። ሂስቲን ሃሂ ቃስ ኑና ቆታራ አሲ ኤሮንታ ኬሳና ኮዩዞ? ሄሲ ሃኔና፤ ኢስቲ ዩዲ ባርካ ቢርሼቶ!” ጊዴስ።

38 ሹሜቲ ሄ ኢዚ ጊዳ ቃላ ዴሬ አይሲዛይታስ ሶቲዳ ኢስቲካ ጳውሎሲኔ ሲላሲ ኦሮሜ ዩሌታ ጊዲዳይሳ ሲይዲ ዳጋሚዳ።
 39 ዩዲ ኢስታፌ ማሬቴስ አይቺዲ ዎይኔፕ ኬሲዳ። ኢስቲ ሄ ካታማዮ አጊዲ ሃራሶ ባና ማላ ኢስታ ዎሲዳ።
 40 ጳውሎሲኔ ሲላሲ ቃሾ ኬላፌ ኬዚዲ ሲዲያሶ ቢዳ። ሄንካ ዲዛ አማኒዛይቲ ኢስታ ዳሮ ሚንጴሲዲ ሄፕ ኬዚ ቢዳ።

17

ጳውሎሲኔ ሲላሲ ታሶሎንቄን

1 ጳውሎሲኔ ሲላሲ አንፊጶላኔ አጳሎኒያ ጌቴቲዛ ዴሬራ አዲዲ ታሶሎንቄ ጌቴቲዛ ዴሬ ቢዳ። ሄንካ አይሁዳታ ዎሳ ኬሴ ዴስ።
 2 ጳውሎሲካ ኢዛስ ዶሴ ጊዲዳ ማላ አይሁዳታ ዎሳ ኬሴ ጌሊዴስ። ሄቩ ሳሚንታ ኩሜስ ቃላፕ ኤኪ ኤኪ ኢስታራ ሃሳዮቲዴስ።
 3 ኪርስቶሲ ዋዩ ኤካናሲኔ ሃይቂ ዴንዳናስ ቤሲዛይሳ ቆንጩሲ አማንሶን “ሃይሲ ታ ሳባኪዛ ዩሱሲ ኢዚ ኪቴቲ ያና ጌቴቲዳይሳኮ!” ጊዴስ።
 4 አይሁዳታፕ ኢሲ ኢሲ አሳይ ባ ሲዩዳይሳ አማኒዲ ጳውሎሳራኔ ሲላሲካ ኢሲፌ ጊዲዴስ። ቃሴካ ዳሮ ዴሬይ ዎሴ ባቢዛ ጊሪኬታፕ ዳሮ ኤሬቲዳ ማጫሳቲ ባ ሲዩዳ ቃሳን አማኒዲ ኢስታራ ኢሲኖ ጊዲዳ።
 5 አይሁዳቲ ቃሴ ኢስታ ቃናቲዲ ጊያን ዲዛ ዎርዶ አሳታ ሺሺዲ ኩሜሳ ዴሬዛ ኢስታ ቦላ ዴንጴሲዲ ካታማን ሺሮ ሜዲዳ። ጳውሎሳኔ ሲላሲ ሺሺዲ ዴራ ሲንሳን ኤሳናስ ኢሲ ኢያሶኔ ጌቴቲዛይሳሶ ኮያናስ ኤሌሊ ቢዳ።
 6 ጊዶ አቲን ኢስታ ኢያሶኔ ኬሳን ዴሞንታ አጊዳ ጊሽ ኢያሶኔኔ ሃራ አማኒዛ አሳታ ካታማ ዳናታ ሲንሳራ ጎቺሽ “ሃይቲ አሳቲ ዴሬ ዉርሲ ቡልዓኪ ካዒሽ ጋምዒዲ ቃሴ ሃዒ ሃ ዩዳ።
 7 ኢያሶኔይካ ኢስታ ባ ኬሳን ዎሲዴስ። ሃይቲ አሳቲ ዉሪ ‘ዩሱሳ ጌቴቲዛ ሃራ ካዎይ ዴስ’ ጊዲ ቂሳሬ ዎጋ ኤኬቴና” ጊሽ ዋሲዳ።
 8 ዴሬይኔ ሄ ካታማ ዳናታ ሄሳ ሲይዲ ባ ጊዶን ቡቄቲዳ።
 9 ኢያሶኔኔ ሃራታካ ዋሴ ዩይጊሲዲ ዩዲዳ።

ጳውሎሲኔ ሲላሲ ቤሪያን

10 አማኒዛይቲ ሄራካ ጳውሎሳኔ ሲላሲ ቃማራ ቤሪያ ዩዲዳ። ኢስቲካ ሄ ጋኪዳ ማላ አይሁዳታ ዎሳ ኬሴ ጌሊዳ።
 11 ቤሪያ አሳይ ታሶሎንቄ አሳፕ አዲዲ አኪካራ ዲዛ አሳ። ጋሶይካ ሃይሲ ዮዞዚ ተሜሻ? ጊ ጊዲ ጌኤሻ ማግፋታ ቃላ ዎንቲን ዎንቲን ፒልጊ ዩሊዲ ኡፋይሳን ኤኪዴስ።
 12 ሄሳ ጊሽ ኢስታፌ ዳሮ አሳይ አማኒዴስ። ቃሴካ ኢስታራ ቆዳን ዳሮቲ ቦንቼቲዳ ጊሪኬ ዴሬ ማጫሳቲኔ አዴቲካ አማኒዳ።

13 ታሰሎንቁን ዲዛ አይሁዳ አሳቲ ጳውሎሲ ያሳ ቃላ ቤሪያንካ ሳባኪዛይሳ ኤሪዳ ማላ ደሬዛ ደንፅላናስ ቃሴካ ጌዴ ኢስታኮ ቢዳ። 14 ሄ ዎዴ አማንዛይቲ ጳውሎሳ ኤሌሲዲ ጌዴ አሳ አቺ ዮዲዳ። ሲላሲኔ ዒምቶሲ ሄን አቲዳ። 15 ጳውሎሳ ሞዬዚዳ አሳቲ ኢዛ አቲና ጋሴዳ። ቃሴካ ሲላሲኔ ዒምቶሲ ኢዛኮ ኤሌሊ ጋካና ማላ ጊዛ ኪታ ጳውሎሳፕ ኤኪዲ ሲሚዳ።

ጳውሎሲ አቲናን

16 ጳውሎሲ አቲናን ኢስታ ናጊሺን አቲና ካታማን ኤቃቲ ኩሚዳይሳ ቤዩዲ ዳሮ ሸኔቲዴስ። 17 ሄሳ ጊሽ አይሁዳታ ዎሳ ኬሳን አይሁዳታራኔ ያሳስ ያዩዛ ጊሪኬ አሳራ ቃሴካ ጊያይ ዲዛሶን ጋላስ ጋላስ ባናራ ጋጊዛ አሳራ ሃሳዮቲዴስ። 18 ኤፊቆሮሴኔ ኢስቶይኮ ጌቲቲዛ ኤራንቻታ ባጋ ጊዲዳይቲ ጳውሎሳኮ ሸቂዲ ኢዛራ ሃሳዮቲዳ ኢስታፌ ኢሲ ኢሲ አሳቲ “ሃይሲ ሎምዑ ሎምዳይ አይ ጋና ኮዩዜ?” ጊዳ። ባጋቲ ቃሴ ዮሱሳ ጊሺኔ ሃይቆፕ ኢዛ ደንሳ ሚሺራቾ ኢዚ ሳባኪሺን ሲይዲ “ሃይሲ ሃራ አራሳ ኤቃታ ጊሽ ዮቲዛ ሚሳቴስ” ጊዳ።

19 ኢዛ አይኪዲ አሪኦስፋጎሴ ጌቲቲዛ ዴሬ ዱላታ ሲንስ ኤሬዲ “ሃ ኔ ታማርሲዛ አራሳ ቲሚርቲይ አዛኮኔ ኑ ኤራና ማላ ኔ ኮያይ?” ጊዳ። 20 ቃሴ ኔ ኑና ኑ ሃይሳን ሲሲዛ ዮያይ ኑ ኤሮንታ አራስ ጊዲዳ ጊሽ ኢዚ አዛኮኔ ኑ ኤራና ኮዮስ። 21 አቲና አሳይ ኩሜስ ቃሴካ ሃን ዲዛ ሃራ ዴሬ አሳይካ ባስ ዎዴ አሳናስ አራሳ ዮያ ሃሳያኒኔ ሲሳን አቲን ሃራ ሚሻን አሴቲና።

22 ሄሳ ጊሽ ጳውሎሲ አሪኦስፋጎሴ ጌቲቲዛ ዱላታን ሸቂዳ ዴሬዛ ሲንሳን ኤቂዲ “ሃይቶ አቲና አሳቶ! ኢንቴ ቤቶ ሚሽ ወርሲ አማንዛይታ ጊዲዳይሳ ታ ቤያይስ። 23 ታ ያኔ ሃ ዩዩሺን ኢንቴ ኢስታስ ጎይኒዛ ሚሻታ ታ ዩሲሺን ‘ኤራቶንታ ዎሴ’ ጌቲቲ ሃሬቲዳይሳ ኢሲ ያርሾሶ ዴማዲስ፤ ሄሳ ጊሽ ሄሳ ኢንቴ ኤሮንታ ጎዩኒዛይሳ ታ ኢንቴና ኤሪሳና። 24 ሃይሳ አላሜዛኔ ኢዛ ጊዶንካ ዲዛይሳ ወርሲ ሜዲዳ ዎሲ ኢዚ ሳሎኔ ሳዓ ጎዳ። ሄሳ ጊሽ ኢዚ አሳ ኩሺን ኬፀቲዳ ኬሳን ዴና። 25 ኢዚ አሳ ኡባስ ዴዎኔ ሽምፖ፤ ቃሴካ ሃራ ወርሲ ኢሚዛይሳ ጊዲዳ ጊሽ ኢዛስ ፓጩዛዚ ዶንታ ጊሽ ኢዚ አሳ ኩሼፕ ማዶ ኤኬና። 26 አሳ ዜሬስ ወርሲ ኢሳዴሬ ሜዲዲ አሲ ቢታ ቦላ ዳና ማላ አሲዴስ፤ አሳይ ዳና ዎዴኔ ወርሴሳ ዳስ ዎሲዴስ። 27 ሄሲካ አሲ ዎሴ ኮይዲኔ ፒልጊዲ ዴማናኮኔ ጊዲ ዎሲዴስ፤ ሄሲ ሄሳ ጊዲኮካ ኢዚ ኑፕ ኢሲ ኢሳዴሬ ሃኪ ዲዛ ጊሽ ጊዴና። 28 ኑ ዴዎ ዴሚዳይ፥ ዲዛይኔ ቃፀቲዛይ ኢዛና፤ ኢንቴ ዴሬን ዮስ ኬሲዛ ኢሲ ኢሲ አሳቲ ‘ኑካ ኢዛ ናይታ’ ጊዳ ማላ።

29 “ሂስቲኮ ኑ ያሳ ናይታ ጊዲኮ ያሲ አሳ ኤራቴላን ሜዲ ኪሲዳ ዎርቃ ዎይኮ ቢራ ዎይኮ ሹች ሚሳቴስ ጊዲ ኑ ቆፓናስ ቤሴና። 30 ካሴቲዲ ያሲ ሃይሳ ማላ ሃኖታ አሳይ ኤሮንታ አሲዳይሳ ዳንዳያን አዲዴስ፤ ሃዲ ጊዲኮ አሲ ወሪ ባ ዲዛሶን ዲዛሶን ማሮቴላን ጌላና ማላ አዛዜስ” ጊዴስ። 31 ኢዚ ባ ዶሲዳዴ ባጋራ ቢታ ቦላ ሂሎቴላን ፐርዳና ጋላስ ባሬ ዎሲዴስ። ኢዛካ ሃይቆፔ ዴንሲዲ አሳ ኡባስ ሃይሳ ቱማቴላ ኤሪሲዴስ።

32 ኢስቲካ ሃይቂዳይታ ዴንሳ ጊሽ ሲዬዳ ማላ ኢሲ ኢሲ አሳቲ ኢዛ ቂዲዳ፤ ባጋቲ ቃስ “ሃይሳ ቃሴካ ኔፔ ሃራ ጋላስ ሲያና ኮዮስ” ጊዳ። 33 ሄራካ ጳውሎሲ ኢስታ ጊዶፌ ኬዚ ቢዴስ። 34 ኢሲ ኢሲ አሳቲ ቃሴ ጳውሎሳ ካሲዳኔ አማኒዳ፤ ሄይታፔካ ዲዮናሲዮሳ ጌቴቲዛ አሪዮስፋጎሴ ዱላታ ኬላ አባሌ ጊዲዳ ዴማሪሶ ጌቴቲዛ ማጫሳያኔ ሃራቲካ ኢሲፌ ዴቴስ።

18

ጳውሎሲ ቆሮንቶሴን

1 ሄሳፌ ጉዩ ጳውሎሲ አቴናፔ ዴንዲዲ ቆሮንቶሴ ካታማ ቢዴስ። 2 ሄንካ ጳንዶሳን ዩሌቲዳ አቂላ ጌቴቲዛ አይሁዳ አስ ዴሚዴስ፤ ኢዚካ አይሁዳቲ ወሪ አሮሜፔ ኬዛና ማላ ቃላዎዶሳ ጌቴቲዛ አሮሜ ካዎይ አዛዚዳ ማላ ባ ማጅዮ ጲርሲቂላራ ማታ ዎዴ ኢዮሊያ ዴሬፔ ዩዳይሳ ቤያናስ ጳውሎሲ ሄ ኢስታኮ ቢዴስ። 3 ኢዚካ ኢስታሶ ዱንካኔ ሲኪዛዴ ጊዲዳ ጊሽ ኢስታ አቻን ኡቲዲ ዱንካኔ ሲኮን ጌሊዴስ። 4 ሳምባታ ሳምባታ ጋላስ አይሁዳታ ዎሳ ኬላን አዩሁዴታራኔ ጊሪኬ አሳታራ ሃሳዩቲሼ ኢስታ አማንሳናስ ባዴቲዴስ።

5 ሲላሲኔ ሂምቶሲ ማቂዶኒያፔ ዱጌ ኢዛኮ ዎዲን ጳውሎሲ ሳባኮን ሚኒዲ ዩሱሲ ኢዚ ኪርስቶሳ ጊዲዳይሳ አይሁዳታስ ማርካቲዴስ። 6 ጊዶ አቲን ኢስቲ ኢዛራ ኤቂቲዲ ኢዛ ጫዩዳ ጊሽ ጳውሎሲ ባ ማይዎ ቆቆፌዲ “ታ ኢንቴፌ ሂሎ፤ ኢንቴ ፐርዴታናይ ኢንቴ ሞሮን ጊዲዳ ጊሽ ታ ኢንቴ ሱላ ጎሜን አይሼቲኬ፤ ሄሳ ጊሽ ታ ጌዴ አይዛቤታኮ ባይስ” ጊዴስ።

7 ሄፔ ኬዚዲ ቲቶሳ ኢዮስዶሳ ጌቴቲዛ ያሴ ዎሲዛይሳሶ ቢዴስ፤ ሄ አዴዛ ኬሳይ አይሁዳታ ዎሳ ኬላ አቻን ዴስ። 8 አይሁዳታ ዎሳ ኬላ ሃላቃይ ቄሪስጶሲ ባሶ አሳ ኡባራ ጎዳ አማኒዴስ፤ ጳውሎሲ ዮቲሺን ሲዬዳ ዳሮ ቆሮንቶሴ ካታማ አሳይ አማኒዲ ሃማቂቲዴስ።

9 ጎዳይ ቃማን አጁታን ጳውሎሳ “ባቦፋ፤ ዮታ፤ ጮፀ- ጎፓ፤ 10 ታ ኔናራ ዳይስ፤ አኒካ ኔ ቦላ ዴንዲ ኔና ቆሃናስ ዳንዳዩና፤ ሃኖ ሃ ካታማይን ታስ ዳሮ አሲ ዴስ” ጊዴስ።

11 ሄሳ ጊሽ ጳውሎሲ ያሳ ቃላ አሳ ታማርሲሽ ኢሲ ላይሴኔ ባጋ ኢስታራ ኡቲድስ።

12 ጋልዮሳ ጌቴቲዛ ዴሬ አይሲዛይሲ አካያን ዲዛ ዎዴ አይሁዳቲ ኢሲፌ ጊዲዲ ጳውሎሳ ቦላ ዴንዲዳ፤ ፐርዳ ዎምቦራ ሲንሳ ሺሺዲ። 13 “ሃይሲ አዴዚ ዎጋፔ ካሬራ አሳይ ያሳስ ጎይናና ማላ አሳ ባሌሴስ” ጊዳ።

14 ጳውሎሲ ሃሳያና ቡሮ ዱና ዶዶሺን ጋልዮሲ አይሁዳታ “ኢንቴና አይሁዳ አሳቶ! ኢንቴ ሺሺዳ ዮያይ ዴሬ ዴንሴሶ ዎይኮ ዴሬ ጊታ ሜቶን ዩጊዛ ዮያ ጊዲዳኮ ታ ዎዝናፔ ሲያናሺን።

15 ጊዶ አቲን ኢንቴ ፓላማይ ኢሲ ኢሲ ኢሲ ሱንሳታ ጊሽ ቃሌካ ኢንቴ ዎጋ ጊሻስ ጊዲዳ ጊሽ ኢንቴ ሄን ኢንቴ ባጋራ ዉርሲቴ፤ ታ ሄሳ ማላ ዮያ ፐርዳናስ ኮዩኪ” ጊዴስ። 16 ሄሳ ጊሽ ፐርዳ ዎምቦራ ሲንሳፌ ኢስታ ኬሲዴስ።

17 ሄ ዎዴ ዉሪካ አይሁዳ ዎሳ ኬላ ሃላቃ ሶስቲኔሴ ጌቴቲዛይሳ አይኪዲ ፐርዳ ኬላ ሲንሳን ቡኪዳ፤ ጋልዮሲ ጊዲኮ ሄሳ ዉዳንካ ዩጊቤና።

ጳርሲቂላ አቂላኔ አጲሎሳ

18 ሄሳፌ ጉዬ ጳውሎሲ ቆሮንቶሴ ካታማን ዳሮ ዎዴ ጋምዲዴስ። ሄፔካ አማኒዛ አሳይ ሞይዚን ጳርሲቂላራኔ አቂላራ ኢሲፌ ማርካቤን ጌሊዲ ሶሪያ ጌቴቲዛሶ ቢዴስ፤ አዲና ዲዛይሳ ጋሳናስ ኪንኪራሶሴ ጌቴቲዛሶን ባሁጌ ሜዴቲዴስ። ** 19 ኤፌሶኔ ጋኪዳ ማላ ጳርሲቂላኔ አቂላ ሄን አጋጊዲ ጳውሎሲ አይሁዳታ ዎሳ ኬሴ ጌሊዲ አይሁዳታራ ሃሳዬቲዴስ። 20 ባናራ ጋምዳና ማላ ኢስቲ አይቺን ኢዚ “አካይ” ጊዲ ኢዲዴስ። 21 ጊዶ አቲን ኢዚ ኢስታፌ ሻኬቲሽ “ያሳ ሽኔ ጊዲኮ ታ ሲማዳ ያና” ጊዴስ፤ ኤፌሶኔፔ ዴንዲዲ ማርካቤን ጌሊዲ ቢዴስ።

22 ቂሳሪያ ጌቴቲዛሶ ጋኪዳፔ ጉዬ ኬዚዲ አማኒዛይታ ሳሮ ጊዲ ሄፔ አንዎኪያ ዎዲዴስ። 23 አንዎኪያን ጉላ ዎዴ ታኪዳፔ ጉዬ ሄፔ ዴንዲዲ ጋላቲያ ባጋራኔ ፊርጊያ ጌቴቲዛ ዴሬታራ ዩይ አዲዲ አማንዛይታ ሚንሴሴዴስ።

24 ሄ ዎዴ ኢሲ ኢስኪንዲሪያ ካታማን ዩሌቲዳ አጲሎሳ ጌቴቲዛ ኢሲ አይሁዳ አሲ ኤፌሶኔ ዩዴስ፤ ኢዚካ ታማሪዳዴኔ ጌሻ ማፃፋታ ሎዔሲ ኤሪዛዴ። 25 ኢዚ ጎዳ አጌ ታማሪዳዴኔ ዩሱሳ ጊሽ ባላይ ባይንዳ ሃሳዩዛዴኔ ዒሎ አያናን ፀጌቲሽ ታማርሲዛዴ፤ ጊዶ አቲን ኢዚ ሎዔሲ ኤሪዛይ ዮሃኒሳ ዒንቃቴ ፃላላ። 26 ኢዚካ አይሁዳ ዎሳ ኬላን ባቦንታ ዮቶ አይኪዴስ፤ ጳርሲቂላይኔ አቂላይ

* 18:18 አዲና ጊዛይሳ ኢሲ ኢሲ ባጋ ጋምሶ ቃላን “ታሳላ ዎይኮ ጋላታስ ኢሜቲዛ ኢሞታ” ጌቴስ። * 18:18 ታይ 6:18

ኢዚ ጊዛይሳ ሲዳዴኔ ኢዛ ጌዴ ባሶ ኤፊዲ ያሳ ኦጌ ኢዛ ካሴፔ ሎዔሴ ኤሪሲዳ።

27 አጲሎሲ ጌዴ አካያ ባናስ ኮዩን አማኒዛይቲ ኢዛ ሚንሴሲዳ፤ ሄን ዲዛ አማኒዛ አሳይካ ኢዛ ሞኪ ኤካና ማላ ኢዛስ ዳብዳቤ ፃፊዳ፤ ኢዚ ሄ ጋኪዳ ማላ ኢዛስ ዲዛ ኢሞታፔ ዴንዲዳይሳን አማኒዛይታ ዳሮ ማዲዛዴ ጊዲዴስ። 28 ጌሻ ማፃፋታ ያይሳ ሃይሳራ ጋሴ ማርካሲ ማርካሲ ዩሱሲ ኢዚ ኪርስቶሳ ጊዲዳይሳ አይሁዳታራ ዳሮ ፓላሜቲዲ ዴሬ ሲንሳን ኢስታ ላላዴስ።

19

ጳውሎሲ ኤፊሶኔን

1 አጲሎሲ ቆሮንቶሴን ዲዛ ዎዴ ጳውሎሲ ፑዴሃ ባጋ ዴሬሬ ካንሲዲ ኤፊሶኔ ዩዲ ሄን ዲዛ ኢሲ ኢሲ አማኒዛ አሳታ ዴሚዲ

2 “ኢንቴ አማኒዳ ዎዴ ሂሎ አያና ኤኪዴቲ?” ጊዴስ፤ ኢስቲካ “ኤኪቤይኮ ሃራይ አቶሺን ሂሎ አያናይ ዲዛኮኔ ኑ ሲቤይኮ” ጊዳ።

3 ጳውሎሲካ ኢስታ “ሂስቲን ኢንቴ አዛን ፃማቁቲዴቲ?” ጊዴስ፤ ኢስቲካ ኢዛስ “ዮሃንሳ ሂንቃታን ፃማቁቲዴስ” ጊዳ።

4 ጳውሎሲካ ኢስታስ “ዮሃንሳ ሂንቃታይ ጊዲኮ አሳይ ማሮቴሳን ሲሚዳይሳ ቤሲዛ ሂንቃታኮ! ዮሃንሲ ባ ባጋራ አሳይ ኢዛፔ ጉዩራ ዩዛ ዩሱሳ አማናና ማላ ዮቲዴስ” ጊዴስ። *

5 ኢስቲካ ሄሳ ሲዩዳፔ ጉዩ ጎዳ ዩሱሳ ሱንሳን ፃማቁቲዳ።

6 ጳውሎሲካ ኢስታ ቦላ ባ ኩሼ ዎሲዳ ማላ ሂሎ አያናይ ኢስታ ቦላ ዎዲን ኢስቲ ዱማ ዴሬታ ቃላራ ሃሳዩዳ፤ ቲንቢቴካ ዮቲዳ።

7 ሄ አሳቲ ዉሪካ ታማኔ ናምዑ ጊዲዛይታ።

8 ጳውሎሲ አይሁዳታ ዎሳ ኬሴ ጌሊዲ ያሳ ካዎቴሳ ጊሽ ሃሳዩቲሼኔ ኢስታ አማንሴሼ ሄሹ አጊና ኩሜስ አናስካ ባቦንታ አሳስ ቆንጨሲ ዮቲዴስ። 9 ኢሲ ኢሲ አሳይ ፓላማ ሂንዲ ጊዲ አማናናስ ኮይቤና፤ ጎዳ ኦጌ ቆንጨን ኢዲዳ፤ ሄሳ ጊሽ ጳውሎሲ ኢስታ አጊዲ ሃራሶ ቢዴስ፤ አማኒዛይታካ ዱማ ሻኪ ኬሲዲ ሂራኖቤ ቲሚርቴ ኬሳን ጋላስ ጋላስ ኢስታራ ሃሳዩቲዴስ። 10 ሄሳ ማላ አሶን ናምዑ ላይስ ጋምዲዳ ጊሽ ኢሲያ አዉራጃን ዲዛ አይሁዳቲኔ ጊሪኬ አሳይ ዉሪ ጎዳ ቃላ ሲያና ዳንዳዩዴስ።

11 ያሲ ጳውሎሳ ባጋራ ዳሮ ማላሊሲዛ ማላታ አላዴስ።

12 ማራቤ ዎይኮ ኢዛ አሳቴስ ቦቺዳ ጫርቃ ኤፊዲ ሃርጋንቻታ ቦቺኮ ሃርጊይ ዩዴስ፤ ቴና አያናቲካ ባ አይኪዳ አሳፔ ኬዜቴስ።

* 19:4 ማቶ 3:11፤ ማር 1:4፤7፤8፤ ሉቃ 3:4፤16፤ ዮሃ 1:26-27

13 ዩዩ ዩዩ አሳፔ ዳይዳንሲ ኬሲዛ ኢሲ ኢሲ አይሁዳ አሳቲ “ጳውሎሲ ሳባኪዛ ዮሱሳ ሱንሳን ኢንቴ ኬዛና ማላ አዛዛይስ” ጊዲ ጎዳ ሱንሳ ቱና አያናቲ አይኪዳ አሳታ ቦላ ዪይጋና ፓጩዳ።
 14 ኢሲ አይሁዳታፔ ጊዲዳ ቄሴታ ሃላቃ አስቁዌስ አቱማ ና ላፕናቲ ሄሳሶ አሲዳ።

15 ቱና አያናይካ “ታ ዮሱሳካ ኤራይስ፤ ጳውሎሳካ ኤራይስ ሺን ኢንቴ ቃስ አናንቴ?” ጊዴስ።

16 ቃሴካ ቱና አያናይ ኢዛ አይኪዳዴይ ጉፒዲ አሳታ አይኪዴስ፤ ኢስታ ቦላ ዎልቃቲዲ ዳሮ ሚኒን ማዱንጊዲ ኬሳፌ ሜላ ከሎ ባቃቲዳ። 17 ሄሲካ ኤፌሶኔን ዲዛ አይሁዳታ አቻኒኔ ጊሪኬ አሳ ኡባ አቻን ኤሬቲን ወሪካ ባቢዳ፤ ሄሳንካ ጎዳ ዮሱሳ ሱንሲ ቦንቹቲዴስ። 18 አማኒዳ አሳፔ ዳሮይ ሺቁዲ ባ ኢታ አሶ ቆንጩን ፓጊዴስ። 19 ማሮ ማሮቲዛይታፔ ዳሮቲ ባ ማሮቲዛ ማፃፋ ሺሺዲ ዴሬ ሲንሳን ታማን ፀጊዳ፤ ማፃፋ ዋጋይ ሺሺ ቆዲን ኢቻሹ ታሙ ሺ ቢራ ማላ ጊዲዴስ። 20 ሃይሳ ማላን ጎዳ ቃሳይ ኬሂ ዲጩሽኔ ሶኒ ሶኒ ቢዴስ።

21 ሃይሲ ወሪ ሃኒዳፔ ጉዩ ጳውሎሲ ማቀዶኒያራኔ አካያ ባጋራ አዲዲ ዮሩሳሳሜ ባናስ ቆፋ ቃቸዲ “ታ ሄ ጋኪዳፔ ጉዩ ታ አሮሜ ቃሴካ ቤያና ኮሼስ” ጊዴስ። 22 ባና ማዲዛይታፔ ናምፃታ ጊምቶሳኔ ኤሪስሶሳ ጌዴ ማቀዶኒያ ጌቴቲዛሶ ኪቲዲ ባስ ኢሲያ አወራጃን ጉሳ ዎዴ ሄን ዴዲዴስ።

ኤፌሶኔን ዴንዲዳ ሺሮ

23 ሄ ዎዴ ጎዳ አጌ ጊሽ ዳሮ ሺሮይ ሜዴቲዴስ። 24 ዲሜጊሮሳ ጌቴቲዛ ኢሲ ቢራ ቆጊዛይሲ አርፄሚሴ ጌቴቲዛ ኤቃ ሚሲሌ ቢራፔ ሴሪስ ሜዲ ሜዲ ሂላንቻታስ ዎዴ ሚሼ ዴሚሴስ።

25 ኢዚካ ሄ ሂላንቻታን ሄሳ ማላ አሶን አቂዛይታ ሃራ አሳታ ኢሲ ቦላ ሺሺዲ “አሶ! ሃይሲ አሶዚ ኑስ ሚሽ ኬሲዛይሳ ኢንቴ ኤሬታ፤

26 ሃይሲ ጳውሎሳ ጌቴቲዛይሲ ኤፌሶኔን ፃላ ጊዶንታ ኩሜሳ ኢሲያ አወራጃን ዲዛ ዳሮ ዴሬዛ አማንሲ አማንሲ ባሌሲዛይሳ ኢንቴ ወሪካ ቤዩዛይሳ ማላኔ ሲዩዛይሳ ማላ ‘አሳ ኩሼን አሴቲዳ ኤቃቲ ሙሌካ ሶሴ ጊዴቴና’ ጊ ዮቴስ። 27 ሃይሳ ኑ አሶዛስ ሎዎ ሱንሳ ሂራይሲዛይሳፌ ቦላራ ኩሜሳ ኢሲያይኔ ኩሜሳ አላሜይ ጎይኒዛ ዎጋ አርፄሚሴ ኤቃ ኬሳይካ ጎዳይ ባይንዳይሳ ጊዳና፤ ቃሴካ ኬሂ ዶቁ ጊዳ ኢዚ ቦንቹይካ ካወያና” ጊዴስ።

28 አሳይ ሄሳ ሲይዲ ኢታ ሃንቆ ሃንቁቲዲ “ኤፌሶኔ አርፄሚሳ ዎጋ ጊታ!” ጊዲ ዋሶ ዶሚዴስ። 29 ሄራካ ኩሜሳ ካታማይ ሺሮቲዴስ፤ ዴሬይካ ወሪ ኢሲ ቦላ ጊዲዲ ማቀዶኒያ አሳ ጊዲዳይታኔ ጳውሎሳራ ኢሲፌ ዩዩዛ ኢዛ ሳጌታ ጋዩዮሳኔ አሪስፂሮኮሳ አይኪዲ ዴሬይ ካሴ ካዲዛሶ ዎሳን ጌሊዳ።

30 ጳውሎስካ ካሬ ኬዚዲ አሳ ሲንህ ሺቃና ኮዩን አማኒዛይቲ ዲጊዳ። 31 ሄ አውራጃ ዳናታፔ ኢሲ ኢሲ ጳውሎሳ ላጌቲ ጳውሎሲ አሳይ ካሴ ካጊዛሶ ፃሊዲ ጌሎንታ ማላ አስ ኪቲዲ ዎሲዳ።

32 ሺቂዳ አሳይ ኡንጌቲዲ ኢሳዴይ ኢሲ ሚሽ ሃሳዩሺን ሃራይ ቃስ ሃራ ሃሳዩሲኔ አሳይ ዉሪ ዋሴቱስ፤ ዳሪዛ ባጋ አሳይ አዛስ ሄን ሺቂዳኮኔ ኤሬና። 33 አይሁዳ አሳይ ኢስኪንዲሮሳ ጌቲቲዛይሳ ዴራ ጊዶሬ ሱጌሬህ ጌዴ ሲንህ ኬሲዳ ዎዴ ኢሲ ኢሲ አሳቲ ባ ጊሽ ኢዚ ሃሳያና ማላ ዋሲዳ፤ ኢዚካ ኢስታ ጊሽ ፓላሜታና ኮይዲ አሳይ ጮው ጋና ማላ ማላቲ ቤሲዴስ። 34 ጊዶ አቲን ኢዚ አይሁዳ አስ ጊዲዳይሳ ኤሪዳ ዎዴ ዉሪካ ኢሲ ቦላ “ኤሬሶኔ አርፃሚሳ ዎጋ፤ ጊታ!” ጊሼ ናምው ሳቲ ማላ አሳይ ዋሲዴስ።

35 ሄ ካታማስ ዋና ፃፌይ አሳ ጮው ሂስቲዲ “ኢንቴኖ ኤሬሶኔ አሳቶ! ጊታ አርፃሚሲ ኤቃ ኬሳይኔ ሳሎፔ ዎዲዳ ኢዚ ሚሲሌ ናጊዛይ ኤሬሶኔ ካታማ አሳ ጊዲዳይሳ ኤሮንታይ ኦኔ? 36 ሄሳ ጊሽ ሃይሲ ሃ ቱማይ ካዴታና ዳንዳዩቶንታይሳ ማላ ኢንቴ ጉሲ ዩሺ ቆፓናሲኔ ሎዱ ጋናስ ቤሴስ። 37 ሃይታ አሳታ ዎሳ ኬሳ ቦንቆንታ ዎይኮ ኑ ዎሴ ጊዲዳይሳ ቦላ ጫሻ ቃላ ዴንሶንታ ዲሺን ኢንቴ አይኪዲ ሃ ጋሳናስ ጮ ኤሂዴታ።

38 “ሄሳ ጊሽ ዲሞፃሮሲኔ ኢዛራ ዲዛ ቢራ ሴሪሲ አሲዛ ሂላንቻቲ ኦና ቦላካ ሞቲዛ ዮዎይ ዲኮ ፐርዳ ኬሳይ ኢስታስ ዶያ ዴስ፤ ዳናቲካ ቤቱስ፤ ኮዩዳዴ ሞታናስ ዳንዳዩስ። 39 ሃይሳሬ ሃራ ጋናስ ኢንቴ ኮይኮ ዎጋይ ዲዛ ሺቆሶን ቤዮቶ። 40 ሄሲ አቲኮ ሃኛ ሃኒዳ ሺሮይ ኑና ሞቲሶንታ ማላ ሂርጊሴስ፤ ሞቶስ ጋሲዛ ጋሶይ ባይንዳ ጊሽ ሃ ሃኒዳ ሺሮዛ ጊሽ ኑ አይሼቲኮ ጋናዚ ኑስ ዴና” ጊዴስ። 41 ኢዚ ሄሳ ጊዳፔ ጉዩ ሺቆይ ላሌቲዴስ።

20

ጳውሎሲ ማቂዶኒያኔ ጊሪኬ ቤዴስ

1 አሳይ ጮው ጊዳፔ ጉዩ ጳውሎሲ አማኒዛይታ ኢሲ ቦላ ሃይጊዲ ኢስታ ሚንሴሲዛ ቃላራ ዞሪዳፔ ጉዩ ኢስታ ሳሮኪዲ ማቂዶኒያ ባና ኬዚዴስ። 2 ኢዚ አዲ ቢዛ ዴሬን ዲዛ አማኒዛ አሳ ሎዴስ ዞሬን ሚንሴሲሺ ጊሪኬ ዴሬ ቤዴስ። 3 ጊሪኬን ሄሹ አጊና ታኪዳፔ ጉዩ ማርካቤራ ሶሪያ ጌቲቲዛ ዴሬ ባናስ ቆፐዴስ ሺን አይሁዳ አሳቲ ኢዛ ቦላ ኢታ አሳና ዞሬቲዳይሳ ኤሪዲ ማቂዶኒያ ባጋራ ባና ቆፋ ቃቺዴስ።

4 ቤሪያፔ ጳሪዮሳ ና ሶጳፂሮሳ፥ ታሶሎንቄሬ አሪስፂሮኮሳኔ ሲኮንዶሳ፥ ዴርቤኔፔ ጋዩዮሲኔ ፂምቶሲ ኢሲያፔ ፂሮሬሞሲኔ ቲቂቆሲ ጳውሎሳራ ኢሲሬ ቤዳ። 5 ሄይቲ ዉሪ ኑፔ ካሴቲዲ

ጊርዓዳንን ኑና ናጊዳ።⁶ ኑ ቃስ ኡኬላ ባዓሌ፣ ጉዩ ፒሊጲሲዮሴ፣ ማርካቤን ኢስቲ ዲዛሶ ጊርዓዳ ጌቴተዛሶ ኢቻሻንሳ ጋላስ ጋኪዲ ሄን ላፑን ጋላስ ጋምዒዶስ።

ጳውሎሲ ወርሴሳን ጊርዓዳ ቤይዴስ

⁷ ሳሚንታፌ ኮይሮ ዎጋ ጋላስ ኢሲፌ ካስ ማናስ ኑ ሺቂ ዲሺን ጳውሎሲ ዎንቶ ባናስ ኮሺዛ ጊሽ ሺቂዳ አሳስ ቃላ ዮቴሺን ኢዚ ዮጦዛ ሌላ ጊዶስ ጋካናስ አዱሲዴስ። * ⁸ ቦላ ፎቄን ዳሮ ፖጆይ ዲዛሶን ኑ ሺቂዶስ። ⁹ አወዳኪሴ ጌቴተዛ ኢሲ ናቴላ ናይ ማስኮቴ ቦላ ኡቲ ዲሺን ጳውሎሲ ዮጦዛ አዱሲዳይሳፌ ዴንዲዳይሳን ኢዛ ጲስኮይ ኡኪ ቢዴስ፤ ዎልቃማ ጲስኮን ጎንቲዲ ቦላ ሄዳንሶ ፎቄ፣ ዱጌ ኩንዲን አሳይ ዴንፊዛ ዎዴ ሃይቂዲ ቤቴዴስ። ¹⁰ ጊዶ አቲን ጳውሎሲ ዱጌ ዎጲዲ ናዛ ቦላ ሆኪ ኢዲሚዲኔ “ሃይቂቤና ፓፃ ዴስ፣ ዳጋሞፍቴ!” ጊዴስ። ¹¹ ጳውሎሲ ሄሳፌ ፑዴ ፎቄ ኬዚዲ ኡኬላ ሜንፊዲ አማኒዛይታራ ሚዴስ፤ ጋዴይ ዎንታና ጋካናስ አሳታራ ሃሳዮቴሽ ጋምዒዲ ቢዴስ። ¹² አሳይካ ሃይቆ፣ ፓፃዳ ናዛ ጌዴ ኢዛሶ ኡፊዲ ወርካ ኡፋዮቴዴስ።

ጳውሎሲ ጊርዓዳፌ ሚሊዒኔ ጌቴተዛሶ ቢዴስ

¹³ ኑ ጳውሎሳ ማርካቤን ጌልሳና ኮይዳ ጊሽ ካሴቲዲ ማርካቤን አሶሳ ጌቴተዛሶ ቢዴስ፤ ኑ ሄሳ አሲዳይ ጳውሎሲ አሶሳ ጋካናስ ቶሆራ ባና ኮይዳ ጊሻሲኔ ኑ ጌዴ ሲንስ ባና ማላ ኢዚ አዛዚዳ ጊሻሳ። ¹⁴ ኑ ኢዛራ አሶሳን ጋጊዲ ኢዚ ማርካቤን ጌሊን ኢዛራ ኢሲፌ ሚሊዒኔ ቢዴስ። ¹⁵ ዎንቴላ ጋላስ ሄፔ ዴንዲዲ ሲንሳራ ዲዛ ኪጆሴ ጌቴተዛሶ ጋኪዶስ፤ ቃሴ ዎንቴላ ጋላስ ሳሞሴ ጌቴተዛሶ ፒኒዲ ሄፔ ዎንቴላ ጋላስ ሚሊዒ ጋኪዶስ። ¹⁶ ጲንፃቆስቴ ጌቴተዛ አይሁዳታ ፓዚጋ ባዓሌ ባስ ዳንዳዮቴዳ ማላ ቦንቻና ዮሩሳላሜን ቤታና ኮይዲ ኢዚ ኢሲያን ዎዴይ አጵንታ ዲሺን ኡፊሶኔ አጲ ባናስ ኮይዴስ። ኢሲያን ኢዛስ ዎዴይ አጵንታ ማላ ኡፊሶኔ ዮ-ጊ አጳና ኮዩዴስ። ኢዚ ሄሳሶ አሳና ኮዩዳይ ጲንፃቆስቴ ባዓሌስ ዮሩሳላሜን ቤታናስ ኮይዳ ጊሻሳ።

ጳውሎሲ ኡፊሶኔ ዎሳ ኬላ ጨማታራ ወርሴላ ሞይዞ ሳሮካ ሳሮኬቲዴስ

¹⁷ ጳውሎሲ ሚሊዒ፣ ኡፊሶኔ ዎሳ ኬላ ጨማታ አሴ ኪቲዲ ያይጊሲዴስ። ¹⁸ ኢስቲካ ዩን ጳውሎሲ ኢስታ “ታ ኢሲያ ጌሊዳ ጋላሳፌ ሃ ሲሚን ኡባ ዎዴ ታ ኢንቴናራ ዋና ዋና ዴዲዳኮኔ ኢንቴ ኡፊሶኔ።” ¹⁹ አይሁዳቲ ታ ቦላ አሳ ዴንፊዲ ሂሊዳ ጌዶን

* 20:7 “ሳሚንታፌ ኮይሮ ጋላሳን” ቁራ አማርስ ዎጋይ ዎንታናዉ ጉሳ።

ዳሮ ሜቶይ ታ ቦላ ጋኪኮካ ታ ኩሜሳ አሽኬቴሳራኔ አፉንሳራ ጎዳስ አሳዲስ። ጮ ዴንባንካ ኢንቴ ኢንቴሶን ታ ኢንቴና ታማርሳሼ ጎዲዛይሳ ዉርሳ ኢንቴስ ዮታዲስ አቲን ኢንቴና ጎዲዛ ሚሻፌ አይኮካ አሻቤኬ። 20-21 አይሁዳ አሳታ ጊዲንካ ጊሪኬ አሳ ጊዲንካ ማሮቴሳን ገሊዲ ያሳኮ ሲማና ማላኔ ጎዳ ዮሱሳን አማናና ማላ ሎዔሳ ዮታዲስ።

22 “ሃዲካ ታ ሄ ጋኪሺን ታ ቦላ አዘ ጋካናኮኔ ኤሪኬሺን ዊሎ አያናይ ታና አዛዚዳ ማላ ዮሩሳላሜ ባይስ። 23 ሄን ዱማ ዱማ ታና ቃሾይኔ ሜቶይ ናጊዛይሳ ዊሎ አያናይ ታስ ዮቲዴስ። 24 ጊዶ አቲን ጎዳ ዮሱሲ ታስ ኢሚዳ ዎሳ ዎፃ ዉርሳና ጋካናሲኔ አሶ ታ ፖላና ጋካናስ ታኒ ታ ሼምፖስ ሚሼቲኬ፤ ታስ ኢሜቲዳ አሶይካ ያሳ ሚሺራቾ ቃላ ዮቶኮ። *

25 “ሃዲ ጋካናስ ታ ኢንቴ ጊዶን ሲሜሬታሼ ያሳ ካዎቴስ ሳባካዲስ፤ ሲማ ሃይሳፌ ጉዬ ኢንቴፌ አኒካ ሙሌ ታ አይፌሶ ቤዮንታይሳ ታ ኤራይስ። 26 ሄሳ ጊሽ ኢንቴፌ ኢሳዴይካ ዳይኮ ታ አይሼቶንታይሳ ሃቾ ታ ኢንቴና ኤሪሳይስ። 27 አይሲ ጊኮ ታ ያሳ ቆፋ ዉርሳ ኢንቴስ ዮታዲስ አቲን አይኮካ ታ ዮቶንታ አሽዳይሲ ዴና። 28 ዊሎ አያናይ ኢንቴና ያሳ ዶርሳታ ሄማናስ ሹሚዴስ፤ ሄሳ ጊሽ ኢንቴ ሁዔሲኔ ያሳ ዶርሳታስ ናጌቲቱ፤ ጎዳይ ባ ሱሳን ዎዚዳ ዎሳ ኬሳዮ ናጌቲ። 29 ታ ቢዳፔ ጉዬ ያሳ ዶርሳታስ ሚቼቶንታ ኢታ አሳቲ ኢንቴ ጋርስ ጌላናይሳ ታ ኤራይስ። 30 ሄሳሶካ ኢሲ ኢሲ አሳቲ ኢንቴ ጊዶፌ ዴንዲዲ ጌላ ዮቶ ኢንቴና ታማርሲዲ አማኒዛ አሳፔ ዳሮታ ጌዴ ባኮ ዛራና። 31 ሄሳ ጊሽ ኢንቴና ኢሳ ኢሳ ሄሹ ላይስ ቃማኔ ጋላስ አፉንፃ ዞሪዳይሳ ዩሺ ቆፐቲኔ ናጌቲቲ።

32 “ሃዲካ ኢንቴና ያሳስ ሚንሳ ኤሳናሲኔ አማኒዛይታ ጊዶን ኢንቴስ ላታሶ ኢማናስ ዳንዳይዛ ኢዛ አጾ ኪያቴሳ ቃላስ ታ ሃዳራ ኢማዲስ። 33 ታ አና ቢራካ ዎርቃ ዎይኮ ማይዎ አሞታቤኬ። 34 ታ ታ ኩሼን አሳ አሳዳ ታስ ማዴታዳ ታናራ ዲዛዬታካ ማዲዳይሳ ኢንቴካ ኤሬታ። 35 ‘ሃ ኤኪዛዴፌ ጌዴ ኢሚዛዴይ አንጅቲዳዴ’ ጊዛ ጎዳ ዮሱሳ ቃላ ኑ ዩሺ ቆፐዲ ኑርካ ኑ ኩሼራ ኑ አሲ ዴሚዲ ሃራ ዳቡራንቻታ ጌዴ ማዳናስ ኑስ ቤሲዛይሳ ታ ኢንቴና ዳሮ ዱማ ዱማ ኦጌራ ቤሳዲስ” ጊዴስ።

36 ሄሳፌ ጉዬ ጳውሎሲ ኡባ አሳራ ጉልባቲዳ ዎሲዴስ። 37 አሳይ ዉሪ ዮኪዲ ጳውሎሳ ኢዲሚ አይኪዲ ዮሪዴስ። 38 ሃራፔካ ኢስቲ ዳሮ ሚሼቲዳይ ኢዘ “ሃይሳፌ ጉዬን ኢንቴ ናምዓንሶ ታና ቤዮኬታ” ጊዳ ጊሻሳ፤ ሄፔካ ኢዛ ማርካቤኮ ጋካናስ ሞይዚዳ።

* 20:24 2፲፱ 4:7

21

ጳውሎስ ዩሩሳሌም ቢዴስ

1 ኑ ኢስታፌ ቫኬቲዲኔ ማርካቤን ጌሊዲ ሲቲ ጊዲ ቆሴ ጌቲቲዛ አባ ጊዶን ዲዛ ዴሬ ቢዶስ፤ ዎንቴላ ጋላስ ሃራ ኤሮዶሴ ጌቲቲዛ አባ ጊዶን ዲዛ ዴሬ ጋኪዶስ። ሄፔካ ኢሲ ጳጊራ ጌቲቲዛ ካታማ ቢዶስ። 2 ሄን ጌዴ ፒንቄ ጌቲቲዛሶ ቢዛ ማርካቤ ዲዛሮ ዴሚዲኔ ኢዚን ጌሊዲ ቢዶስ። 3 አባ ጊዶን ዲዛ ቆጲሮሴ ጌቲቲዛ ዴሬፔ ሃዲሮሳ ባጋን ዩጊዲ ሶሪያ ጌቲቲዛ ዴሬ ቢዲ ሳሮሴ ጌቲቲዛ አባ አቻን ዲዛ ዴሬ ቢዶስ፤ ሄሳስ ጋሶይ ማርካቤያ ባ ጫኔቲዳ ጫና ሄን ዎሳናስ ኮሺዛ ጊሻሳ። 4 ሄን አማንዛይታ ኮዩ ዴሚዲ ኢስታራ ላፑን ጋላስ ጋምዲዶስ፤ ኢስቲካ ሂሎ አያና ካሌሶን ጳውሎሳ “ዩሩሳሌም ቦፓ” ጊዲ ዮቲዳ። 5 ኑ ሄን ጋምዳና ዎዴይ ወሪን ኢስታፌ ቫኬቲዲ ኑ አጌ ቢዶስ። ኢስቲ ወሪ ባ ማቼታራኔ ባ ናይታራ ኢሲፌ ካታማፔ ካሬ ኬዛና ጋካናስ ኑና ሞዩዚዳ፤ አባ አቻን ኑ ወሪ ጉልባቲዲ ዎሲዳፔ ጉዩ ዴንዲዲ ኢሶይ ኢሳራ ሳሮኬቲዲ ቫኬቲዶስ። 6 ሄሳፌ ጉዩ ኑ ማርካቤን ጌሊን ኢስቲ ጌዴ ባሶ ሲሚዳ።

7 ኑ ሳሮሴፔ ዴንዲዲ ጌዴ ጲዲላማይሴ ጌቲቲዛሶ ጋኪዶስ። ሄንካ አማኒዛ አሳሪ ጋጊዲ ሳሮኬቲዲ ሄን ኢስታ አቻን ኢሲ ጋላስ ጋምዲዶስ። 8 ዎንቴላ ጋላስ ሄፔ ኬዚዲ ቂሳሪያ ጌቲቲዛሶ ቢዶስ፤ ቂሳሪያን ላፑን ዳቆኔታፔ ኢሳ ዎንጌላዌ ጲልጳሳሶ ጌሊዲ ኢዛ አቻን ሹምፒዶስ። * 9 ኢዛስ ናቤ ጊዲዳ አይዱ ጌሎንታ ጌላያ ናይቲ ዴቴስ።

10 ዳሮ ጋላስ ኑ ሄን ጋምዲን ኢሲ አጋቦሳ ጌቲቲዛ ናቤይ ዮሁዳ ዴሬፔ ዩዴስ። 11 ሄ ናቤይ ኑኮ ሺቂዲኔ ጳውሎሳ ዳንጮ ኤኪዲ ባ ቶሆኔ ባ ኩሼ ቃቺዲ “ሂሎ አያናይ ሃይሳ ዳንጫ ጎዳ ዩሩሳሌምን ዲዛ አይሁዳ አሳቲ ሃይሳሶ ቃቺዲ አይዛቤታስ አሲ ኢማና ጌስ” ጊዴስ።

12 ሄሳ ሲይዲ ኑካ ኑናራ ዲዛ አሳይካ ጳውሎስ ዩሩሳሌም ቦንታ ማላ ዎሲዶስ። 13 ቃስ ጳውሎስ “ኢንቴ አይሲ ዩኪ ዩኪዲ ታ ዎዝና አዛስ ሜንፎቲ? ታኒ ጎዳ ዩሱሳ ሱንሳ ጊሽ ዩሩሳሌምን ቃሾ 9ላላ ጊዶንታ ሃይቃናስካ ጊጌታዲስ” ጊዴስ።

14 ኢዚ ኑ ዞሬ ኤኮንታ ኢዲን “ሂስቲኮ ጎዳ ሼኔይ ሃኖ” ጊዲ አጋጊዶስ።

15 ኑ ሄን ጉላ ጋላሳታ ጋምዲዳፔ ጉዩ ኑ ሚሼ ወርሲ ጊጊሲዲ ኤኪ ዩሩሳሌም ቢዶስ። 16 ቂሳሪያን ዲዛ ኢሲ ኢሲ አማንዛይቲ

* 21:8 ሃዋ 6:5፤ 8:5

ኑናራ ኢሲፌ ዩዳ፤ ኢስቲካ ኑኒ ሚናሶኔ ኪሳን ዳና ማላ ኑና ኢዛሶ ካሌሲዳ፤ ሚናሶኒ ካሴቲዲ አማኒዳ ቆጶሮሴ ዴሬ አሳ።

ጳውሎሲ ዩሩሳሌምን ያቆቤ ቤዩዴስ

17 ኑ ዩሩሳሌም ጋሲዳ ማላ አማንዛይቲ ኑና ኡፋይሳን ሞኪ ኤኪዳ። 18 ዎንቴላ ጋላስ ጳውሎሲ ኑናራ ያቆቤቦ ቤዴስ፤ ሄ ዎዴ ዎሳ ኪሳ ጨማቲ ሄን ዴቴስ። 19 ጳውሎሲ አሳ ወርሲ ሳሮሲዳፕ ጉዩ ዎሲ ኢዛ ባጋራ አይዛቤታ ጊዶን ኦሲዳይሳ ወርሲ ኢሲኖ አሾንታ ዮቲዴስ።

20 ሄሳ ሲይዲ አሳይ ወሪ ዎሴ ጋላቲዴስ፤ ጳውሎሲካ “ኑ ኢሻዞ ዳሮ ሺያን ቆዴቲዛ አማኒዛይቲ አይሁዳታ ጊዶን ዲዛይሳኔ ወሪካ ሙሴ ዎጋ ዎዝናፕ ናጊዛይታ ጊዲዳይሳ ኔካ ኤራሳ። 21 ኔኒ አይዛቤታ ጊዶን ዲዛ አይሁዳታ ‘ኢንቴ ናይታ ቃዓርፒቴ ዎይኮ ዎጋታ አሶፍቴ ጋዳ ኔ ታማርሲዳ አሳይ ሙሴ ዎጋ ሻራና ማላ ኦሴስ ጊዛ ዎሬ አሳይ ሲይዴስ። 22 ሂስቲን ሃዲ አዜ ሎዎይ? ሃዲ ኔ ዩሳ አሳይ ሲዮንታ አጌና። 23 ሄሳ ጊሽ ኑ ኔና ጊዛይሳ አላ፤ ኑ አቻን ታሳላ ጋላና ዩዳ አይዱ አሳቲ ዴቴስ። * 24 ኔ ኢስታ ኔናራ ኤካዳ ኢስታራ ጊዳዳ ኔና ጊሻ፤ አሳቲ ባ ሁዲ ሜዴታና ማላኔ ዎሳ ኪሳን ኢሜቲዛ ሙፁዋታ ሚሻ ኔ ኢስታስ ቃንዓ፤ ኔ ሄሳሶ አሲኮ ኔ ቦላ ዎሬቲዳይሲ ወሪ ሜላ ጊዲዳይሳኔ ኔካ ሙሴ ዎጋ ፖላ ናጊዛይ ጊዲዳይሳ አሳይ ወሪ ኤራና። 25 ሂንኮ አይዛቤታፕ አማኒዳይታ ጊሽ ጊዲኮ ‘ኤቃስ ሹኬቲዲ ቱኒዳይሳ ሞፒቴ፥ ሱሲካ ኡዮፒቴ፥ ባዉታ ሃይቲዳ ሜሄ አሾ ሞፒቴ፥ ላይማሬ ሃኪቴ’ ጊዲ ጨማቲ ቃቺዳ ቃላ ዳብዳቤ ዓሬዲ ኑ ኢስታስ ዩዲዶስ።” *

26 ሄሳፌ ጉዩ ጳውሎሲ ሄ አይዱ አሳታ ባናራ ኤኪዲ ዎንቴላ ጋላስ ኢስታራ ባና ጊሺዴስ፤ ኢስቲ ጌዩዛ ጋላሳቲ አፑን ጋላሲኮኔ ኢሳዴ ኢሳዴ ጊሽ ኢሜቲዛ ሚሽ ኢሚዛ ዎዴይ አይዴኮኔ ኤሪሳናስ ዎሳ ኪሴ ጌሊዴስ።

ጳውሎሲ ዎሳ ኪሳን ዲሼ አይኬቲዴስ

27 ላፑን ጋላስ ኩማና ማቲሺን ኢሲያ ዴሬፕ ዩዳ አይሁዳ አሳይ ጳውሎሳ ዎሳ ኪሳን ቤዩዲ ዴራ ኢዛ ቦላ ዴንሴሲዲ ኢዛ አይኪዳ። 28 “ኢስራዔሌ አሳቶ! ኑና ማይቴ! ኑ አሳኔ ኑ ዎጋ ሃይሳ ኑ ዲዛሶዛ ጫዩሼኔ ዴሬይ ዲዛሶን ኡባን አሳ ታማርሲዛይሲ ሃይሲ ኢዛኮ! ሄሲካ ጊዴና ጊዲ አይዛቤታ ዎሳ ኪሴ ጌልሲዲ ሃይሳ ጊሻ ሶዛ ቱኒሲዴስ” ጊሼ ዋሲዳ። 29 ኢስቲ ሄሳ ጊዳ ጋሶይ ሃይሳፌ ካሴ ኤፌሶኔ ዩሌታ ጊዲዳ ዓሮፊሞሳ ኢዛራ ኢሲፌ ካታማ ጊዶን

* 21:23 ታይ 6:13-21 * 21:25 ሃዋ 15:29

ቤዩዳ ጊሽ ኢዛ ጳውሎሲ ያሳ ኬሴ ኤኪ ጌሊዳ ሚሳቲዳ ጊሻሳ።
*

30 ኩሜሳ ካታማይ ባ ጊዶን ሺሮቲዴስ፤ ዴሬይ ወሪ ኢሲፌ ዎዒ ኮይዲ ጳውሎሳ አይኪ ኤኪዲ ያሳ ኬሳ ጊቤፌ ጎሼቺ ኬሲዴስ፤ ያሳ ኬሳ ፔንጌቲ ሄራካ ጎርዴቲዳ። 31 አሳይ ጳውሎሳ ዎዳና ኮዩሺን “ዩሩሳላሜ ዲዛ ኩሜሳ ዴሬይ ባ ጊዶን ሺሮቲዴስ” ጊዛ ኪታይ አሮሜ ዎታዳራታ አዛዚዛይሳኮ ጋኪዴስ። 32 ሄሳ ጊሽ ኢዚ ዎታዳራታኔ ማቶ ሃላቃታ ካሌሲዲ ኤሶን ዎዒሺ አሳይ ዲዛሶ ቤዴስ፤ አሳይ አላንቻታ አዛዚዛይሳ ቤዩዲ ጳውሎሳ ቡካ አጊዳ።

33 ማቶ ሃላቃዚ ኢዛኮ ሺቂዲ ጳውሎሳ አይኪዲ ናምዑ ሳንሳላታን ቃሼታና ማላ አዛዚዲ ኢዚ አናኮኔ አይ አሲዳኮኔ ኤራናስ ኢዛ አይቺዴስ። 34 ዴሬይካ ባ ጊዶን ባጋይ ሄሳ፣ ባጋይ ሃይሳ ጊዴስ፤ ማቶ ሃላቃዚ ዴሬዛ ዋሶፔ ዴንዲዳይሳን ቱማይ አዋይሳኮኔ ኤራናስ ዳንዳዮቶንታ ኢዒን ጳውሎሳ ጌዴ ዎታዳራቲ ዲዛሶ ኤፋና ማላ አዛዚዴስ። 35 ጳውሎሲ ፑዴ ደቃሶ ጋኪሺን ዴሬይ ዳሮ ሃንቆን ኢዛ ቦላ ሜቶ ጋሳናስ ኮይዳ ጊሽ ዎታዳራቲ ኢዛ ሃሼን ቶኪ ኤፊዳ። 36 ዴሬይካ “ኢዚ ሃይቆ! ሃይቆ” ጊ ዋሲሼ ኢዛ ካሲዴስ።

ጳውሎሲ ባና አሻና ማዲዛ ዮዖ ዮቲዴስ

37 ዎታዳራቲ ጳውሎሳ ባ ዲዛሶ ጌልሳና ማቲሺን ጳውሎሲ ዎታዳራታ አዛዚዛይሳ “ታ ኔስ ኢሲ ሚሽ ዮታና ማላ ዶሳይ?” ጊዴስ። ማቶ ሃላቃዚካ “ኔ ጊሪኬ ቃላ ኤራይ?” 38 ሂስቲን ሃዒ ማታ ዴሬ ጊዶን ሜቶ ዴንሴሲዳ ሺምፖ ዎዲዳ አይዱ ሺ አሳ ኤካዳ ባዞ ባቃቲዳ ጊብዔ አዴዚ ኔና ዲኪ?” ጊዴስ።

39 ጳውሎሲካ “ታኒ ኪልቂያ ጊዶን ዳሮ ኤሬቲዳ ፃርሴሴ ካታማን ዮሌቲዳ አይሁዳ አሳ፤ ሃይሳ አሳስ ታና ዮቻርኪ” ጊዴስ።

40 ኢዚ ሃሳያና ማላ ኤሮ ጊን ጳውሎሲ ደቃሶን ኤቂዲ አሳይ ጮዑ ጋና ማላ ባ ኩሼራ ማላቲዴስ፤ አሳይ ጮዑ ጊን ኢስራዔሌታ ቃላራ።

22

1 “ታ ኢሻቶ! ታ አዋቶ! ታ ቦላ ዎርዶ ዎሲዳይሳስ ታ ኢንቴስ ኢሚዛ ዛሮ ሲዩቴ!” 2 ኢዚ አይሁዳታ ቃላራ ሃሳዩሺን ሲይዲ ካሴፔ አሳይ ጮዑ ጊዴስ፤ ጳውሎሲካ ሃሳያ ጉጂዲ ሂዝጊዴስ።

3 “ታኒ ኪልቂያ ጊዶን ዲዛ ፃርሴሴ ካታማን ዮሌቲዳ አይሁዳ አሳ፤ ታኒ ዲጩዳይ ጊዲኮ ሃኒን ዮሩሳላሜና፤ ታ ኑ አዋታ ዎጋ ወርሳ ጋማልያሌፔ ሎዔሳ ታማራዲሴኔ ኢንቴ ሃቾ አሲዛይሳሳ

* 21:29 ሃዋ 20:4

የሳስ ሱሬ ወዘና፤ አሳሼ ደግዟል። * 4 ሃይሳ ሃ አጌዛ ካሊዛ አሳታ ኡባ ወዳና ጋካናስ ጎዳሲዛ አሳኮሺን፤ ማጫታኔ አደታ ቃቻ ቃቻ ቃሾ ኬሴ ዩዲዛደኮሺን። 5 ሃይሲ ወሪ ቱሙ ጊዲዳይሳ ቁሴታ ሃላቃቲኔ ደሬ ጪማቲካ ወሪ ታስ ማርካታና፤ ሃራይ አቶሺን ዳማስቆን ዲዛ አማኒዛ አሳ ቃቻ ዩሩሳላሜ ኤሃዳ ቃዓይሳናስ ዳማስቆን ዲዛይታስ ዓሬቲዳ ዳብዳቤ ቁሴታ ሃላቃታፕኔ ደሬ ጪማታፕ ኤካዲስ።

ጳውሎሲ ኪርስቶስ ዎስቲ አማኒዳኮ ዮቲዴስ
(ሃዋ 9:1-19፤ 26:12-18)

6 “ታኒ ዳማስቆ ቢሺኒኔ ካታማ ጌላና ማቲሺን ሴታ ጋላስ ታ ቆጥንታ ዲሺን ሳሎፕ ዎልቃማ ፖይይ ታና ዩይ አዲ ፖዲዴስ። 7 ሄ ዎዴ ታኒ ቢታ ቦላ ኩንዳዳ ሳወሌ! ሳወሌ! ኔ ታና አዛስ ጎዳይ? ጊዛ ቃላ ሲያዲስ። 8 ታካ ‘ጎዶ ኔ አኔ?’ ጋዲስ፤ ኢዚካ ‘ታ ኔኒ ጎዲዛ ናዚሬቴ ዩሱሳ’ ጊዴስ። 9 ታናራ ኢሲፌ ዲዛ አሳቲ ፖዎዛ ቤዩዳ አቲን ኢዚ ታናራ ሃሳዩሺን ቃላ ሲይቤቴና። 10 ታካ ‘ጎዶ ታ አይ አሶ?’ ጋዲስ። ጎዳይካ ‘ዴንዳዳ ዳማስቆ ባ፥ ኔ አሳናይሳ ኢስቲ ኔስ ሄን ዮታና’ ጊዴስ። 11 ፖዎዛ ዎልቁቴሳ ዳሮፕ ዴንዲዳይሳን ታ ዩላናስ ዳንዳያቤኪ፤ ታናራ ዲዛ አሳቲ ታ ኩሼ አይኪ ጎቺዲ ታና ዳማስቆ ጋሲዳ።

12 ሃናኒያ ጌቱቲዛ ኢሳዴይ ሄን ዴስ፤ ሃናኒያይ ዳማስቆን ዲዛ አይሁዳታ አቻን ዳሮ ጋላቴቲዳይሳኔ ዎጋ ቦንቺዛ አሳ። 13 ኢዚ ታ አቸ ሸቂ ኤቂዲ ‘ታ ኢሻ ሳወሌ ኔ አይፌይ ቃሴካ ዩሎ’ ጊዴስ፤ ሄራካ ታ አይፌይ ኢዛ ዩሊዴስ። 14 ኢዚካ ታና ‘ኑ አዋንታ ዎሲ ኔ ኢዛ ሸኔ ኡራና ማላ፥ ኢዛ ዩሎዛ ኔ ቤያና ማላኔ ኢዚ ጊዛይሳ ኔ ሲያና ማላ ኔና ካሴቲ ዶሪዴስ። 15 ኢዚ ሄሳ አሲዳይ ኔ ቤዩዳይሳኔ ሲዩዳይሳ አሳ ኡባ ሲንሳን ኢዛስ ኔ ማርካታናሳ። 16 ሂስቲን ሃዲ አዛስ ጋምዓይ? ዴንዳዳ ኢዛ ሱንስ ዩይጋዳ ዓማቁታ፤ ኔ ናጋራፕካ ሜጩታ’ ጊዴስ። 17 ሄሳፌ ጉዩ ታ ዩሩሳላሜ ሲማዳ ዎሳ ኬላን ዎሲሺን አጁታይ ታስ ቤቲዴስ። 18 ጎዳይካ ታስ ቆንጫዲ ‘ኔ ታ ጊሽ ኢማና ማርካቴስ ኢስቲ ኤኮንታ ጊሽ ኔ ጋምዎንታ ዳሼ ዩሩሳላሜፕ ኤሌላ ኬዛ!’ ጊዴስ። 19 ታካ ኢዛስ ‘ጎዶ ታ አይሁዳታ ዎሳ ኬላቲ ዲዛሶ ባዳ ኔና አማኒዛይታ ኡባ ቃቻዳ ኢስታ ቡኪዳይሳ ባ ባጋራ ኢስቲካ ኤሬቴስ። 20 ኔ ጊሽ ማርካቲዛ ኢስቲፋኖሴ አሳይ ዎዲዛ ዎዴ ታካ ሄ ዎዲዛ አሳታ አቻን ኤቃዳ ኢስቲ ዎዲዛይሳ ታካ ዶሳዲሴኔ ዎዲዛይታ ማይዎካ ናጋዲስ’ ጊዴስ። * 21 ጎዳይካ ‘ሃሆን ዲዛ አይዛቤታኮ ታ ኔና ኪቲዛ ጊሽ ዴንዳዳ ባ!’ ጊዴስ።

* 22:3 ሃዋ 5:34-39 * 22:20 ሃዋ 7:58

ጳውሎስ ስርጫ ደሬ አስ ጊዲዳይሳ ቆንጨሲደስ

22 አሳይ ሂኖ ጋካናስ ጳውሎስ ሃሳያ ምዝናፔ ሎጫሲ ሲዩሼ አጊዲ ባ ቃላ ቆቂ ሂስቲዲ “ሃይሳ ማላ አሲ ኑ ቢታፌ ዳዮ፤ ሃይሳ ማላ አሲ ኑ ቢታን ሼምፖራ ዳናስ ቤሴና” ጊሼ ዋሲደስ። 23 አሳይ ዋሲሼ ባ ማይዖ ቃሪ ቃሪ ወዲሼኔ ቢታ ፕዴ ሳሎ ዳርጨደስ። 24 ማቶ ሃላቃዚ ሄሳ ቤዩዲ ጳውሎስ ምታዳራቲ ዲዛሶ ጌልሳና ማላ አዛዚደስ፤ ደሬይካ ኢዛ ቦላ አዛስ ሄሳ ማላ ዋሲዛኮ ኤራና ማላ ኢዛ ጋራሬዲ ፓሂሳና ማላ አዛዚደስ። 25 ጊዶ አቲን ዳፎን ዋሂ ቃቺዲ ኢዛ ጋራፋና ጊጌቲሺን ጳውሎስ ባ አቻን ኤቂዳ አሲ ማቶ ሃላቃስ “አርጫ አስ ፐርዳይ ባይንዳ ጋራፋናስ ኢንቴስ ፊቃዶይ ዲኬ?” ጊደስ። 26 ማቶ ሃላቃይ ሄሳ ሲዩዳ ማላ ጊደይ ሃላቃታ አዛዚዳይሳኮ ቢዲ “አይ አሳና ጋይ? ሃይሲ አደዚ ስርጫ አሳኮ!” ጊደስ። 27 ሄሳ ጊሽ ሃላቃታ አዛዚዳይሲ ጳውሎስኮ ሺቂዲ “አኔ ታስ ዮታ፥ ኔ አርጫ አሴ?” ጊደስ፤ ኢዚካ “ኤ ታ አርጫ አሳ” ጊደስ። 28 አዛዚዳይሲካ “ታ አርጫ አሳ ጊዳናስ ዳር ሚሼ ቃንፃዳ ሻማዲስ” ጊን ጳውሎስ “ታኔ ጊዲኮ አርጫን ዮሌታዲስ” ጊደስ። 29 ሄሳ ጊሽ ኢዛ ማራማራናስ ጊጌቲዳ አሳቲ ሄራካ ኢዛ አቻፌ ሃኪዳ፤ አዛዚዳይሲካ ኢዚ ስርጫ አስ ሳንሳላታን ቃቺዳይሳ ዮሽ ቆፐዲ ባቢደስ።

ጳውሎስ አይሁዳታ ዱላታ ሲንል ሺቂደስ

30 ምንቴሳ ጋለስ አዛዚዳይሲ አይሁዳቲ ጳውሎስ ሞቲዛ አይፌ ዮዖይ አዛኮኔ ኤራናስ ኮዩደስ፤ ቁሴታ ሃላቃቲኔ አይሁዳታ ሻንጎ ዱላታ አሳይ ወሪ ኢሳደይካ አቶንታ ኩሜል ሺቃና ማላ አዛዚደስ፤ ጳውሎስካ ቃሾፔ ቢርሺዲ ሺቂዳ አሳ ሲንል ሺሺ ኤሲደስ።

23

1 ጳውሎስ ዱላታ አሳ ቲሺ ሂስቲ ያሊዲ “ታ ኢሻቶ! ሃቸ ጋካናስ ታ ዖሳ ሲንሳን ሎዖ ቆፋራ ዳይሲ” ጊደስ። 2 ቁሴታ ሃላቃ ሃናኒያይ ቃሴ ጳውሎስ ዱናን ሾጫና ማላ ኢዛ አቻን ኤቂዳይታ አዛዚደስ። 3 ሄራካ ጳውሎስ ሃናኒያ “ሃይሶ አኖራ ቲዩቲዳ ኬሳዞ! ኔናካ ዖሲ ሾጫና፤ ምጋራ ፐርዳና ኡታዳ ምጋይ ባይንዳ ታና ሾጫና ማላ አዛዛይ?” ጊደስ። *
 4 ሄ ምደሬ ሄን ዲዛ አሳይ ጳውሎስ “ዖሳ ቁሴታ ሃላቃ ጫያይ?” ጊደስ። 5 ጳውሎስካ ኢስታስ “ታ ኢሻቶ! ኢዚ ቁሴታ ሃላቃ ጊዲዳይሳ ታ ኤራቤይኬ። ጋሶይካ ‘ኔ ደሬ ሃላቃ ቦላ ኢታ ቃላ ጎፓ’ ጊዛይሲ ዓፌቲደስ” ጊደስ። *

* 23:3 ማቶ 23:27-28 * 23:5 ኬሳ 22:28

6 ጳውሎስ ሄን ዲዛ አሳፔ ባጋይ ሳዱቃዊታ፥ ባጋይ ፋርሳዌታ ጊዲዳይሳ ኤሪዲኔ “ታ ኢሻቶ! ታ ፋርሳዌፔ ዩሌታዲሲኔ፤ ታካ ፋርሳዌ፤ ሄኮ ሃሂ ታ ፐርዴታና ሺቂዳይ ሃይቂዳይቲ ዴንዳናይሳ ታ ኡፋይስ አሲዛ ጊሻሳ” ጊዲ ባ ቃላ ዶቁ ሂስቲዲ ዱላታ አሳ ሲንሳን ዮቲዴስ። *

7 ጳውሎስ ሄሳ ዮቲዳ ማላ ፋርሳዌታ ጊዶኒኔ ሳዱቃዊታ ጊዶንካ አሺ ዴንዲን ዱላታይ ናምዑ ሻኬቲ ዎዲዴስ። 8 ጋሶይካ ሳዱቃዊቲ “ሃይቂዳይታስ ዴንሲ ዴና፤ ኪታንቻይካ ባዋ፤ አያናይካ ዴና ጊዛይታ፤ ፋርሳዌቲ ቃሴ ሄይቲ ዉሪካ ዴቴስ” ጊ አማኒዛይታ። *

9 ሄሳ ዎዴ ዳሮ ሺሮይ አሳ ጊዶን ሃኒዴስ፤ ፋርሳዌታ ባጋታ ጊዲዳ ኢሲ ኢሲ ሙሴ ዎጋ ታማሪዛይቲ ዴንዲዲ “ኑ ሃይሳ አዴዛ ቦላ አይኮካ ኢታ ሚሽ ዴሚቤኮ፤ አያናይ ዎይኮ ኪታንቻይ ኢዛስ ዮቲዳ ጊዳና፤ ኑ አይ ኤሪዞኒ?” ጊዲ ፓላሜቲዳ።

10 ፓላሜይ ሚኒ ሚኒ ቢዳ ጊሽ አሳይ ጳውሎሳ ታርሼሬሶንታ ማላ ባቢዲ ሃላቃታ አዛዚዛይሲ “ዱጊ ዎዲዲ ጳውሎሳ አሳ ጊዶሬ ሃ ኬሲ ኤኪ ዩዲ ጌዴ ዎታዳራቲ ዲዛሶ ኤፊቴ!” ጊዲ ዎታዳራታ ሃላቃታ አዛዚዴስ። 11 ዎንቴሳ ጋላስ ሌላ ጊዶስ ጎዳይ ጳውሎሳ አቻን ኤቂዲ “አይኮይ ባ ኔ ዩሩሳላሜን ታስ ማርካቲዳይሳሶ አሮሜንካ ኔ ታስ ማርካታናስ ቤሴስ” ጊዴስ።

ጳውሎሳ ዎዳናስ አሳይ ማቂቲዴስ

12 ጋዴይ ዎንቲን አይሁዳ አሳቲ ሺቂቲዲ “ኑ ጳውሎሳ ዎዶንታ ዲሼ ካስ ሞኮ፤ ሃሲካ ኡዮኮ” ጊ ጫቂቲዳ። 13 ሄሳ ሄ ማቆዛን ኢሲሬ ጊዲዳ አሳ ቆዳይ አይዱ ታማሬ ቦላራ ዴስ። 14 ኢስቲካ ቄሴታ ሃላቃታኮኒ ዴሬ ጨማታኮ ቢዲ ኢስታስ “ኑ ጳውሎሳ ዎዶንታ ዲሼ ካስ ሞንታ ማላ ሚንሲ ጫቂዶስ። 15 ሄሳ ጊዲዳ ጊሽ ኢንቴ ዴሬ ጨማታራ ዞሬቲዲ ኢዛ ኬሂ ማራማሪዛ ሚሳቲዲ ኢስቲ ኢንቴስ ጳውሎሳ ኤሃና ማላ አዛዚዛይሳ አይቼቴ፤ ኑካ ኢዚ ሃ ሃኖ ጋካናፔ ካሴቲዲ ኢዛ ዎዳና ጊጌቲዶስ” ጊዳ።

16 ጊዶ አቲን ኢሲ ጳውሎሳስ ሚቺ ናይ ሄሳ ኢስታ ማቆዛ ሲዩዳ ጊሽ ዎታዳራቲ ዲዛሶ ቢ ጌሊዲ ዮዞዛ ጳውሎሳስ ዮቲዴስ።

17 ጳውሎስካ ማቶ ሃላቃታፔ ኢሳ ባኮ ዪይጊዲ “ሃይሲ ናዚ ዎታዳራታ አዛዚዛይሳስ ዮቲዛ ዮዶይ ዲዛ ጊሽ ጌዴ ኢዛኮ ኤፋ” ጊዴስ። 18 ማቶ ሃላቃይ ናዛ ዋና አዛዚዛይሳኮ ኤኪ ጌሊዲ “ቃሼቲዳ ጳውሎስ ታና ባኮ ዪይጊዲ ሃይሲ ናዚ ኔስ ዮቲዛ ዮዶይ ዲዛ ጊሽ ታ ኢዛ ኔኮ ሺሻና ማላ ታና ዎሲዴስ” ጊዴስ።

* 23:6 ሃዋ 26:5፤ ፒሊ 3:5 * 23:8 ማቶ 22:23፤ ማር 12:18፤ ሉቃ 20:27

19 አዛዚዛይሲካ ናዛ ኩሼ አይኪ ኤኪዲ ሃራሶ ፖቂዲ “ኔ ታስ የታናይሲ አዜ?” ጊዲ ኢዛ ዱማ አይቺዴስ።

20 ናዚካ “አይሁዳ አሳቲ ጳውሎሳ የዮዛ ሎዔሲ ማራማሪዛዴ ሚሳቲሲዲ ዎንቶ ኔ ኢዛ ኢስታስ ሺሻና ማላ አይቻናስ ቃቺ ዎሲዳ። 21 ጊዶ አቲን ኔ ኢስታስ ኤሮ ኅፓ፤ ጋሶይካ ኑ ኢዛ ዎዶንታ ዲሼ ካስ ሞኮ ሃሲካ ኡዮኮ፣ ጊዲ ጫቁቲዳይቲ አይዱ ታሚፌ ቦላ ጊዲዛ አሲ ኢዛ ዎዳናስ አጌ ቦላ ዙጌስ፤ ሃዲ ኢስቲ ናጊዛይ ኔ ዛሮ ዓላላ” ጊዴስ።

22 አዛዚዛይሲካ “ኔ ሃይሳ ታስ የቲዳይሳ ሃራ አናካ ኤሪሶፋ” ጊዲ ናዛ ሞዬዚዴስ።

ጳውሎሲ ዴሬ ሃሪዛ ፊልኪሴ ሲንስ ሺቂዴስ

23 ሄሳፌ ጉዬ ዎታዳራታ አዛዚዛይሲ ማቶ ሃላቃታፔ ናምዓታ ዩይጊዲ “ቃሚሬ ሄሹ ሳቲ ጊዲሺን ቂሳሪያ ጌቲቲዛሶ ባና ማላ ናምዑ ዪቱ ዎታዳራታ፥ ላፑን ታሙ ቶጋንቻታኔ ናምዑ ዪቱ ቶራ አሳ ጊጊሲቱ፤ 24 ጳውሎሳሲካ ፓራ ጊጊሲዲ ዴሬ ሃሪዛ ፊልኪሴኮ ሎዎን ጋካና ማላ አሲቱ” ጊዴስ።

25 ዳብዳቤ ሂዝጊ ዓፊዴስ፤ 26 “ዴሬ ሃሪዛ ቦንቾ ፊልኪሴስ፥ ቃላዎዶሳ ሉሲዮሳፔ፤ ሳሮይ ኔስ ጊዶ። 27 ሃይሳ አዴዛ አይሁዳ አሳቲ አይኪ ዎዳና ጊሺን ኢዚ አሮሜ አሲ ጊዲዳይሳ ታ ጋካ ኤሪዳ ጊሽ ዎታዳራታራ ጋካዳ አሻዲስ። 28 ኢስቲ ኢዛ አዛስ ሞቲዛኮኔ ታ ኤራና ኮዶዳ ዴሬ ዱላታኮ ሺሻዲስ። 29 ኢስቲ ኢዛ ቦላ ሺሺዳ ሞቶይ ባ ዎጋ ጊሽ ጊዲዳይሳ ኤራዲስ፤ ጊዶ አቲን ኢዛ ሃይቆስ ዎይኮ ቃሸስ ጋሲዛ ሚሺ ዴና። 30 ሃይሳ አዴዛ ዎዳናስ አሳይ ማቁቲዳይሳ ታ ሲያዳ ሄራካ ሲዬዳ ማላ ኔኮ ዬዳዲስ፤ ሞቲዛይቲካ ሄን ኔ ሲንሳን ባ ሞቶ ሺሻና ማላ ኢስታስ የታዲስ” ጊዴስ።

31 ሄሳ ጊሽ ዎታዳራቲ ባ አዛዜቲዳ ማላ ጳውሎሳ ቃሚራ ኤሬዲ አንቲጳዒሮሴ ጌቲቲዛሶ ጋሲዳ። 32 ዎንቲሳ ጋላስ ቶጋንቻቲ ጳውሎሳራ ባና ማላ አሲዲ ኢስቲ ቃስ ጉዬ ሶ ሲሚዳ። 33 ቶጋንቻቲ ጌዴ ቂሳሪያ ጋኪዲ ዳብዳቤዛ ዴሬ ሃሪዛይሳስ ኢሚዲ ጳውሎሳ ኢዛ ሲንስ ሺሺዳ። 34 ዴሬ ሃሪዛይሲ ዳብዳቤዛ ናባቢዲኔ ጳውሎሳ “ኔ አዋ ዴሬፔ ያዲ?” ጊ አይቺዴስ። ኢዚ ኪልቂያ ዴሬ አስ ጊዲዳይሳ ኤሪዲ፤ 35 “ኔና ሞቲዛይቲ ዩሺን ታ ኔ የዎ ሲያና” ጊዴስ፤ ሄርዶሳ ጊቤ ጋላን ኢዚ ናጌታና ማላ አዛዚዴስ።

1 ኢቻሹ ጋላሳፌ ጉዩ ቁሴታ ሃላቃ ሃናኒያይ ኢሲ ኢሲ ጨማታራኔ ገርፁሎሳ ጌቴቲዛ ገባቃራ ቂሳሪያ ቢደዘን፤ ኢስቲካ ደሬ አይሲዛ ፊልኪሴኮ ሺቂዲ ጳውሎሳ ሞቲዳ። 2 ጳውሎሲ ያይጌቲ ሺቂን ገርፁሎሲ ኢዛ ሂዝጊ ሞቲደስ “ቦንቾ ፊልኪሴ! ኑ ኔ ባጋራ ዳሮ ሳሮቴስ ደሚዶስ፤ ኔ ሎዎ አይሶንካ ኑ ደሬስ ሎዔቴሲ ቤቲደስ።

3 “ሄሳ ኔ ሎዎ አሶዛ ኑ አዋን ጊዲን አይደካ ጶቁ ጊዳ ቦንቾራኔ ጋላታራ ኤኮስ። 4 ታ ሃዲ ኔና ጋምዲሶንታኔ ዳቡሪሶንታ ቃንሳራ ኔስ የቲዛይሳ ኪዮቴሳን ኔ ኑ ጊዛይሳ ሲያና ማላ ዎሶስ።

5 “ሃይሲ አይደዘ ኑስ ኢታ ሃርጌ ጊዲደስ፤ አላሜን ዲዛ አይሁዳታ ኡባ ቦላ ሜቶ ሜዴስ፤ ናዘራዌ ጌቴቲዛ ዎርዶ አሳታ ዋና ካሌሲዛደደ ኢዛኮ። 6 ኢዘ ዎሳ ኬሴ ቱኒሳና ጊሺን ኑ ኢዛ አይኪዶስ። [ኑ ዎጋ ማላ ኑ ኢዛ ቦላ ፐርዳና ቆፐዶስ። 7 ጊዶ አቲን ዎታዳራታ ሃላቃታ አዛዘዛይሲ ሉሲዮሲ ጋኪዲ ኑ ኩሼፕ ኢዛ ዎልቃራ ዎሲ ኤኪደስ። 8 ኢዛ ሞቲዛ አሳይካ ኔኮ ያና ማላ አዛዘደስ።] ሃይሲ ኑ ኢዛ ቦላ ሺሺዳ ሞቶዘ ወሪ ቱሙ ጊዲዳይሳ ኔ ኔ ባጋራ ኢዛ አይቻ ጋካናስ ዳንዳያሳ” ጊደስ።

9 ሂንኮ አይሁዳ አሳቲካ “ኤ ሃይሲ ዮዎዚ ወሪካ ቱሙኮ” ጊዲ አማኔቲዳ።

ጳውሎሲ ባና አሻና አጌ ሜዲደስ

10 ደሬ አይሲዛ ፊልኪሴይ ጳውሎሲ ሃሳያና ማላ ባ ኩሼራ ማላቲ ቤሲደስ፤ ጳውሎሲካ “ኔ ዳሮ ዎደሶፕ ሃይሳ ደሬዛ አይሲዛደደ ጊዲዳይሳ ታ ኤሪዛ ጊሽ ታ ቦላ ሺቂዳ ሞቶዛስ ታ ኔስ ኡፋይሳ ዛሮ ሺሻይስ። 11 ታ ዎሳስ ንይናናስ ዮሩሳላሜ ቢን ሃቺ ታማኔ ናምዑ ጋላሳፌ ዳሮንታይሳ ኔ ኔ ባጋራ ኤራናስ ዳንዳያሳ። 12 ዎሳ ኬሳን ጊዲን አይሁዳታ ዎሳ ኬሳን ዎይኮ ካታማ ጊዶን ታ አናራካ ፓላሜቲሺን ዎይኮ ደሬ ጊዶን ሜቶ ሜዲሺን ታና ደሚቤቴና። 13 ሃዲ ታ ቦላ ኢስቲ ሺሺዳ ሞቶዛስ አይ ማርካካ ሺሻናስ ዳንዳዩቴና።

14 “ጊዶ አቲን ታ ኔስ ቆንጨሳና ኮዩዛይ ኢስቲ ዎርዶ ጊዛ ንዳ አጌራ ኑ አዋንታ ዎሳስ ንይናይሲኔ ሙሴ ዎጋኔ ናቤታ ማፃፋን ፃፊቲዳይሳካ ኡባ አማናይስ። 15 ኢስቲካ ኡፋይስ አሲዛ ማላ ታካ ናጋራንቻቲኔ ዒሎቲ ሃይቆፕ ደንዳናይሳ ዎሳን አማኔታይስ። 16 ሄሳ ጊሽ ዎሳ ሲንሳኒኔ አሳ ሲንሳን ሲዴይ ባይንዳ ሃናይ ታስ ዳና ማላ ኡባ ዎዴ ሚናይስ።

17 “ታ ዮሩሳላሜፕ ኬዘን ታስ ዳሮ ላይስ ጊዲዳፕ ጉዩ ታ ደሬ አሳስ ማዶ ሚሼኔ ዎሳስ ኢሜቲዛ ሚሼ ኤካ ያዲስ። 18 ታና ኢስቲ ዎሳ ኬሳን ደሚዳይ ታ ሄሳ ጋሲሺና፤ ሄ ዎዴ ታ ጌይዛ

ዎጋ ፖሊሺን ታናራ ዳሮ አሲ ዴና፤ አሺኔ ሺሮይካ ዴና። 19 ጊዶ አቲን ኢሲያፕ ዩዳ ኢሲ ኢሲ አይሁዳ አሳቲ ዴቴስ፤ ኢስታሲካ ታና ሞቶስ ጋሲዛዚ ዲዛ ጊዲኮ ኔ ሲንሳን ታና ሞቴቶ። 20 ሄሳፌ ጉዬ ታ ዱላታ ሲንሳ ሺቂኮ ታ አሲዳ ቆሆይ ዲኮ ሄ አሳቲ ዮቴቶ። 21 ታና ሃይሳስ ጋሲዳ ጋሶይ ታ ኢስታ ጊዶን ኤቃዳ 'ሃይቂዳይታስ ዴንሳ ዴስ ጋ ዮቴዳ ጊሽ ሃቾ ፐርዳስ ኢንቴ ሲንሳ ሺቃዲስ' ታ ጋዳ ቃላ ዶቁ ሂስታ ዮታዲስ አቲን ሃራ ታ አሲዳ ሚሺ ዴና" ጊዴስ። *

22 ፊልኪሴይ ጎዳ ኦጌ ሎዔሴ ኤሪዛ ጊሽ "ዎታዴሬታ ሃላቃታ አዛዘዛይሳ ሉሲዮሲ ዩዛ ዎዴ ታ ኢንቴ ዮዞዛ ጊሽ ቃሾ ጊዲዛ ዮዶ ኢማና" ጊዲ ኢስታ ዩዲዴስ። 23 ጳውሎሳ ናጊዛ ማቶ ሃላቃይ "ኢዛ ዳሮ ዋይሶንታ ሎዔሳ ናጋ፤ ኢዛ ላጌቲ ኢዛስ ኮሺዛ ሚሺ ኤኪ ዩኮ ዲጎፋ" ጊዴስ።

ጳውሎሲ ፊልኪሴኔ ዲሩሲላ ሲንሳ ሺቂዴስ

24 ጉላ ዎዴፕ ካሊዲ ፊልኪሴይ አይሁዳ አስ ጊዲዳ ባ ማቼዮ ዱሪሲላራ ዩዴስ፤ ጳውሎሳካ ዌይጊዲ ዩሱስ ኪርስቶሳን አማኖ ጊሽ ኢዚ ዮቴሺን ሲይዴስ። 25 ጳውሎሲ ዊሎቴላ ጊሽ፣ አሲ ባርካ ባና ሃሮ ጊሺኔ ቡሮፕ ያና ፐርዳ ጊሽ ዮቴን ፊልኪሴይ ባቢዲ "ሃዲ ኔ ባ፤ ሃራ ዎዴ ታስ ጊጊሺን ታ ኔና ዌይጋ ኤካና" ጊዴስ። 26 ፊልኪሴይ ጳውሎሳፕ ጉቦ ኤካናስ ኡፋይሲ አሲ ናጊዳ ጊሽ ዳሮ ዎዴ ጋካናስ ዌይጊ ዌይጊ ሃሳይሲዴስ።

27 ናምዑ ላይሳፌ ጉዬ ጳርቂዮሳ ፊስዎሲ ፊልኪሴ አላን ሹሜቲዴስ፤ ፊልኪሴይ አይሁዳታ ኡፋይሳናስ ኮይዲ ጳውሎሳ ቃሾሶን አጋጊዴስ።

25

ጳውሎሲ ባ ዮዞዛ አሮሜ ካዎይ ቤያና ማላ አይቺዴስ

1 ፊስዎሲ ባ አይሲዛ ዴሬ ቂሳሪያ ጌሊዲ ሄቩ ጋላስ አቁቲዲ ሄፕ ዩሩሳላሜ ቢዴስ። 2-3 ሄን ዲዛ ቁሴታ ሃላቃቲኔ ኢሲ ኢሲ አይሁዳታ ጊዶፌ ጊታ ጊታ አሳቲ ጳውሎሳ ቦላ ባ ሞቶ ሺሺዳ፤ "ጳውሎሳ ሃ ዩሩሳላሜ ኤሂዲ ኑስ ሎዎ አሶ አሳርኪ!" ጊዲ ዎሲዳ፤ ኢስቲ ሄሳ ጊዳይ ጳውሎሳ ናጊዲ ኦጌ ቦላ ዎዳናስ ኮይዳ ጊሻሳ። 4 ጊዶ አቲን ፊስዎሲ "ጳውሎሲ ቂሳሪያን ቃሾ ኬሳን ናጌቴስ፤ ታካ ሃዲ ኤሌ ሲማዳ ሄ ኢዛኮ ባና። 5 ኢንቴ ጊዶፌ ዳናቴሳ ዲዛይቲ ታናራ ቂሳሪያ ቤቶ፤ ጳውሎሲ አሲዳ ቆሆይ ዲዛ ጊዲኮ ሄን ሞቴቶ" ጊዴስ።

* 24:21 ሃዋ 23:6

6 ፊስቦሲ አሱፑን ዎይኮ ታሙ ጋላሳፌ ዳሮንታ ዎዴ ኢስታራ ጋምዲዳፕ ጉዬ ቂሳሪያ ቢዴስ፤ ሄ ጋኪዳ ማላ ዎንቴሳ ጋላስ ፐርዳ ዎምቦራ ቦላ ኡቲዲ ጳውሎሳ ኢዛኮ ሺሻና ማላ አዛዚዴስ።
 7 ጳውሎሲ ኢዛ ሲንህ ሺቂን ዩሩሳላሜፕ ዩዳ አይሁዳቲ ጳውሎሳ ጊዴሲዲ ማርካይ ባይንዳ ዳሮ ዴዎ ሞቶ ኢዛ ቦላ ሺሺዳ።

8 ጳውሎሲካ “ታኒ አይሁዳ ዎጋ ቦላ ጊዲን ሶሳ ኬሳ ቦላ ዎይኮ አሮሜ ካዎ ቂሳሪ ቦላካ ጋሲዳ ቆሆይ ዴና” ጊዲ ኢስታ ሞቶዛ ሻሪዛ ዛሮ ኢስታስ ኢሚዴስ።

9 ጊዴ አቲን ፊስቦሲ አይሁዳታ ኡፋይሳናስ ኮይዲ ጳውሎሳ “ኔ ዩሩሳላሜ ባዳ ሃይሳ ዮዎዛ ሄን ታ ሲንሳን ፐርዴታና ኮያይ?” ጊዴስ።
 10 ጳውሎሲ ቃሴ ሂዝጊዲ ኢዛስ ዛሪዴስ “ሄኮ ታ ፐርዴታናስ ታስ ቤሲዛ ቂሳሪ ፐርዳ ዎምቦራ ሲንሳን ኤቃዲስ፤ ኔካ ሎዴሳ ኤሪዛ ማላ ታ አይሁዳታ ቦላ አሲዳ አይኮ ቆሆይካ ዴና።
 11 ታ ቆሂዳ ጊዲኮ ዎይኮ ታና ሃይቆስ ጋሲዛ ቆሆ ታ አሲዳ ጊዲኮ ታ ሃይቆፕ አታና ጊኬ፤ ጊዴ አቲን ኢስቲ ሺሺዛ ሞቶይ ሜላ ሃዳ ጊዲኮ አኒካ ታና ኢስታስ አሲ ኢማናስ ዳንዳዮና፤ ታካ ታ ዮዎይ ቂሳሪ ሲንህ ሺቃና ማላ ‘ዩጊባይኔ’ ጋዲስ።”

12 ሄሳ ዎዴ ፊስቦሲ ባና ዞሪዛይታራ ሃሳዮቲዲ “ኔ ቂሳሪኮ ‘ዩጊባይኔ’ ጊዛ ጊዲኮ ቂሳሪኮ ባንዳሳ” ጊዴስ።

ጳውሎሲ አጊርጳ ሲንህኔ ባርኒቄ ሲንህ ሺቂዴስ

13 ጉሳ ጋላሳታፕ ጉዬ ካዎ አጊርጳይኔ ባርኒቄይ ፊስቦሳ “ሃሹ ሎዎን ያዳሳ” ጊ ሞካናስ ጊዴ ቂሳሪያ ቢዳ።
 14 ኢስቲ ሄን ዳሮ ጋላስ ኡቲዳ ጊሽ ፊስቦሲ ጳውሎሳ ዮዎዛ ካዎ አጊርጳስ ሂዝጊ ዮቲዴስ “ፊልኪሴይ ቃሹ ኬሳን ዩጊ አጊዳ ኢሳዴይ ሃን ዴስ።
 15 ታ ዩሩሳላሜን ዲዛ ዎዴ ቂሴታ ሃላቃቲኔ አይሁዳታ ጨማቲ ሃ አይዛ ዮዎ ታኮ ኤሂዲ ታ ኢዛ ቦላ ፐርዳና ማላ አይቺዳ።
 16 ታ ቃሴ ‘ሞቴቲዳዴይ ሞቴዛይታ ሲንሳን ኤቂዲ ባና ሞቴዛ ዮዎዛስ ቤሲዛ ዛሮ ኢሞንታ ዲሺን ሞቴቲዳዴ አሲ ኢሞይ አሮሜ ካዎቴሳስ ዎጋ ጊዴና’ ጋዳ ዛራዲስ።

17 “ሄሳ ጊሽ ኢዛ ሞቴዛይቲ ሺቂቲዲ ዩዳ ማላ ሄራካ ዎንቴሳ ጋላስ ፐርዳ ዎምቦራን ኡታዳ ጳውሎሳ ታ ሲንህ ሺሻና ማላ አዛዛዲስ።
 18 ኢዛ ሞቴዛይቲ ኢዛ አቻን ኤቂዳ ዎዴ ኢስቲ ኢዛ ቦላ ሺሺዳ ሞቶይ ታ ባጋራ ኢዚ ኢታ አሶንታ አጊና ጋዳ ቆፐርዳ ማላ ጊዲቤና።
 19 ጊዴ አቲን ኢስቲ ኢዛራ ሞቴቲዛይ ባ አማኖ ጊሺኔ ጳውሎሲ ኢሲ ሃይቂዳይሳ ‘ፓዓ ዴስ’ ጊዛ ዩሱሳ ጊሽ ጊዲዴስ።
 20 ታካ ሄሳ ማላ ዮዎ ቆራ ዩሳናስ ታና ሜቲዳ ጊሽ ጳውሎሳ ‘ኔ ዩሩሳላሜ ባዳ ሄሳ ዮዎዛ ሄን ፐርዴታና ኮያይ?’ ጋዲስ።
 21 ሂዝጊን ኢዚ ቃሴ ዮዎዚ አሮሜ ካዎ ሲንሳን ቤዮታና ማላ ኮይዲ ‘ታ ዮዎይ ቂሳሪ ሲንህ ሺቃና ማላ አይቻይስ’ ጊዳ

ጊሽ ኢዛ ዮዖ ቁሳሬኮ ታ ዩዳና ጋካናስ ኢዚ ቃሾ ኬላን ጋምዓና ማላ አዛዛዲስ” ጊዴስ።

22 አጊርጳይ ፊስዖሳ “ታካ ኢዚ ጊዛ ሲያና ኮያይስ” ጊዴስ። ፊስዖሲካ “ዎንቶ ሲያንዳሳ” ጊዴስ።

23 ሄሳ ጊሽ ዎንቴላ ጋላስ አጊርጳይኔ ባርኒቄይ ካዎቲ ማይዒዛ ማዮ ማይዒዲኔ ዳሮ ቦንቾራ ዎታዳራታ ሃላቃታራኔ ሄ ካታማን ዲዛ ጊታ አሳታን አዣቤቲ ዩዲ ፒርዳ ኬሴ ጌሊዳ። ሄሳፌ ጉዬ ፊስዖሲ ጳውሎሳ ዩይጊሲዴስ። 24 ፊስዖሲ ሂዝጊዴስ “ካዎ አጊርጳ፣ ቃስ ኑናራ ዲዛ አሳቶ! አይሁዳ አሳቲ ወሪ ሃይሲ አዴዚ ሃይሳፌ ጉዬ ፓዓ ዳና ቤሴና” ጊዲ ዋሲሼ ዩሩሳላሜንካ ሃንካ ኢዛ ቦላ ፒርዴታና ማላ ኢስቲ ታና አይቼዛይ ሃይሳ ኢንቴ ቤዩዛ አዴዛ ጊሻሳ። 25 ታ ታ ባጋራ ኢዛ ሃይቆስ ጋሲዛ ኢሲ ባላካ ኢዛ ቦላ ዴማቤኬ። ኢዚ ‘ታ ዮዖይ ኦሮሜ ካዎ ሲንሳ ሺቂ ቤዩቶ’ ጊዳ ጊሽ ታ ኢዛ ሄ ዩዳናስ ቃቻዲስ።

26 “ጊዶ አቲን ኢዛ ጊሽ ታኒ ታ ጎዳስ ዓፋና ጊዛ ኤሬቲዳ ዮዖይ ዴና፤ ሄሳ ጊሽ ኢዛ ኢሲ ኢሲ ፓጩ አይሾታ አይቼኮ ታስ ዓፋናይሲ ዳናኮኔ ጋዳ ኢንቴኮ፣ ሃራቴካ ካዎ አጊርጳ ኔኮ ሺሻዲስ። 27 ጋሶይካ ቃሾ አሲ ፑዴ ቦላቲዛ ጵቃ ዳናኮ ቢሺን ኢዚ ሞቴቲዛ ዮዖ ቆንጨሶንታ አጎይ አሳ ኤያ ኬሲዛይሲ ታስ ቤቲዴስ” ጊዴስ።

26

ጳውሎሲ ካዎ አጊርጳ ሲንሳን ዮቲዳ ዮዖ

1 አጊርጳ፤ ጳውሎሳ “ኔኒ ኔ ጊሽ ሃሳያናስ ዳንዳያሳ” ጊዴስ። ጳውሎሲካ ባ ኩሼ ዴንሲዲ ዛሮ ሂዝጊ ኢሚዴስ። 2 “ካዎ አጊርጳ! ታና አይሁዳቲ ሞቲዛ ዮዖ ኡባስ ሃቾ ታ ኔ ሲንሳን ታና ማዳና ዛሮ ኢሚዛ ጊሽ ታና ዳሮ ኡፋይሴስ። 3 ጋሶይካ ኔ አይሁዳታ ዎጋኔ ኢስታ ፓላማ ኡባ ሎዔሳ ኤራሳ፤ ሄሳ ጊሽ ኔ ታ ጊዛ ኡባ ዳንዳያሳ ሲያና ማላ ታ ኔና ዎሳይስ።

4 “ታኒ ጉሳ ናቴላ ዎዴፔ ዶማዳ ዋና ዴዒዳኮ አይሁዳ አሳቲ ኤሬቴስ። ኮይሮፔ ሃዒ ጋካናስ ታኒ ታ ዴሬ አሳ ጊዶኔኔ ዩሩሳላሜን ታ ዴዒዳ ዱሲ አሳይ ኤሬስ። 5 ቃሴካ ኢስቲ ማርካታና ኮይኮ ኑ አማኖ ጊሽ ታ ኬሃ ሚንሳ ዎጋ ናጊዛ ፋርሳዌ ባጋ ጊዳዳ ጋምዒዳዴ ጊዲዳይሳ ኢስቲ ኮይሮፔ ዴንሲዲ ኤሬቴስ። * 6 ሃዒ ቃሴ ፒርዳስ ታና ሃይሳን ኤሲዳይ ዖሲ ካሴ ኑ አዋታስ ኢሚዳ ጫቆ ቃላ ኡፋይሳ ጊሻሳ። 7 ሃ ኡፋይሳኮ ጋካናስ ኑ ዛርኬቲ ታማኔ ናምዓቲ ዖሳ ጋላሲኔ ቃማ ጎይኒሼ

* 26:5 ሃዋ 23:6፤ ፒሊ 3:5

ናጊዳ። ካዎ ኢንቴስ ሆላ! አይሁዳቲ ታና ሞቲዛይ ሃ ዮሶዛ ጊሻሳ።
8 ያሲ ሃይቂዳይታ ዴንሳናይሲ ሞኒዲ አይሁዳ ጊዲዳ ኢንቴ አቻን አማኔቲቤኔ?

9 “ታካ ታ ባጋራ ናዚሬቴ ዮሱሳ ሱንሳስ ኤቄታናስ ቤሴስ ጋዳ ቆጋዲስ ሺን፤ * 10 ታኒ ዮሩሳላሜን አሲዳይካ ሄሳኮሺን፤ ቄሴታ ሃላቃታፕ ታ ኤኪዳ ጎዳቴሳራ አማኒዛይታፕ ዳሮታ ቃሾ ኬሳን ዮጊሳዲስ፤ ኢስታ ዎዲሺን ዎዲዛይታራ ኢሲፌ ዳይስ። 11 ዳሮ ዎዴ አይሁዳታ ዎሳ ኬሳቲ ዲዛሶን አዋንካ ኢስቲ ቃፃዮታና ማላኔ ባ አማኖ ካዳና ማላ አሳዲስ፤ ኢስታ ቦላ ዳሮ ሃንቄታዳካ ኢስራዔሌፕ ካሬን ዲዛ ሃራ ካታማታካ ባዳ አማኒዛይታ ጎዳዲስ።

ጳውሎሲ ኪርስቶስኮ ሞኒ ሲሚዳኮ ዮቲዴስ

12 “ሃይሳ ሃ ዮሶዛስ ቄሴታ ሃላቃታፕ ኩሜሳ ጎዳቴሳኔ አዛዞ ኤካዳ ዳማስቆ ጌቴቲዛሶ ታ ቢሺን፤ 13 ካዎ ኢንቴስ ሆላ! ቡሮ ታ ኦጌን ዲሺን ጋዴይ ሴታ ጋላስ ጊዲሺን አዋ አርሼ ፖሮፕ አዲዛ ፖሮ ቤያዲስ፤ ሄ ፖሮይ ታናኔ ታናራ ቢዛ አሳታ ዩይ አዲዲ ሳሎፕ ፖዲዴስ። 14 ኑ ወሪካ ቢታ ቦላ ኩንዲ ዲሺን አይሁዳታ ቃላራ ‘ሳወሌ! ሳወሌ! ታና አዛስ ጎዳይ? ኔኔ ቃራ ማሻ ቦላ ኤቂኮ ኔርካ ኔና ቆሃሳ’ ጊዛ ቃላ ሲያዲስ።

15 “ታካ ‘ጎዶ! ኔ አኔ?’ ጋዲስ፤ ጎዳይካ ‘ታኒ ኔ፣ ጎዲዛ ዮሱሳኮ! 16 ሃዲ ዴንዳዳ ኔ ቶሆን ኤቃ፤ ታ ኔስ ቆንጫዳይ ኔ ታና ሃዲ ቤዩዳይሳኔ ሲንሳፌ ታ ኔና ቤሳናይሳን ኔ ታስ ማርካቲዛይ ጊዳና ማላ ታ ኔና ሹማና ኮያዲስ። 17 ኢስራዔሌ አሳ ኩሼፕኔ ታ ኔና ኢስታኮ ኪቲዛ አይዛቤታ ኩሼፕካ አሻና። 18 ኔ ኢስታ አይፌ ዶያና ማላኔ ጳማፕ ፖሮን ኬሳና ማላ ቃሴካ ሃላዔስ ሃሬቲዛሶፕ ያሳኮ ኔ ዛራና ማላ አሳና፤ ኢስቲካ ታና አማኒዳ ጊሽ ባ ናጋራፕ ማሬታና ቃሴ ዶራቲዳይታ ጊዶን ኢስቲ ላታ ጋዴ ዴማና’ ጊዴስ።

ጳውሎሲ ባ አሶ ጊሽ ዮቲዴስ

19 “ሄሳ ጊሽ ካዎ አጊርጳ! ሳሎፕ ታስ ኢሜቲዳ አጽታስ ታ አዛዜታዲስ። 20 ጊዶ አቲን ታ ካሴታዳ ዳማስቆን ዲዛ አሳ ካሌሳዳ ዮሩሳላሜኒኔ ዮሁዳ ዴሬን ኡባን ዲዛይታ ቃሴካ አይዛቤቲካ ናጋራ ኦጌፕ ያሳኮ ሲሚዲ ማሬታና ማላ ኤሪሳዲስ፤ ኢስቲ ናጋራፕ ሲሚዳይሳ ቤሲዛዚ አሳና ማላ ታ ኢስታስ ዮታዲስ። * 21 ሄሳ ጋሶን አይሁዳቲ ታ ያሳ ኬሳን ዲሺን ታና አይኪዲ ዎዳና ኮይዳ። 22 ሃቺ ጋካናስካ ታስ ያሳፌ ማዶይ ፓጫ ኤሬና። ሄሳ ጊሽ ጉሳስካ ጊታስካ ማርካታሼ ሃይሳን ኤቃዲስ። ናቤቲኔ ሙሴይ ካሴቲዲ ሃይሳ ማላይ ሃናና ጊዳይሳ ዮቶፕ አቲን ታ ሃራ አይኮካ

* 26:9 ሃዋ 8:3፤ 22:4-5 * 26:20 ሃዋ 9:20፣28-29

የታቤይኬ። 23 ኢስቲካ የቲዳይሲ ‘ያሲ ኪቲዳይይ ሜቶ ቤያና። ሃይቆፕ ዴንዶን ኮይሮ ጊዲዲ አሲ አታና ፖዖ ኢስራዔል ዴሬሲኔ አይዛቤታስ ቆንጫና’ ጊዛይሳ” ጊዴስ። *

24 ጳውሎሲ ሄሳ የቲሺን ፊስፖሲ “ጳውሎሳ! ሃጺ ኔ ጎዮንታ አጋካ፤ ኔ ዳሮ ታማሪዳይሲ ኔና ጎሺዴስ” ጊ ዋሲዴስ።

25 ጳውሎሲ ጊዲኮ ኢዛስ “ቦንቾ ፊስፖሳ! ታ ኔስ ቱማ ኤራዳ የታይስ አቲን ጎያቤይኬ። 26 ታ ኢዛ ሲንሳን ቆንጨራ የቲዳ ካዎይ ሃይሳ የዖዛ ኤሬስ፤ ሃይሲካ ቆታራ አሴቶንታይሳ ጊዲዳ ጊሽ ካዎይ ኤራናይሳ ታ አማኔታይስ። 27 ካዎ አጊርጳ! ናቤታ አማናሳ ጊዲኪ? ኔ አማኒዛይሳ ታ ኤራይስ” ጊ ዛሪዴስ።

28 አጊርጳይካ ጳውሎሳ “ሄኮ ኔ ታና ሃኖ ጉሳ ዎዴ ጊዶን አማንሳና ኮያሳ” ጊዴስ። 29 ጳውሎሲካ ኢዛስ ዛሪዲ “ጉሳ ዎዴን ጊዲንካ ዎይኮ ዳሮ ዎዴን ኔ ባላ ጊዶንታ ዲሺን ሃኛ ታ የቲዳይሳ ሲዩዳይ ወሪ ሃኖ ታ ቃሼቴሳያ አታ ወሪካ ታ ማላ ጊዳና ማላ ታ ዎሳ ዎሳይስ” ጊዴስ።

30 ሄሳፌ ጉዩ ካዎይ፣ ዴሬ አይሲዛይሲ፣ ባርኒቆይኔ ኢስታራ ኡቲዳ አሳይካ ወሪ ዴንዲዴስ። 31 ኢስቲ ሄፕ ኬዚ ቢሺ ባ ጊዶን “ሃይሲ አዴዚ ሃይቆስ ዎይኮ ቃሾስ ጋሲዛ ሚሼ አይኮካ አሲቤና” ጊዳ። 32 አጊርጳይካ ፊስፖሳ “ሃይሲ አዴዚ የዖዛ ቁሳሬስ ሺቆ ጎንታኮ አይኮ ዎሳይ ባይንዳ ሜላ ዩዴታናኮ ሺን” ጊዴስ።

27

ጳውሎሲ አሮሜ ቢዴስ

1 ኑኒ ባላኔ ዴሬ ማርካቤን ባና ማላ ጌቴቲ ቃሼቲዳ ጊሽ ጳውሎሳኔ ሃራ ቃሾ አሳታካ ካዎ አወጊስፖሳ ዎታዳራታፕ ጊዲዳ ዩሊዮሳ ጌቴቲዛ ማቶ ሃላቃስ አሲ ኢሚዳ። 2 ኢሲያ አባ አቻን ዲዛ ዴሬታ ቢዛ ማርካቤን ጌሊዲ ቢዶስ። ታሶሎንቄን ዲዛ ኢሲ ማቂዶኒያ አስ አሪስፂሮኮሳ ጌቴቲዛይሲ ኑናራ ዴስ።

3 ዎንቴሳ ጋላስ ሲዶና ጊዛሶ ጋኪዶስ፤ ዩሊዮሲ ጳውሎሳስ ሎዎ ጊዲዳ ጊሽ ጳውሎሲ ባ ላጌታኮ ቢዲ አሳይ ኢዛስ ኮሺዛ ማዶ አሳና ማላ ፒቃዴ ኢሚዴስ። 4 ሄፕ ዴንዲ ኑ ቢሺን ሲንሳ ባጋራ ጫርኮይ ኑ ቦላ ጫርኪዛ ጊሽ አባ ጊዶን ዲዛ ቆጲሮሴ ዴሬን ጌሜቲዲ ጌዴ ሲንፎ ቢዶስ። 5 ኪልቂያ ጊዛሶኔ ጲንሬሊያ ጌቴቲዛ ዴሬ አቻን ዲዛ አባ ፒኒዲ ሎቂያ ዴሬን ዲዛ ሙራ ጌቴቲዛ ካታማ ጋኪዶስ። 6 ሄን ማቶ ሃላቃይ ኢፃሊያ ዴሬ ቢዛ ኢስኪንዲሪያ ዴሬ ማርካቤ ዴሚዲ ኑና ኢዛን ጌልሲዴስ።

* 26:23 1ቆሮ 15:20፤ ኢሳ 42:6፤ 49:6

7 ዳሮ ጋላስ ሎዱ ጊ ጊ ቢዲ ዳሮ ዋዩቲዲ ቃንዶሴ ጌቴቲዛ ካታማ አቺ ጋኪዶስ፤ ጫርኮይካ ኑ ሲንል ቦንታ ማላ ዲጊን ሳልሞና አቻራ አዲዲ ቃርዔሴ ጌቴቲዛ አባ ጊዶን ዲዛ ዴሬን ጌሜቲዲ ቢዶስ። 8 ዳሮ ዋዩቲዲ ላንቄ ላንቄ አይኪ ኑ አዲዳፕ ጉዩ ላሲያ ጌቴቲዛ ካታማ አቻን ዲዛ “ሎዎ” ጌቴቲዛ ማርካቤይ ኤቂዛሶ ጋኪዶስ። *

9 ኑ ቢዛ አጌ ቦላ ዳሮ ዳቡራን ምግ ምዴይ አዲዳ ጊሽ ሃዲ አባ ቦላ ባናስ ዳሮ ሜቶ ጊዲዳ ጊሽ ጳውሎሲ ባናራ ዲዛ አሳይ ናጌታና ማላ ሂዠጊዴስ፤ 10 “አሶ! ሃይሳፌ ኑ ካሊዲ ባና ቡሳይ ዳሮ ሜቶራ ዲዛይሲ ታስ ቤቴስ፤ ማርካቤዛን ዲዛ ጫናዛ ቦላኔ ማርካቤዛ ቦላ ሃላላ ጊዶንታ አሳ ሽምፖ ቦላካ ጌታ ቆሆይ ጋካና።” 11 ማቶ ሃላቃይ ቃስ ጳውሎሳ ዘሬፕ ቦላራ ማርካቤዛ ላጊዛ ዋናዚኔ ማራካቤዛ ጎዳይ ጊዛይሳ ሲይዴስ። 12 ሄ ማርካቤይ ኤቂዛሶይ ባልጎይ አዳና ጋካናስ ማርካቤስ ሎዎ ሽምፖሶ ጊዶንታ ጊሽ ዳሪዛ ባጋ አሳይ “ሃሙሳ ሲንል ጉጃናስ ዳንዳዩቲኮ አዋ አርሼይ ዉሊዛሶፕ ዱጌሃ ባጋራኔ ፑዴሃ ባጋራ ዲዛ ፊንቄ ጌቴቲዛሶ ቃርዔሴ ማርካቤ ሽምፖሶ ኑ ጋኪዲ ባልጎ ሄን አሶስ” ጊዲ ባ ቆፋ ሺሺዳ።

አባ ቦላ ዳምባላይ ዴንዲዴስ

13 ዱጌሃ ባጋራ ጉላ ጫርኮይ ጫርኪሺን ቤዩዲ ኢስቲ ቆፐዳ ማላ ሃናና ሚሳቲን ባና ኬዚዳ፤ ማርካቤይ ኤቂዛሶፕ ባና ዴንዲዲ ቃርዔሴ አቻራ ላንቄ ላንቄ አይኪዲ አዲ ቢዳ። 14 ጊዶ አቲን ጉላ ምዴፕ ጉዩ “አዋ አርሼይ ሞኪዛሶፕ ፑዴሃፕ ዩዛ ጎቴ ጫርኮ” ጌቴቲዛ ኢታ ምልቃማ ጫርኮይ አባ ጊዶን ዲዛ ዴሬዩፕ ዴንዲዲ ኢስታኮ አባ ጊዶ ዩዴስ። 15 ማርካቤዛ ጫርኮይ ሱጊን ጫርካራ ኤቂታናስ ዳንዳዩንታ ኢዲን ኑ ጮፀ ጊዲ ጫርኮይ ኤፊዛሶ ቢዶስ። 16 ቂዳ ጌቴቲዛ አባ ጊዶንኮ ዲዛ ዴሬ ዲዛሪን ጌሜቲዲ ኑ ቢሺን ዳሮ ዋዩቲዲ ማርካቤዛ ቂሪ ምጎሎዮን አይኪዲ ኤሳናስ ዳንዳዩዶስ። 17 ማርካቤዛ ላጊዛይቲ ቂሪ ምጎሎዮ ማርካቤዛኮ ጎቺ ኬሲዲ ማርካቤዛ ምድራ ሃዲዳ። ማርካቤዚካ ሲርቲሴ ጌቴቲዛ አባ አጩይ ዳሪ ዲዛሶን ኩንዶንታ ማላ ባቢዲ ኢዛ ቦላ ዲዛ ሻራ ምሲዲ ጫርኮን ላጌቲ ቢዳ። 18 ጎቴ ጫርኮይ ሚኒ ቢዳ ጊሽ ምንቴላ ጋላስ ማርካቤዛን ጫኔቲዳ ሚሻታ ኢሳ ኢሳ አባ ጊዶ ዩጌል አይኪዳ። 19 ሄቫንሶ ጋላስ ማርካቤዛስ ኮሺዛ ሚሻታካ ባ ኩሼራ ኬሲ ኬሲ ዩጊዳ። 20 ዳሮ ምዴ ጋካናስ አዋ አርሼካ ያሊንቴካ ቤዮንታ አጊዳ ጊሺኔ ጫርኮይካ ካሴፕ ሚኒ ሚኒ ቢዛ ጊሽ ሃይሳፌ ጉዩ ኑ አታና ዳንዳዩኮ ጊዛ ቆፋን ሉፋይስ ቃንዲዶስ።

* 27:8 ላንቄ ጊዛይሲ አባ ጊዶን ዲዛ ቃርዔሴ ጋፃ ጉላ።

21 አሳይ ካል ሞንታ ዳሮ ጋላስ ኡቲዴስ። ሄሳ ጊሽ ጳውሎሲ አሳ ጊዶን ኤቂዲ “ሃ አሳቶ! ኢንቴ ታ ጊዛይሳ ሲይዲ ቃርጂሴፕ ዴንዶንታኮ ሃ ቆሆይኔ ሃ ዳዮይ ኢንቴ ቦላ ጋኬናኮሺን።” 22 ሃሂካ ማርካቤዚ ዓላ ቆሄታና ኡቲን ኢንቴፌ ኢሳይ ሽምፖይካ ዳዮና። ሄሳ ጊሽ አይኮይ ባዋ፤ ባቦፍቴ ጋዳ ኢንቴና ዞራይስ። 23 ቃማ አማርስ ታ ኢዛስ ጊዲዳ ታ ጎይኒዛ ያሳይ ኪቲዳ ኪታንቻይ ታ አቻን ኤቂዲ 24 ‘ጳውሎሳ! ባቦፋ! ኔ ቁሳሬ ሲንሳን ኤቃና ቤሴስ፤ ሄኮ ኔናራ ኢሲፌ ቢዛይታ ወርሲ ያሲ ኔ ጊሽ ሃይቆፕ አሻና’ ጊዲ ታስ ዮቲዴስ። 25 ሄሳ ጊሽ ኢንቴና ሃ አሳቶ አይኮይ ባዋ፤ ያሲ ታስ ሃይሳ ዮቲዳይሳ ፖላናይሳ ታ አማናይስ። 26 ጊዲኮካ ሃይሲ ጎቴ ጫርኮዚ ጌዴ ኢሲ አባ ጊዶን ዲዛ ዴሬ አፕ ኤፊዲ ኑና ዮጋና” ጊዴስ።

27 ታማኔ አይዳንሶ ቃማ አንዲሪያ አባ ጊዶን ጫርኮይ ኑና ዋይሲሺን ቢሼ ሌላ ጊዶል ማርካቤዛ ላጊዛይታስ አባሬ ቢታ ቦላ ጋኪዳ ሚሳቲዴስ። † 28 ሄሳ ጊሽ አባ ጨማቴላ ኤራናስ አባን ዮጊ ያሊዛ ዎዶ ኢስቲ ዮጊ ያሊሺን፤ አባ ጨማቴላ አይዱ ታሙ ሚትሬ ኬና ጊዲ ቤቲዴስ፤ ጋምዲሽ ሃሂካ ዮጊን ሄኹ ታሙ ሚትሬ ኬና ጨማ ጊዲዳይሳ ዴሚዳ። 29 ኑ ዲዛ ማርካቤይ አባ ጋዓን ዲዛ ዛላ ሹቻራ ኢጩቶንታ ማላ ባቢዲ ማርካቤዛፕ ጉዮ ባጋራ ማርካቤይ ቃዎንታ ማላ ናጊዛ ጳሺኬ ዱጌ አባ ጊዶ ዮጊዳ። ሄሳፌ ጉዮ ኢስታስ ቃማይ ዎንታና ማላ ዎሳ አይኪዳ። 30 ማርካቤዛ ላጊዛይቲ ማርካቤዛፕ ኬዚዲ ባቃታና ኮይዳ ጊሽ ማርካቤዛፕ ሲንሳ ባጋራ ማርካቤ ናጊዛ ጳሺኬ ዮጊዛ ሚሳቲዲ ማርካቤዛ ቦላ ዲዛ ቆሪ ዎንሎዮ ዱጌ አባ ጊዶ ዮጊዳ። 31 ሄሳ ዎዴ ጳውሎሲ ማቶ ሃላቃኔ ዎታዳራታ “ሃይቲ ማርካቤዛን ዲዛ አሳቲ ማርካቤዛ ቦላ ሽምፐዲ ኡቶንታ አጊኮ ኢንቴካ አታና ዳንዳዮኬታ” ጊዴስ። 32 ሄሳ ጊሽ ዎታዳራቲ ዎንሎዮ አይኪዳ ዎዶሮዛ ቃንጊ ዮጊን ኢዛ አባ ቦላ ቶኬታና ማላ ዮዲ አጊዳ።

33 ጋዴይ ዎንታና ጊሺን ወሪካ ካል ማና ማላ ጳውሎሲ ኢስታ ሂዝጊ ዎሲዴስ “ኢንቴ አዚ ሃናኔሻ ጊዲ ሂርጋን ካል ሞንታ አጊን ሃቺ ታማኔ አይዳንሶ ጋላሳ።” 34 ሄሳ ጊሽ ኢንቴ ካል ማና ማላ ታ ኢንቴና ዎሳይስ። ኢንቴ ሚኮ ሚናና፤ ሙሌካ አይኮ ቆሆይካ ኢንቴ ቦላ ጋኬና” ጊዴስ። 35 ኢዚ ሄሳ ጊዳፕ ጉዮ ካል ኤኪዲ ያሴ ጋላቲዲ አሳ ኡባ ሲንሳን ካል ሙስ አይኪዴስ። 36 ሄሳ ዎዴ ወሪካ ሚኔቲዲ ካል ሚዳ። 37 ማርካቤዛ ጊዶን ዲዛ አሳይ ወሪ ናምዑ ዪታኔ ላፑን ታማኔ ኡሱፑና። 38 ወሪካ ሚ ካሊዳፕ ጉዮ

† 27:27 አንዲርያ አባ ሜዲቴራኒያ አባሬ ኢሲ ባጋራ ዲዛ አባ።

ማርካባን ጫኔቲዳ ጊስቴዛ ዱጌ አባ ጊዶ ዩጊዲ ማርካቤዛ ዴቦ ካዉሺዳ።

ማርካቤዚ ሜቂዴስ

39 ጋዴዴ ዎንቲን ባ ዲዛሶ ኤሪቤቴና። ጊዶ አቲን አጩይ ዲዛሶ አባ ኩርቁንሱ ዴሚዳ። ኢስታስ ዳንዳዮቲዛኮ ማርካቤዛ ሄ ሱጊ ሺሻና ቆፒዳ። 40 ማርካቤዛ አይኪዛ ዲሺኪ ቃንጊዲ አባ ጊዶ ዩጊዳ። ሄ ዎዴ ማርካቤ ላጊዛ ሚሻ አይኪዳ ዎዶሮታ ቢርሺዳ። ሃ ባጋራ ዲዛ ሻራ ጫርኮ ባጋ ጶቁ ሂስቲዲ ኬዛና አባ ጋፃ ቢዳ። 41 ጊዶ አቲን ማርካቤዚ ዳሮ አጩይ ኮሬቲ ኡቲዳይሳራ ኢጩቲዲ ዱጌ ጉፋኒዴስ፤ ሲንላ ቦላ ዱጌ ጉፋኒ ዲሺኪቲዲ ቃንታይሳ ጊዲዴስ። ቃስ አባ ዳምባላይ ዳሮፕ ዴንዲዳይሳን ጉዬ ባጋራ ሜቂሬቴስ አይኪዴስ።

42 ቃሾ አሳፕ ኢሳዴይካ አባን ዎዲዲ ኬሲ ኤኮንታ ማላ ዎታዳራቲ ዎዳና ቆፒዳ። 43 ማቶ ሃላቃይ ቃስ ጳዉሎሳ አሻናስ ኮይዳ ጊሽ ኢስታ ቆፋ ኤካና ኮይቤና። ጊዶ አቲን ሃሴ ዎዲ ኤሪዛይቲ ማርካቤዛፕ ዱጌ አባን ጉፒ ጉፒ ዎዲዲ ጌዴ ቢታ ቦላ ኬዛና ማላ አዛዚዴስ።

44 ሃንኮ አቲዳይቲ ሜቂ ዎዲዳ ሳንቃ ቦላ አባ ፒናና ማላ አዛዚዴስ፤ ሄሳሶ ሃኒዲ ዉሪካ ሳሮን አባ ጊዶሬ ቢታ ቦላ ጋኪዳ።

28

ጳዉሎሲ ሜላጊያ ቢታን

1 ኑ ቢታይ ዲዛሶ ሳሮቴላን ጋኪዳፕ ጉዬ ኑ ጋኪዳ አባ ጊዶን ዲዛ ዴሬይ ሜላጊያ ጌቴቲዛ ዴሬ ጊዲዳሮ ኤሪዶስ። 2 ሄ ዴሬዩን ዲዛ አሳይ ዳሮ ማላሊሲዛ ኪያቴስ ኑስ አሲዴስ። ሄ ዎዴ ኢራይ ቡኪዳ ጊሺኔ ሜን ጊዲዳ ጊሽ ታማ ኤሲዲ ኑና ሞኪ ኤኪዳ።

3 ጳዉሎሲ አፊራ ጊዛ ሚሲ ሺሺዲ ታማን ጉጂን ታማ ሴላፕ ዴንዲዳይሳን ሾሺ ኬዚዲ ኢዛ ኩሺ ቦላ ፃፂቲዴስ። * 4 ማልታ አሳይ ሾሺ ጳዉሎሳ ኩሺ ቦላ ፃፂቲዳይሳ ቤዩዲ “ሃይሲ አዴዚ ሺምፖ ዎዲዳዴ፤ ጋሶይካ አባ ዳምባላፕካ ኢዚ አቲዲ ዩኮካ ፒርዲዛ ያሳፊ ኬሲ ኤኪዲ ፓፃ ዳና ዳንዳይቤና” ጊዲ ባ ጊዶን ሃሳዮቲዳ 5 ጳዉሎሲ ቃስ ሾሻ ዱጌ ታማን ቆቆፍ ዩጊዲ አይኮካ ሃኒቤና። 6 አሳይካ “አይዴፕ አይዴ ኢዛ አሳቴሳይ ኪፃኔሻ፤ ዎይኮ ቆፖንታ ኩንዲዲ ሃይቃና” ጊዲ ናጊዴስ፤ ጊዶ አቲን ኢስቲ ዳሮ ዎዴ ናጊሺን ኢዛ ቦላ አይኮይኔ ሃኖንታይሳ ቤዩዲ ባ ቆፋ ሳሚዲ “ሃይሲ አዴዚ ያሳ!” ጊዴስ።

* 28:3 አፊራ ጊዛ ሚሲ ጊዛይሲ ኢሲ ኢሲ ጋሞ አሳቲ ቃይፃሬ፣ ሁንጌ ሚሲስ ጌቴስ።

7 ሄ ኑ ዲዛሶ ማታን አባ ጊዶን ዲዛ ዴሬዮ አይሲዛ ፑፑልዮሳ ጌቲቲዛዴስ ጋዴይ ዴስ፤ ሄ አዴዚ ኑና ሞኪ ኤኪዲ ባሶን ሄቩ ጋላስ ጋካናስ ሎዔሊ ኢማቲዴስ። 8 ሄን ፑፑልዮሳ አዋ ሚሻይኔ ጉሶ ሃርጌይ ሳኪን ኢቺዲ ዴስ፤ ጳዉሎሲ ኢዛኮ ጌሊዲ ኢዛስ ዎሲዴሲኔ ኢዛ ቦላ ባ ኩቩ ዎሲዲ ፓሲዴስ። 9 ሄሲ ሄሳሶ ሃኒዳፕ ጉዬ ሄ ዴሬይን ዲዛ ሃራ ሃርጋንቻቲ ዩዲ ፓጊዳ። 10 አሳይካ ኑስ ዳሮ ሚሽ ኤሂዲ ኑና ቦንቺዛይሳ ኑና ቤሲዳ፤ ኑ ማርካቤን ባና ዴንዲን ኑስ ኮሺዛይሳ ማርካቤን ዉርሲ ጫኒዳ።

ጳዉሎሲ ሚሊዒኔፕ ኦሮሜ ቢዴስ

11 ኑ ሚሊዒኔን ሄቩ አጊና ጋምዲዳፕ ጉዬ ባልጎይ አዳና ጋካናስ አባ ጊዶን ዲዛ ዴሬዮን ጋምዲዲ ኢስኪንዲሪዮፕ ዩዛ ማርካቤን ጌሊዲ ባና ዴንዲዶስ፤ ሄ ማርካቤዛ ቦላ ዲዮሲቆሮሳ ጌቲቲዛ ናምዑ ሜንቴ ኤቃታ ሚሲሌይ ዴስ። 12 ጌዴ ሲራኩሴ ጌቲቲዛ ካታማ ጋኪዲ ሄን ሄቩ ጋላስ ጋምዲዶስ። 13 ሄፕ አባ ቦላራ ቢዲ ሬጊዮሜ ጌቲቲዛ ካታማ ጋኪዶስ፤ ሄን ኢሲ ጋላስ አቂዲ ዱጌ ባጋራ ዩዛ ጫርኮይ ጫርኪዳ ጊሽ ናምዓንሶ ጋላስ ፑቲዮሎሴ ጌቲቲዛሶ ቢዶስ። 14 ሄን አማኒዛይታ ዴሚዲ ኢስታራ ኑ ሳፑን ጋላስ ጋካናስ ኡታና ማላ ኑና ዎሲዳ። ሄፕ ቃሴ አሮሜ ቢዶስ። 15 አሮሜን ዲዛ አማኒዛ አሳይ ኑ ጊሽ ሲይዲ አፒዮሴ ጌቲቲዛ ጊዶኔ “ሄቩ አቆሶታ” ጌቲቲዛሶ ጋካናስ ኑና ሞካና ዩዳ፤ ጳዉሎሳይካ ኢስታ ቤዩዲ ዎሴ ጋላቲዴሲኔ ሚኔቲዴስ።

ጳዉሎሲ አሮሜን

16 ኑኒ አሮሜ ጌሊዳ ዎዴ ጳዉሎሳ ናጋናስ ኢሲ ዎታዳራይ ኢዛስ ኢሜቲን ጳዉሎሲ ባርካ ዳና ማላ ኢዛስ ፊቃዴይ ኢሜቲዴስ።

17 ሄቩ ጋላሳሬ ጉዬ ጳዉሎሲ አሮሜን ዲዛ አይሁዳታፕ ጊታ አሳታ ባኮ ያይጊሲዴስ፤ ኢስቲካ ኢዛኮ ቪቂን “ታ ኢሻቶ! ታኒ ኢስራዔሌ ዴሬ ቦላኔ ኑ አዋታ ዎጋ ቦላ ኦሲዳ ኢሲ ቆሆይካ ዴና፤ ጊዶ አቲን ዩሩሳላሜን ታና ቃቺዲ አሮሜ አሳታስ አሲ ኢሚዳ። 18 አሮሜ አሳቲ ታና ቆሪ አይቺዳፕ ጉዬ ታና ሃይቆስ ጋሲዛ ሚሽ ዴምንታ አጊዳ ጊሽ ቢርቪ ዩዳና ኮይዳ። 19 ጊዶ አቲን አይሁዳ አሳይ ታ ቦላ ኢሲ ዎሶይ ባይንዳ ዩዴቶንታ ማላ ኤቁቲን ታ ዮዎይ ቁሳሬ ሲንህ ቪቂዲ ቤቶ ጋናስ ታስ ጊዴ ጊዲዴስ። ጊዶ አቲን ታኒ ታ ዴሬታ ሞቲዛ ጋሶይ ታስ ዴና። 20 ታ ቃስ ሃዲ ኢንቴና ያይጊሲዳይ ኢንቴና ቤያናሲኔ ሃዮ ኢንቴስ ዮታናሳ፤ ሃይሳ ሳንሳላታን ታኒ ቃሹቲዳይ ኢስራዔሌ ናይታስ ኢሜቲዳ አፋይሳ ጋሶና” ጊዴስ።

21 ኢስቲካ ኢዛስ “ኔ ጊሽ ዩሁዳ ዴሬፔ ገፊቲዳ ዴቢዳቤይ ኑና ጋኪቤና። ሃ ዩዳ አሳታፔ አኒካ ኔ ጊሽ ኢታ ሃሳዩዳይ ባዋ።

22 ሃይሳ ኔ ካሊዛ አማኖዛ ጊሽ አዋንካ አሳይ ኢታ ሃሳዩዳይሳ ኑ ኤሮስ። ሄሳ ጊሽ ኔ ቆፋይ አዛኮኔ ኑ ሲያና ኮዮስ” ጊ ዛሪዳ።

23 ባሬ ኢዛስ ኢሚዲ ሃራ ጋላስ ኩሼ ኩሚዲ ኢዚ ዲዛ ኪሴ ዩዳ። ኢዚካ ማላዶፔ አማርስ ጋካናስ ያሳ ካዎቴሳ ጊሽ ማርካቴሳን ባ ቆፋ ኢስታስ ቆንጨሲዴስ። ሙሴ ዎጋፔኔ ናቤታ ማፃፋታፔ ገቃሲ ገቃሲ ዩሱሳ ጊሽ ኢስታስ ቆንጨሲ ዮቲዴስ።

24 ኢስታፌ ኢሲ ኢሲ አሳቲ ኢዚ ዮቲዳ ቃላ አማኒዳ፤ ባጋይቲ ቃስ አማኒቤቴና። 25 ኢስቲካ ባ ጊዶን ኢሲይ ኢሳራ ቆፋን ጋጎንታ ሻኬቲዳ፤ ጳዉሎሲ ዉርሴሳን ዮቲሼ “ጊሎ አያናይ ናቤ ኢሳያሳ ባጋራ ካሴ ኢንቴ አዋታስ ዮቲዳይሲ ቴማኮ! 26 ኢዚ ዮቲዳ ቃላይ።

‘ሃይሳ ዴራኮ ባዳ ኢንቴ ሲሲ ሲያና ሺን ዩሺ ቆፔኬታ።

አይፌራ ቤያና ሺን ዎዝናን ዎሴኬታ ጋዳ ዮታ።

27 ጋሶይካ ሄ አሳታ ዎዝናይ ሙሚዴስ።

ኢስታ ሃይሳይካ ቴሊዴስ፤

ኢስታ አይፌይ ቆቂዴስ።

ሄሳሶ ሃኖንታኮ

ኢስቲ ባ አይፌራ ቤዩዲ

ባ ሃይሳራ ሲይዲ ባ ዎዝናን ዩሺ ቆፒዲ

ታኮ ሃ ሲማናኔ

ታካ ኢስታ ፓሳናሺን” ጊዴስ።

28 “ሂስቲኮ ያሲ አስ አሺዛ ኪታይ አይዛቤታስካ ኪቴቲዳይሳ ኢንቴ ኤራቴ፤ ኢስቲካ ኤሮ ጊዲ ኤኬቴስ” ጊዴስ። 29 ጳዉሎሲ ሄሳ ዮቲዳፔ ጉዩ አይሁዳ አሳቲ ባ ጊዶን ዳሮ ፓላሜቲሼ ኬዚ ቢዳ። †

30 ጳዉሎሲ ኪራቲዳ ኬሳን ናምዑ ላይሰ ኩሜስ ዴዲዴስ፤ ባኮ ዩዛ አስ ዉርሲ ሞኪ ኤኪዴስ። 31 ያሳ ካዎቴሰ ሳባኮን ጎዳ ዩሱስ ኪርስቶሳ ጊሽ አኒካ ኢዛ ዲጎንታ ገላቴሳራ አሳ ታማርሲዴስ።

† 28:29 ኢሲ ኢሲ ጊሻ ማፃፋታን ፓይዶ 29 ቦላ ዲዛ ቆፋይ ጉጂቲቤና።

አራሳ ጫቆ ማገፋ ጋሞላ

New Testament in Gamo (ET:gmv:Gamo)

copyright © 2011 Wycliffe Bible Translators, Inc.

Language: Gamo

Translation by: Wycliffe Bible Translators, Inc.

Copyright Information

© 2011, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Gamo

© 2011, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-25

PDF generated using Haiola and XeLaTeX on 12 Mar 2019 from source files dated 12
Mar 2019
dffa0cbb-5f77-5875-bf95-f4176677af45